

محمد عصمت

ضوء الصوت



عصمت، محمد
ظهر الحوت : رواية / محمد عصمت.
تحرير أدبي: دينا نسريني.

القاهرة : كيان للنشر والتوزيع، 2025.
214 صفحة، 20 سم.
تدمك : 978-977-820-284-7
أ- القصص العربية.
ب- العنوان : 813
رقم الإيداع : 2025 / 2122
الطبعة الأولى : يناير 2025.
جميع حقوق الطبع والنشر محفوظة ©



كيان للنشر والتوزيع
إشراف عام:
محمد جميل صبري
نيفين التهامي

ع ش حسين عباس من شارع جمال الدين الأفغالي- الهرم- محافظة الجيزة.
هاتف أرضي: 0235918808

هاتف محمول: 01000405450 – 01001872290

بريد إلكتروني: kayanpub@gmail.com

info@kayanpublishing.com

الموقع الرسمي: www.kayanpublishing.com

• إن الآراء الواردة في هذا الكتاب لا تعبر بالضرورة عن رأي الناشرين.

• جميع الحقوق محفوظة، وأي اقتباس أو إعادة طبع أو نشر في أي صورة كانت ورقية أو إلكترونية أو بأية وسيلة سمعية أو بصرية دون إذن كتابي من الناشر، يعرض صاحبه للمساءلة القانونية.

إهداء

إلى زوجتي العزيزة

التي بقدومها تلوّنت حياتي بالفرح، وعَرَفْتُ معنى السعادة

شكر واجب

الصديق والأخ العزيز/ باسم الخشن

شكرًا لكل ما تفعله من أجلي طوال الوقت، وكل مجهوداتك التي
تُقدِّمها بفضنتهى الأريحية من أجلي

الجميلة/ ريهام نبيل فاروق

مكسب العام الأهم والأجمل على الإطلاق

العزيزة/ لارا فايز

التي يغير وجودها الكثير من الأشياء .. للأفضل طبقًا

العزيزة/ دينا نسريني

شكرًا على كل شيء

وأخيرًا وليس آخرًا هادي وإياد

بحبكم

تنويه

كُلُّ الأحداث المذكورة مُستوحاة من أحداث حقيقيّة، وأي تشابه بينها وبين أي أحداث أخرى هو مسئولية مُرتكبيها فقط، إذ لم يتوجّب عليهم أن يتصرّفوا بهذه البشاعة.

مُقَدِّمَة

استيقظت لأجد نفسي وحيدًا في المنزل، وكعادة أي طفل صغير؛ شعرت بدفقة من السعادة تغزو قلبي البكر؛ قبل أن يتسلل إليه القلق، فيعتصره بقبضة حديدية، مُرسلاً جيوشًا من الأفكار المخيفة إلى دماغه.

ماذا .. ماذا سأفعل إذا لم يعودوا؟ إذا تركوني هنا؟ وحيدًا؟ إذا اقتحم لص الشقة الآن؟ ماذا سأفعل إذا .. وإذا .. وإذا ..

ارتجفت لعشرات الأفكار القائمة التي دارت من حولي وهي تتراقص كقبيلة من الهنود الحمر، لكنني شرعان ما استجمعت شتات نفسي، وحاولت التهديئة من روعي.

عندما تماسكت قليلًا، بدأت أفكر فيما حدث .. وفيما سيحدث! لقد قضيت فترة طويلة بين أحضان البحر، مما أرهق جسدي، ولطشني هواء البحر، فنمت عميقًا حتى إنني لم أدرك شيئًا مما يحدث حولي، ويبدو أنهم اضطروا للخروج سواء لشراء شيء ما من السوق القريب، أو لنزهة سريعة في الهواء الطلق هربًا من الحر المزعج، كما يبدو أيضًا أنهم حاولوا إيقاظي، لكن سطوة نومي كانت قوية، لذا تركوني هنا؛ أملًا في العودة قبل أن أستفيق.

لكن حدث ما لم يكن في حساباتهم، واستيقظت أثناء وجودهم بالخارج.

شعرت بالشقاوة تجري في عروقي، وانتفض جسدي بالحماس. هذه فرصة لا تتكرر كثيرًا، فكُرت في كل الأشياء التي يمكنني القيام

بها الآن!

يُمْكِنُنِي تشغيل التِّلْفَاز بصوت عال، دون القلق من صراخ أبي وهو يأمرني بخفض الصوت. كما يُمْكِنُنِي رفع عقيرتي بالغناء كما أشاء، دون أن يُطالبني أحد بالتوقُّف عن «الجعير». ويُمْكِنُنِي كذلك دخول الحَقَّام وترك الباب مفتوح.

لِكن لا، لن أفعل أيًّا من هذه الأشياء، فميزة الشقاوة الأهم هي وجود مُتلقٍّ، بدون شخص ينزعج من التصرفات السيئة .. لا يُصبح لها قيمة، وتفقد زهوتها.

حسنًا، لن أَسْمَح لهذه الوحدة بتخريب مزاجي الجيّد، خصوصًا وأنا جئنا إلى الإسكندرية لقضاء عطلةٍ متنها أسبوع، قبل عودتنا إلى القاهرة؛ حيث الزحام والضغط النفسيّة التي لا يُقدِّرها غير القاهريين، ناهيك طبعا عن بداية الدراسة.

طبعا، ترك والدي العزيز الدنيا وما فيها، واختار العجمي تحديدًا لعدّة أسباب، أهمها الهدوء وراحة البال، وهو ما يعني رُخص أسعارها في قاموس والدي. لكن لكل شيء عواقب .. حتى العجمي! إذ يُقال إن المنطقة مسكونة، وإن أشباحها أكثر من سكّانها.

لِكنني لن أخيف نفسي، ليس الآن .. وأنا بمفردي! بالإضافة لأنني كبرتُ وبقيت «راجل» كما تقول الشّت والدتي، قبل أن يُجيبها رءوف، شقيقي الأكبر بشخريّة: «هتكبري الواد يا حاجة، دا يدوبك طالع أولى إعدادي!»

لم تَحْجِ والدته، لكنها تبتسم عندما يُناديها رءوف بالحاجة، وتُتمتم

بصوت خافت: «يسمع من بُقك ربنا».

رءوف في الجامعة، ويتصرف كرجل يُعتمد عليه، ويتحفل
المسئولية، والحق يُقال إنه يفعل ذلك بكل تأكيد.

شعرث بالطمأنينة قليلاً بعد انجرافي في التفكير في أفراد عائلتي،
خصوصاً رءوف .. ربنا يطوّل لنا في عُمره، وقزّرت فتح الشّبّاك
الفُطّل على الشاطئ، والجلوس قليلاً للاستمتاع بهواء الليل اللطيف،
لحين عودتهم من .. حسناً، أينما كانوا!

فتحت التّلاجة، فوجدت زُجاجة مياه غازيّة كبيرة تُلْفُظ أنفاسها
الأخيرة، صببت ما تبقى منها في كوب صغير، ووضعتها جانباً لثبّدها
من البقال في الصباح، وأخذت طبّقاً من الترمس، وجلست خلف
النافذة المفتوحة، مُستمتّةً بوحدي اللطيفة.

قبل أن يلفت نظري شخصٌ يجلس هناك على الشاطئ، محتلاً
مقعداً من تلك التي تُشبه الشيزلونج. رءوف! لم أكن لأخطئه قط
بجسده النحيل وشعره الطويل المُتطاير بخفّة مع هبّات النسيم.

تركث الكوب جانباً، وهرعث مُرتدياً حُفّي البلاستيكي القديم،
للجلوس مع رءوف قليلاً، إذ إنها فرصة لا بأس بها لتزجية الوقت
ربّما يعود بقيّتهم.

أغلقت باب الشقة، غير عابئٍ بجلب مُفتاحي، المُعلّق خلف الباب
في مسمارٍ صدئ، لأنني مُتأكّد أن رءوف يحمل مفتاحه معه. ركضت
حتى قزّرت الرّمال الثقيلة الرطبة الإبطاء من شرعتي وتهديئة وطأة
حماسي قليلاً.

أخذت قدماي تغرقان في الرمال الباردة، ورائحة اليود تقتحم أنفي وتسطل عقلي، كما أحرقتني عيني قليلاً من ملح البحر، لكنّ أيّاً من هذا لم يثني عن الذهاب إلى رءوف، الذي جلس ساكناً أمام البحر، يتأمله في صمت.

بحثت عن كرسي بحر آخر؛ لكنني لم أجد. قرّرت الجلوس على الرمال، فلا بأس بذلك. إذ يعرف جميع الفسطافين أن قدومك إلى الشاطئ، يعني منح إذن كامل للزمل بالتسلل إلى كل شيء في حياتك، والتشبّث به باستماتة، رغم محاولات تنظيفه أو حتى الاستحمام، حتى يملّ المرء منه ويتركه وشأنه، حينها يفقد الرمل شغفه ويتركك لحال سبيلك.

جلست أرضاً، بجانبه، وقلّث له، دون أن أنظر إليه: «فكرتك معاهم!»

لم يُجبني رءوف، لكنها لم تكن مشكلة كبيرة، فأحياناً ما يتحلّى رءوف بالهدوء، ويلتزم الصمت التام، ويعشق الوحدة.

وهكذا، قرّرت الجلوس في صمت، لكن شقاوتي كانت أقوى مني، ولم أتحلّ الجلوس في صمت وهدوء، لذا قلت: «يا ريت مكنوش بضايق حضرتك يعني!»

لكنه لم يحرك ساكناً، ولم يُجبني حتى بكلمة واحدة.

حسناً، أعتقد أن رءوف سيظل رءوف، ولن يُغيّره شيء.

جلست بهدوء رغماً عني، أتأمل البحر الغارق بين أحضان الظلام، والأمواج التي تلاحق بعضها البعض دون هدف محدّد، وما إن تصل

لهدفها حتى تتلاشى إلى كومة من الزبد، وتلقى حتفها على الشاطئ،
والقمر الذي احتل السماء فارضاً سطوته على الظلام، ومُبدِّداً القليل
من سيطرته، والنجوم التي تناثرت حوله لتملأ صفحة السماء
بماسات صغيرة تلتمع بهدوء، ورائحة الملح وطعمه اللذان تسلاً رغماً
عني إلى أنفي ولساني، ناهيك عن الحرقان الذي احتل مُقلتي عيني،
ولا يجب عليّ نسيان القشعريرة الصغيرة التي تُهاجم الجسد بين
الحين والآخر بسبب النسيم البارد الذي لُقني لُفاً هنا.

فجأة، قال رءوف بصوت عميق، دون أن يلتفت إليّ: «قوم امشي!»
نظرتُ له بدهشة، وسألته: «إيه؟ ليه؟»

قال مُجدِّداً، بنفس الصوت العميق، دون أن يتحرَّك من مكانه قيد
أنملة: «قوم .. امشي!»

سألته، دون أن تُفارِقني دهشتي بدوري: «طب وإنت؟»

فجأة، وقبل أن يُجيبني على أسئلتِي، سَمِعْتُ صوتاً مُلتاعاً يصرخ
بألم، يأتيني من بعيد، فتتلاعب به الريح، صوت الحاجة، أمي،
تُناديني بخوف: «يا سعيد! إنت فين يا سعيد يا ابني؟»

انتفض قلبي بين ضلوعي، وشعرْتُ بقشعريرة خوف تغزو جسدي
بأكمله، ابتلعتُ ريقِي بصعوبة، وشعرْتُ ببعض الألم يجتاح صدري.
نهضتُ عن الأرض، ولم أنفض حتى يديَّ أو سروالي من الرمال
العالقة به. سرْتُ متراجفاً للخلف، مُبتعداً عن رءوف، الجالس أمام
البحر، نحو صوت أمي التي يصدح صراخها من النافذة التي تركتها
مفتوحة: «مكانش يومك يا ابني! مكانش يومك يا حبيبي!»

سَمِعْتَهُ يَقُولُ مِنْ خَلْفِي: «مِينَفَعَشْ تَبْقَى هِنَا! امْشِي!»

ازدادت ضربات قلبي قوّة، استدثرت .. وركضت مُبتعدًا، ولم أنظر خلفي. ركضت كما لم أركض في حياتي من قبل. وكلما اقتربت من العمارة، خفق قلبي بقوة، وأخبرني حدس مُرعب أنني لن أصل في الوقت المُناسب، كما أخبرني أيضًا بضرورة عدم النظر خلفي تحت أي ظرف من الظروف، لكن فضولي كان أقوى من أي حدس .. لذا غلبني أخيرًا .. ونظرت خلفي!

وأنا مُستعد أن أقسم، بكل أيمانات جميع الملل والأديان، أنني لن أنسى ما رأيته في تلك اللحظة!

أبدًا!

ما حيث!

وقف رءوف عن كرسي البحر، واستدار ليُراقبني.

وفي تلك اللحظة، وأمام عيني، استطال، فلما طال .. لامس رأسه السماء، بينما انغرست قدماه في الرمال الناعمة تحت وطأة وزنه، وطالت أطرافه، حتى وصلت أصابعه إلى الرمال، وانعقدت زكبتاه للخلف، لا للأمام، وشقت عيناه بالطول.

قال بصوته العميق: «مكانش ينفع تبقى هِنَا!»

تجمّدت في مكاني، وأخذت أتأمل لحمه وهو يتحلل أمام عيني، وعظامه تخرج للنور من تحت جروحه واهترائه، والديدان تزحف على جلده الرمادي المُتغصّن.

شعرتُ بشيءٍ يجذبني للذهاب نحوه، رغم الخوف الشديد الذي
اعترانني، تحركتُ خطوة نحوه، وحاولتُ مقاومة مشاعري، والتراجع.
لكن جسدي أبى أن يُطيعني، واستمرَّ في رحلتي إلى أحضان الجميع.
أُفقتُ من ذهولي على صراخ أمي وهي تستكمل نحيبها: «يا حبيبي
يا ابني! يا حبيبي!»

هزئتُ رأسي للحظة، كائتُ كافية لأتحزّر من سطوته، واستدرتُ ..
راكضًا نحو المنزل بكل ما أوتيتُ من قوّة، وهذه المرّة .. قاومتُ
مشاعري التي أجبرتني بفنتهى القوّة والإلحاح لأنظر خلفي مرّة
أخرى.

ما إن وصلتُ إلى باب العِمارة، حتى ركضتُ صعودًا على السلم،
وصولًا إلى باب الشقّة. سمعتُ صراخًا ونحيبًا مكتومين يأتيان من
خلف الباب المغلق، الذي طرقته في جنون، ووحشيّة، وغنف. وما
إن فتحتُ אחتي الباب، حتى رأيتُ في عينيها حزنًا لم أره من قبل،
سألتها: «فيه إيه؟»

أجابتنني من بين دموعها: «رءوف!»

سألتها وقلبي يكاد يقف: «ماله؟»

«سبناكم نايمين، ونزلنا، رجعنا لقيناك على الشط، ولقيناه ميّت ..

من بدري .. في سريرته!»

ارتجف جسدي بشدّة ..

وفقدتُ وعيي أمام باب الشقّة!

(٠)

«وظائف أفراد أمن في قرية سياحية بالساحل الشمالي»

مطلوب أفراد أمن لقرية سياحية بالساحل الشمالي:

- براتب (٣٩٠٠) جنيه مصري على (٢٥) يوم عمل و(٥) أيام إجازة.
- براتب (٤٤٠٠) جنيه مصري على (٣٠) يوم عمل.
- عدد ساعات العمل (١٢) ساعة.
- يوجد سكن، و(٣) وجبات، ومواصلات داخلية.
- إقامة كاملة.
- عقد سنوي، بزيادة سنوية.
- والإضافي بأجر مُضاعف.
- تأمين صحي، واجتماعي، وتأمين على الحياة.
- فُرص للترقي، وإمكانية تثبيت الشفّت.

«مئوى لخدمات الموتى ومراسم الجنازات»

لأول مرّة في مصر، تُقدّم لك شركة مئوى جميع الخدمات اللوجستية التي تُغطّي جميع مراحل تكريم المتوفى. وتشمل خدماتنا على سبيل المثال لا الحصر؛ إنهاء إجراءات تصريح الدفن، والإجراءات الرسمية، والغسل، وتجهيز الجثمان، وتحضير المقابر

والمدافن، والنقل، وحجز قاعات العزاء والتأبين، ونشر النعي في الجرائد والوسائل الرقمية، وتوزيع هبات الصدقات على روح المتوفى، والعديد من خدمات الدعم ما بعد الوفاة.

مثنوى .. مساحتك لوداع الأحياء!

«بسبب موجة الحر .. زيادة تخفيف أحمال الكهرباء لـ ٣ ساعات».

في آخر مُستجذات خُطة تخفيف أحمال الكهرباء في مصر، كشف اليوم الأربعاء مصدر بوزارة الكهرباء أن مركز التحكُم القومي بالكهرباء سيبدأ خلال الأيام القادمة في خُطة تخفيف الأحمال لفُدة ثلاث ساعات بسبب نقص كمّيات الوقود والغاز الطبيعي الذي يتم توريده لمحطّات الكهرباء، بالتزامن مع ارتفاع مُعدّلات الاستهلاك.

وأضاف المصدر أن ارتفاع درجات الحرارة وموجة الحر التي ستشهدها مصر خلال الفترة المُقبلة ستؤدي إلى ارتفاع مُعدّلات الاستهلاك بشكلٍ عامٍّ حيث يتوقّع الخبراء تخطّي الاستهلاك (٣٥) ألف ميغاواط.

وطالب المصدر المواطنين بضرورة التعاون مع الحكومة والعمل على ترشيد الاستهلاك خاصّة من أجهزة التكييف والمُبرّدات، لافتًا إلى أن ضبط التكييف على درجة حرارة (٢٥) وإغلاق الستائر والأبواب وغيرها من الإجراءات ستؤدي إلى خفض الاستهلاك، بالإضافة إلى خفض قيمة الفاتورة الشهرية الخاصّة بالكهرباء.

«حسام كامل يستعد لفيلم (على سهوة) .. تعرّف على أبطاله وموعد تصويره».

كشف ضئاع فيلم (على سهوة) للنجم حسام كامل عن قائمة أبطال العمل الذي يتم تحضيره على قدم وساق تمهيدًا للبدء في تصويره خلال الأيام المقبلة، حيث تضم قائمة الأبطال كلاً من: محمود رشاد، أحمد سامي، غلا فوزي، وكراميل، وفحيي الدين حسن، ورامي زين الذي يُعد أحدث اكتشافات حسام كامل، الذي يؤمن به ويؤمن به ويؤمن به أنه نجم الجيل القادم.

الفيلم من تأليف حسن نور الدين، وإخراج نور شعبان، وبدأ أبطال الفيلم إجراء بروفات الترابيزة على الشخصيات التي يُقدّمونها في الفيلم، وذلك تمهيدًا لتصوير أول مشاهد الأسبوع القادم، وتدور أحداث الفيلم في إطار كوميدي ساخر لا يخلو من التشويق، ويُقدّم فيه حسام كامل شخصيّة جديدة لم يُقدّمها في أي فيلم من قبل.

«بعد مُحاولات إنهاء الخلاف بينهما .. حسام كامل يعلّق: رامي زين زني ابني»

ردّ المُمثل حسام كامل على تعليق المُخرج الشهير أدهم خالد على الأزمة التي حدثت بينه وبين النجم الشاب رامي زين، إذ وُصفه حسام كامل بأنه مثل نجله، وأنه لا يُجامله مثلما يدّعي البعض.

وكان أدهم قد قال في برنامج (حوار صريح) مع الإعلامية الشهيرة: نور شعبان إن رامي زين أصبح نجم الشباك الأول في

الآونة الأخيرة، وأنه لا يحتاج لرأيه لأن الجميع يرى خطواته ونجاحاته، وتمنى له المزيد من الإبداع.

قبل أن يُضيف: لم يُعجبني تصريح حُسام كامل عندما قال إنه اكتشف رامي زين وقّده للجمهور، ولولاه ما سمع أحد عنه، لأن الموهبة الحقيقية ستفرض نفسها إما عاجلاً أو آجلاً، لكنني متأكد أن حُسام لم يكن يقصد التقليل من رامي أبداً.

ورد حُسام على أدهم قائلًا: «حصل خير يا جماعة، رامي زين ابني وهو مُجتهد ومُمتاز، وأعتقد أنه سيصل لنجاحات كبيرة قادمة، خصوصًا أنه يضع تجربتي نُصب عينيه، ويُطبّقها بحذافيرها. أتمنى له التوفيق في قادم الخطوات».

(١)

أستيقظ من نومي شاهقًا كغريقٍ يصعد فوق سطح الماء، أعتدل على فراشي وأنشج بغنف، أواجه صعوبةً في التنفس، أشهق .. ألهث .. أتهدد، أحاول التماشك قليلًا، لكن ضربات قلبي تأبى الهدوء، وثحاول جاهدةً اختراق قفصي الصدري.

أضع يدي على صدري، وهي عادة ألجأ لها كلما وجدت نفسي أسيرًا للفرع، ورغم برودة الشتاء، أشعر بمنامتي مُبللة .. بل منقوعة في العرق البارد. لا ينفك هذا الكابوس اللعين يُطارِدني منذ وفاة رءوف. بالطبع لم يُصدّقني أحد عندما استعدت وعيي، وأفقت من صدمتي، وقصصت عليهم رؤيائي. اتهموني بالخبل، والجنون، والخيال الواسع، والكذب، وعدة تهّم أخرى لا أذكرها الآن. نظرت في أعين الجميع، ولم أجد بينهم من هو مُستعدّ لدعمي أمام سيل التهم هذه.

وهكذا تعلّمت من هذا الكابوس درسًا قيّمًا، ألا أحكي تلك القصة مرّة أخرى قط، لذا تناسيتها، ودسستها في زكنٍ بعيدٍ مُظلم من ذاكرتي. والآن، رغم مرور ثلاثين عامًا، والعديد من التجارب الصعبة، والكثير من قسوة الحياة، إلا أنها لا تزال تُطارِدني في كوابيسي بلا رحمة ولا هوادة.

نهضت من فراشي، تحسّست الأرض الباردة حتى وجدت خُفي البلاستيكي، انتعلته وسرت مُترنّحًا نحو دورة المياه المُلحقة بغرفتي. حسنًا، هذه إحدى مزايا العمل كفردٍ آمنٍ في قرية الفيروز

السياحية بالساحل الشمالي، ناهيك طبقًا عن الهدوء الذي يُخيم على القرية طوال فصل الشتاء، إذ تخلو على عروشها طواله.

فتحت الصنبور، ووقفت مُنتظرًا الماء البارد الذي طالت غيبته ولم يأت، مددت يدي تحت الحوض وأخرجت زُجاجة قديمة مليئة بالماء البارد، صببت منها ما يكفي، وضربت به وجهي بغُف قليلًا، أرجو التخلص من كابوسي. استندت على حافة الحوض للحظة، شاعرًا ببرودته تحت كفي، مُراقبًا قطرات الماء البارد تُغادر وجهي.

عدت إلى عُرفتي، ونظرت في ساعتِي، الثانية بعد مُنتصف الليل، باقي عدّة ساعات على الفجر، تأملت فراشي الدافئ بلّوم، لقد نهضت وغسلت وجهي مُعتقِدًا أن الضُبح قد حل، لكنه خدّعي، يبدو أنه ملّ رفقتي، والآن، لن أستطيع العودة للنوم مرّة أخرى.

تنهّدت وأنا أجلس على طرف فراشي، مسحت أنفي بظهر كُفي، ثم اتخذت قرارِي. سأخرج لأتدبّر شئون القرية قليلًا، إذ أنني لست من مُحبي الجلوس في المنزل، أو الاستسلام للهدوء، لأن الهدوء يزيد من دوشة دماغي.

ارتديت ملايسي على عُجالة، وخَرَجْتُ من عُرفتي مُسرّعا، ضربتني لفحة البرد، فلففت الكوفيّة الصوفيّة الحمراء التي أعطتها لي والدتي حول عُنقي، وتأملت البخار المُتصاعد من بين شفّتي مع أنفاسي القصيرة، تنهّدت مرّة أخرى، قبل أن أخرج للسير على الشاطئ، في المنطقة التي تفصل بين البحر والشاليهات، مُجرّد شريط مُمهّد، مرصوف بالبلاط الفاخر، الذي طالته يد الرّمال فلوّثته، وأخذت أتأمل الشاليهات المُظلمة المهجورة.

كلها شهور والفيل تشغي بني آدمين، وساعتها الونس هيملى
القرية.

تنهدت وأنا أتأمل الشاليهات القليلة المأهولة بالسكان، قبل أن
يلفت انتباهي أحد الشاليهات، إذ رأيت نافذة الدور الأول مفتوحة،
وبصيص ضوء من بين خصاص إحدى نوافذ الدور الثاني!

غريبة! الفيلا دي مكانش فيها حد من كام يوم! يمكن حد من
ضحابها جه زيارة قصيرة ولا حاجة! حاكم الجماعة الأغنيا دول
عليهم حاجات!

سرت حتى مكتب الأمن، ولحسن حظي وجدته مغلقا، إذ لم يكن
هناك في القرية سواي ومدير القرية وزميلي محمد المسئول عن أمن
البوابة الخارجية. ويبدو أن الجميع نيام، لا أحد مستيقظ غيري،
جيد.. فالونس أحيانا ما يزيد من هم القلوب.

فكرت في الخروج للتحديث مع رجل الأمن على البوابة بالخارج،
لكنني شرعان ما تذكرت أنه مسئول عن أمن بوابتي قريتين أخريين
في الشتاء، وربما يكون في إحدى القريتين الأخريين الآن. فكرت
في المفازفة والخروج، علني أجده لئزجي الوقت ونقتل الملل،
لكنني ارتجفت من شدة البرد، لذا شرعان ما تخلصت عن تلك الفكرة.

تنهدت، وتوقفت مكاني.

وبعدين في الملل ده؟ هتعمل إيه يا سعيد في الوقت المتأخر ده؟
وهتصرف إزاي دلوقتي عشان تخلص على الملل ده قبل ما يخلص
عليك؟

وكان القدر سمعني، وقرّر التصرف.

شرعان ما سمعت من يُناديني من خلفي: «سعيد .. يا سعيد!»

استر يا رب!

نظرت خلفي ورأيت صاحب القرية، يرتدي قميصًا وسروالًا، على عكس عادته في ارتداء بدلة كاملة، يُسرّع خلفي. تحرّكت نحوه بسرعة، في محاولة لإعطاء كل ذي حقّ حقه، فليس من الطبيعي أن أقف مكاني، مُنتظرًا صاحب القرية أن يأتيني حيثما أقف.

وضع يده على كتفي، وقال وهو يتنفس بسرعة: «رُحت لك الأوضة ملقيتكش، قلت أكيد بتشوف أحوال القرية».

أجبت: «دا شغلي يا فندم». مُقرّرًا عدم البوح بكابوسي، وقلقي، وعدم قدرتي على الرجوع إلى النوم مرّة أخرى. ثم انتبهت لتصريحه بذهابه إليّ حتى باب عُرفتي، ولا بُد أنه أمر جَل، لذا سألت: «خير يا فندم؟»

أجابني وهو يتحرّك: «خسام بيه يا سيدي، بيشتكى إن حد سرقه». انطلقت خلفه في خطوات سريعة، وسألته بدهشة: «تاني؟ هو مبيبطلش شكوى؟»

«ضداع، بس مُضطرين نستحمّله، في الأول وفي الآخر دا مالك. عايزك تروح له، وتشوف مُشكيلته إيه».

اعترتني الحيرة، وسألت: «هعمل له إيه طيب؟»

نظر إليّ بدهشة، وكأنني أسأله سؤالًا بديهيًا، قبل أن يقول: «اعمل

حاجة مُختلفة المرة دي، شوف بتعمل إيه كل مرة .. وغيرا أنا اللي هقولك يعني يا سعيد؟»

أبتلع ريقى في صعوبة، لا أستطيع ولا أحب التعامل مع هؤلاء الأغنياء، ومع تحكّماتهم، لكنني لا أستطيع أن أرفض له طلبًا كذلك، لذا قلت في استسلام: «أمرك يا فندم .. هتصرّف».

نظر لي بشك، وكأنه يشك في قدرتي على تدبّر الأمر، قبل أن يقول: «بُص يا سعيد، اعمل نفسك بتحقيق في الموضوع، اسأله شوية أسئلة، دُور في المكان، افتح تحقيق، اتصرّف يا سعيد يعني».

حسنًا، هذه خُطة لا بأس بها. وهكذا قلت له: «حاضر يا فندم، اعتبره حصل خلاص».

فجأة .. وقف في مكانه، فوقفت بدوري. تأمل الشاطئ للحظة، ثم همس، وكأنه يُحدّث نفسه: «يا رب لا .. يا رب لا والنبي يا رب!»

لم أفهم ما يتحدّث عنه، حاولت النظر إلى الشاطئ، لكنني لم أجد سوى العتمة والظلام في انتظاري. لم تفتني رؤية القشعريرة التي ارتعد بها جسده، رغم الظلام والبرد. نزل من على الممر المُمهّد، وتحرك بسرعة فوق الرّمال، غير عابئ بمحاولة الرّمال الرطبة القبض على قدميه. لم أجد بُدًا من اللحاق به، مُتجاهلاً الشعور اللعين الذي أكرهه منذ .. منذ حدث ما حدث!

سرت خلفه، مُحاولًا مُجاراة سرعته، ومُتجاهلاً قبضة الهواء البارد التي بدأت تعتصر رئتي، والألم الحارق الذي اجتاح ساقي، حتى وقف أمامها. تلك الصخرة الكبيرة التي تختبئ تحت سطح الماء، فلا

يظهر منها سوى سطحها البيضاء الذي يخترق الماء فيبدو ظاهرًا للعيان، والفسقة بـ «زهر الحوت»، وهو أيضًا الاسم الذي تشتهر به قريتنا.

قرية زهر الحوت!

لكن الحوت لم يأت بظهره خاليًا هذه المرة، بل حمل لنا مفاجأة غير سارة!

نظر لي مدير القرية، ورأى الفزع يتراقص في عيني، قبل أن يتلع ريقه بصعوبة وهو يسألني بغير تصديق: «يا نهار أسود .. هو ذا بني آدم؟ ميت؟»

حككت ذقني قليلًا، قبل أن أهزله رأسي بالموافقة .. إنها فعلاً جثة «بني آدم .. ميت!»!

(٢)

قد يعتقد المرء أن رؤية جُحَّة للمرَّة الأولى قد يكون أمرًا عاديًا، وأن رؤيتها لا تختلف كثيرًا عن رؤية أحد الأحياء .. لكن الأمر ليس كذلك .. أبدًا.

وقد يعتقد المرء أيضًا أنها قد تكون أمرًا استثنائيًا، وأن رؤيتها ستغير الكثير من الأشياء في نفسه .. لكن الأمر ليس كذلك أيضًا .. أبدًا.

وقفتُ أمام الجُحَّة وبداخلي تختلط الكثير من المشاعر، الخوف أمام الجُحَّة، والرُّعب في مواجهة الموت، والفضول للاقتراب، والرغبة في تفحصها، وغيرها وغيرها من المشاعر. لكن أكثر ما لفت نظري وجذب انتباهي هو أنفاس السيِّد المُدير المُتقطعة.

تنفّس الرجل وكأنه يُصارع فيلًا جثم على صدره، أو زبما هو قطيع فيلة بأكمله. نظرتُ إليه، فرأيتُ جبهته، رغم الظلام والبرد، تتفصد بالعرق. وقف بجواري لاهثًا، وعيناه تتسعان بغنْف، مَدَّ يَدًا مُرتعدة وفَتَّح زُرَّين من أزرار قميصه، ورأيتُ صدره من تحت القميص، يعلو وينخفض بسرعة.

رفع يده المُرتعدة ومَسَحَ جبهته بظهر يده، قبل أن يأخذ نفسًا عميقًا ويقول: «يا نهار أسود».

عقدتُ حاجبي، وشعرتُ بالدهشة تغزو قلبي، ورغم أنها مرَّتني الأولى في رؤية جُحَّة أمامي، إلا أنني شعرتُ بدهشة أكبر وفضول أكبر لرؤية رجل مثله يشغُر بمثل هذا الخوف والقلق في مواجهة

جُتَّة.

اقتربث منه، ووضعت يدي على كتفه، وقلت مُطمئناً: «ما تخافش يا فنديم، كل حاجة هتبقى كويسة إن شاء الله».

التفت لينظر إليّ، لكنه لم ينبس ببنت شفة. وعاد لينظر إلى الجُتَّة المُستلقية فوق الصخرة.

تبعثه بدوري، وتأملتها تحت ضوء القمر. جُتَّة لرجل يبدو في مُنتصف العمر، هاجر جسده مرحلة الضبا، لكنه لم يصل إلى شيخوخته بعد، عارٍ تماماً، يبدو رياضياً ودائم الاهتمام بنفسه وذقنه الحليقة، بشعرٍ ناعم متوسّط الطول، ولولا الرمال المُلتصقة بوجهه وشعره لقلت إنه وسيم بشكلٍ ملحوظ.

لكنه لم يفت غرقاً. فإحقاّقاً للحق .. لا يطعن البحر ضحاياه من الغرقى بمثل هذه الوحشية.

وحشية تشي بمعرفة القاتل بضحيته .. وبوجود تاريخٍ وماضٍ يجمع بينهما.

أفقت من خيالاتي على صوت الرجل وهو يقول: «يا نهار أسود .. يا نهار أسود!»

ربث على كتفه مرّة أخرى، وقلت له بصدق: «متقلقش والله .. إنت قلقان ليه؟»

نظر إليّ بدهشة، قبل أن تتبدّل ملامحه وتمتلئ بالغضب، وهو يقول: «قلقان ليه؟ أنا دفعت ثمن المولد الجديد! دا أنا صرفت دم قلبي في التجديدات! أنا حظيت كل اللي ورايا واللي أدامي في

تجديدات القرية السنة دي!»

وهنا انتبهت للأمر .. فكلُّ يُغني على ليلاه! وأنا الساذج الذي
اعتقدته هلع حزنًا على روح أزهقت بوحشية! لكنه لم يفكر سوى في
قروش ضرفت وتجديدات تُفدّت!

لم أجد ما أعقب به على فزعه، لذا قرّرت التزام الصمت، كيلا أنطق
بما يُعير مشاعره الفلتاعة أو قلبه الوجّل.

قال بصوتٍ خافتٍ، وكأنه يُحدّث نفسه: «الدنيا باظت .. كل حاجة
باظت خلاص!»

ربّث على كتفه مرّة أخرى، وقّلت: «إن شاء الله لأ، كل حاجة
هتظبط صدّقي».

نظر إليّ قائلاً: «هو إنت واقف تعمل إيه هنا؟»

شعرت بالدهشة، إذ يُخاطبني وكأنه يراني للمرّة الأولى. ارتبكت
قليلاً، قبل أن أستجمع شتات نفسي، وأقول: «في انتظار تعليمات
سيادتكم يا فنّدم».

أخذ نفسًا عميقًا قبل أن يقول: «روح مكتب الأمن اللي على بوابة
القرية، وبص على الكاميرات، شوف لو حدّ دخل أو خرج النهاردة،
وتعالى قولّي». صمت للحظة، وتأمل الجُتّة، قبل أن يقول أمراً:
«اجري».

تردّدت للحظة، قبل أن أحسم أمري وأحثّ الخطى نحو مكتب
الأمن، الفلاصق لبوابة القرية الأخيرة، والذي يحتوي على بعض
الأجهزة والهاردات المسئولة عن كاميرات مراقبة القرية، والتي لا

تستحق لقب كاميرات عمومًا لأنها بضع كاميرات قليلة، لا يتجاوز عددها أصابع اليد الواحدة، ولا ثراقب شيئًا سوى بوابات القرية فقط لا غير، ولا تتابع أو ثراقب أي قُل أو شاليهات؛ حفاظًا على خصوصية السادة البهوات!

أخرجت مفاتيحي من جيبِي، وبيد مُرتجفة بعض الشيء، فتحت باب الغرفة، وجلست أمام الأجهزة.

أمسكت بالـ «ماوس»، وبعده حركات حفظها عن ظهر قلب، فتحت «فولدر» تسجيلات الكاميرات ليوم أمس، تابعت الكاميرات، لكنني لم أجد شيئًا، لا شيء .. لا جديد .. ولا قديم..

عُدت لتسجيلات أول أمس، ولم أجد فيها شيئًا يُذكر أيضًا.

وعلى مدار ساعة تقريبًا .. لم أواجه أو أجد سوى ملٍ يتبعه ملٍ، يليه ملٍ يسبقه ملٍ، كما أنني لم أجد شيئًا تقريبًا، لم يدخل أحد .. ولم يخرج أحد!

نظرت في ساعتِي، أراقب الفطاردة التي لا تنتهي بين عقرب الثواني والوقت، ثم تنهدت ونهضت لأخرج من الغرفة، مُغلِّقًا بابها خلفي.

لطالما تخيلت أن شيئًا سيحدث في القرية، وأنني سأساهم في حلِّه، مُتخيلاً مدى براعتي ومهارتي في التحليل والاستنتاج، التي رغم أنني لم أكتشفها بعد، إلا أنني شبه مُتأكد من أنها في انتظار الحدث الذي سيحررها بداخلي.

وما إن حدث ما رجوته .. حتى وجدت نفسي مُجبَّرًا على السقوط

في فخ من الملل، غير قادر على التصرف في أي شيء أو اتخاذ أي قرار من أي نوع.

سأقتني قدماي إلى الشاطئ، أرجو نظرة أخيرة على الجثة، علني أجد ما يساعدي في إرضاء فضولي أو إشباع رغبتني في المعرفة. وصلت إلى الشاطئ، ووقفت أمام ظهر الحوت، لكنني لم أجد شيئا.

رغم أن الإضاءة قد أصبحت أفضل قليلا، لأن النور بدأ يشق عتمة السماء بخيوطه، فنيذا القرية قليلا، لكنني لم أجد لها أثرا! لا شيء .. لا شيء على الإطلاق!

مجرد شاطئ فارغ تماما، وبحر واسع تماما، وظلام بدأ يتبدد على يد خيوط الفجر الأولى!

لكن لا جثث .. ولا قتلى .. ولا جرائم غامضة!

يبدو أن المدير نقلها من مكانها لغاية في نفس يعقوب.

هكذا تركت الشاطئ، مثقلا بمزيد من الأسئلة، وتحركت نحو مكتب السيّد المدير، طرقت الباب، فسَمِعته يقول: «تعالى يا سعيد .. ادخل».

دخلت الغرفة، رأيته يفتح زجاجة ماء صغيرة، ويضع حبة دواء بيضاء صغيرة تشبه القلب كما يرسمه الأطفال في فمه، وابتلعها بمساعدة جرعة ماء كبيرة، أنهى نصف الزجاجة تقريبا، ووضعها على المكتب دون أن يكلف نفسه عناء إغلاقها.

مسح فمه بكفه، وسألني: «ها .. لقيت إيه؟»

أجبتُه ببعض القلق: «مفيش عرييات لا دخلت ولا خرجت من القرية على مدار يومين كاملين يا فندم!» ثم أومأَ برأسي نحو علبة الدواء وسألته: «حضرتك كويس؟»

مسح عرقه بظهر يده، وقال: «أنا تمام، هو الضغط بس .. خدت الحباية عشان حسيت إني مش تمام».

أجبتُه: «بالشفا إن شاء الله».

قرأت اسم الدواء: «كونكور ٥ مجم .. لعلاج ارتفاع ضغط الدم».

حسنًا، يجب أن يهدأ قليلًا وإلا مات كمدا!

سألني: «مُتأكّد؟ محدّش لا دخل ولا خرج؟»

«مُتأكّد مية في المية يا فندم، وحضرتك تقدر تتأكّد بنفسك لو تجب».

لوّح بيده رافضًا الفكرة وقال: «أنا واثق فيك يا سعيد، بس دا إزاي دخل هنا؟ يمكن مدخلش بعربية؟»

هزّزْتُ كتفي، رافضًا التفكير في حضرته، إذ لا يُجب المسؤولون أن يُفكّر الموظفون، لأن هذا يجعلهم يبدون أغبياء.

أتذكّر أن مُديرًا سابقًا لي في أحد المصانع، قد صاح بي عندما فكّرتُ في فكرة لزيادة إنتاجية المصنع: «لما إنت تفكّر .. أمشي أنا بقي!»

قال وهو يتجرّع جرعةً أخرى من الماء: «طيب تفكّر نبُلِّغ الشرطة؟»

سألته بفضول: «طيب .. حضرتك نقلت الجُتّة ليه طالما هنبلّغ الشرطة! مش المفروض نسيب كل حاجة مكانها عشان البصمات؟»
رفع حاجبيه ونظر إليّ بدهشة قائلاً: «جُتّة إيه اللي اتنقلت؟ أنا منقلتش حاجة يا بني آدم!»

أجبت بدهشة: «مفيش جُتّة يا فندم! أنا قلت حضرتك نقلتها!»
نهض عن مقعده وهو يقول بدهشة: «هنقلها أوذيها فين بس؟»
خرج من مكتبه، فتبعته دونما نقاش، وفي غضون دقائق .. كنا أمام ظهر الحوت .. الخالي .. نتبادل النظرات في ضوء الفجر الخافت، والدهشة تكاد تقفز من أعيننا، أما قلوبنا فأبت الهدوء.

سألني هامساً: «طيب إيه؟ كان بيتهيأ لنا؟»
أجبت: «أنا عارف وحضرتك عارف إننا شفناها سوا!»
نظر إليّ وقال: «لا .. لا أنا ولا إنت شفنا حاجة .. إنت فاهم؟»
سألته: «يعني إيه؟»

أجابني بصرامة: «يعني مفيش جُتّة .. مفيش حاجة .. دي جتلي من عند ربنا!» ثم نظر إليّ وقال بوعيد وحشي: «ومش هسمّح لا ليك ولا لغيرك إنه يبوظ لي الموسم بعد ما اشتريت مولد جديد ودفعت تكاليف التجديد والصيانة .. مفهوم؟»

(٣)

حلبة مُلاكمة، يتراقص بداخلها مُلاكمان، أحدهما يرتدي قُفاز مُلاكمة أحمر، وسروالاً أحمر. أما خصمه، فيرتدي اللون الأزرق. يتراقضان لا يتلاكمان، لأن أحدهما لم يلمس الثاني بعد، يتقافزان بعضهما في مواجهة بعض، وكلاهما يبحث عن ثغرة ليهاجم خصمه.

هكذا شعرت، وهكذا تصارع بداخلي الضمير.. والخوف!

الضمير الذي يُمني علي ضرورة تجاهل هذا الكلام، فهناك روح أزهقت، وهناك قاتل حر طليق!

والخوف الذي يُمنيه علي جيبي الفارغ وظروف الحياة الصعبة، لأنني لو عارضت هذا الرجل، الذي اشتعلت نيران الجنون في عينيه، لفقدت وظيفتي ومصدر دخلي الوحيد.

تعالّت أصوات الجماهير، وسمعت زئيرهم يملأ الحلبة، يصرخون ليبتثوا الحماس في قلوب المُلاكمين، كفاكُمًا تقافزًا.. كفاكُمًا رقصًا.. لقد جئنا لأجل اللكمات.. جئنا للضرب والدِّماء.

وبسرعة.. وَجد أحدهما ثغرة، وضرب خصمه في وجهه، ضربة قوية.. مُحكمة.. وقاضية!

وبسرعة أيضًا.. سقط الآخر مَغشيًا عليه تحت قدميه.

ووقف المُلاكم الأحمر مُنتصِرًا.. تعالى هتاف الجماهير، ورفع المُنتصر يديه عاليًا.

وأعلن المُذيع الداخلي النتيجة..

«أيها السادة .. وكالعادة .. انتصر الخوف .. ومات الضمير!»

ما إن سمعت نتيجة اللقاء، حتى حسمت أمري، وقلت دون ذرة تردد: «مفهوم يا فندم».

نظر إليّ لموان، رأيث فيها وعودًا لما سيفعله بي إن فتحت فمي أو نطق بكلمة، وفهمت التهديد الذي لم يبح به، والكلمات التي لم تفارق شفّتيه، فابتلعت ريتي بصعوبة، وكزرت قولي: «مفهوم حضرتك».

لم ينطق بكلمة أخرى، حتى رنّ هاتفه ليقطع الصمت الذي ساد فيما بيننا، نظر في عيني للحظة أخرى، قبل أن يخرج هاتفه وينظر في شاشته، قبل أن تظهر أمارات الضيق على محياه وهو يقول: «هي ناقصاك إنت كمان!»

ثم تهلّلت أساريره بطريقة لم أر لها مثيلًا من قبل وهو يجيب على الهاتف: «دا إيه النور دا على الضبح؟ طمّني عليك يا حسام بيه؟»

أنصت للحظة، قبل أن ينظر إليّ ويقول: «والله أبدًا .. إحنا نقدر نطّش سيادتك برضه؟ دا حتى سعيد أدامي أهو وكنت لسه بوضيه يهتم بحضرتك». ثم سألتني: «بذمتك كنت لسه بقولك إيه؟»

ولم ينتظر إجابتي، بل أشار لي أن أصمت، وهو يقول: «لا إزاي بقى .. حالًا هيجي لحضرتك».

وأشار لي لأنصرف، فلم أكذب خبزًا، تحركت من أمامه وأسرع نحو شاليه حسام كامل، لكنني ما إن تحركت لخطوات .. حتى قادني فضولي لأنظر خلفي، ألقيت نظرة على مدير القرية الذي

يتحدث في الهاتف، ثم على ظهر الحوت الخالي خلفه، وفي ذهني لا يدور سوى سؤال واحد: مين اللي له مصلحة في إن الجثة دي تختفي؟

والحقيقة أن الإجابة كانت واضحة تمامًا، حتى إنني همست بها لنفسي على الفور

ما إن اقترب حتى وجدت حسام كامل يقف في حديقة شاليهه، يرتدى «ترينج» كما يُطلق عليه، أو بدلة رياضية كما يُطلقون عليها، من إحدى الماركات العالمية الشهيرة، اقترب مني وهو يقول بغضب: «يعني أنا اتسرقت وبلغتكم .. وأنتم ولا على بالكُم!»

رسمت ابتسامة صادقة على شفتي، وحاولت تنحية قلقي جانبًا، وأنا أجيبه: «والله أبدًا يا فندم، هو إحنا نقدر». ثم قررت أن هذه المُجاملة ليست كافية، فأضفت: «دا أنا حتى بحب حضرتك وبتفرج على كل أفلامك من وأنا صغير».

نظر إلي بغضب وقال: «إنت جاي تحزني على عمري؟»

لم تتغير ملامحه كثيرًا عن تلك التي احتلت أفشيات وواجهات السينمات لفترة طويلة، يُمكننا القول، وبلا أدنى قدر من المُبالغة، أن حسام كامل هو المُمثل الذي غير مسار السينما المصرية، بل وربما مسار السينما العربية بأكملها، إذ اشتهر بلعبه للأدوار الكوميديّة ببراعة وخفة دم يُحسد عليها. مثل ثلاثة أو أربعة أفلام حققوا ما لم يُحقّقه أي فيلم آخر في ذلك الوقت على مستوي الإيرادات

والانتشار بين الشباب، حتى تحوّل لأيقونة من أيقونات الكوميديا العربية، وهو ما دفعهم لإطلاق اسمه على أحد دورات مهرجان المسرح العربي رغم صغر سنّه، كمكافأة له على نجاحه الفُيهر. لكنّه شرعان ما تحوّل إلى «نوكيا»، ووقف مكانه ثابتًا، رافضًا التطوُّر، وهو ما أسقطه من عقول الشباب، الذين شرعان ما نسوه ونسوا أدواره، وتحوّلت أفلامه إلى مجال للشخرية من المُمثل الذي يرفض التطوُّر ويُصمّم على التمشك بالكوميديا الحجرية القديمة، فهرب إلى هنا بعيدًا عن الشخرية والتنمّر، لكنّه ما زال يعيش حياته كنجم شبّاك، رافضًا الاعتراف بأفول نجمه.

أجبتّه بسرعة: «مش قصدي لأ .. دا أنا عايز أقول لحضرتك بس إننا والله ما نقدر».

قال وهو يُشير إلى الشاليه: «أنا اتسرقت يا سعيد .. وأنتم مش بس مش شايفين شغلکم بما يُرضي الله .. لأ دا كمان لقّا بثّصل أقول أنا اتسرقت .. محدّش بيهتم».

أجبتّه، دون التخلّي عن ابتسامتي: «إزاي بس؟ أنا بنفسي ههتم بالموضوع».

قال بغضبٍ صديق: «كُل مرّة بتقول كدا .. ومفیش حاجة بتحصل».

كدث أجيبه: ما عشان كَل مرّة حضرتك بتلاقى الحاجة بعد شوية، وبتطلع مفیش حاجة إتسرقت! لكنني ابتلعت كلماتي، ولم أثح عن مكنونات صدري أمامه.

بدأ يقول: «كل مرة كان بيتسرق مني تذكّار من أفلامي، أو سكريبت قديم، بعد ما حد الله يلعنه، سرّب عنواني هنا للناس، والمُعجبين المجانين بقوا ييجوا يسرقوني عيني عينك .. بس المرة دي لأ، المرة دي اللي اتسرق ..».

شرعان ما انجرفت أفكارى فيما حدث ..

من المعروف أن الجثث لا تتحرّك من تلقاء نفسها، وأن الهالوس لا تأتي جماعة!

ومن المعروف أيضًا أنني أتحلّى برزانة عقل تجعلني لا أتخيّل ولا أتصوّر أشياء غير موجودة!

الجثة حقيقة .. وثقلت من مكانها بيدِ فاعِل .. لكنني ..

انتشلني من بحر أفكارى وهو يسألني: «إنت معايا؟ ولا مع الأسف؟»

تظاهرت بالضحك، فقد كان هذا الإقيّة مُميّزًا للغاية وقت ردّه للمرّة الأولى في أحد أفلامه، وقلت له: «مع حضرتك والله».

قال: «تمام .. أنا عايز فلوسي بقى».

سألته بدهشة: «فلوسك؟ فلوس إيه؟»

أجابني بغضب: «مش بقولك مش معايا، بقولك اتسرق مني فلوس .. والمرّة دي مش هسكت! فيا تلاقي الحرامى بمعرفتك .. يا هيبقالى تصرف تانى!»

قُلتله: «حاضر يا فندم، اعتبره حصل خلاص».

صاح: «زي كل مرة .. حاضري يا فندم و».

عُدث إلى أفكاري مرة أخرى، مَنْ الموجودين في القرية؟ بَقَن
يُمكنني الاستعانة الآن؟ مُدير القرية لن يُساعدني .. ولن يَسْمَح
لي بفتح الموضوع أو حتى التفكير فيه .. لأنه المُستفيد الأكبر من
اختفاء الجُثة! زُبما أكبر من القاتِل حتى!

لِكن .. لحظة!

عَرَفْتُ من الذي سيُساعدني!

للمرة الثانية، ينتزعني من أفكاري بعنفوان صياحه وحدة صوته
وهو يقول: «إنت يا ابني!»

قُلْتُ له في عَجالة: «تمام والله، اعتبر الموضوع دا انتهى خلاص..
أنا هروح لأستاذ خالد المُدير دلوقتي، والموضوع دا اعتبره خِلص
خلاص».

تركته ورحلث، ورأيث الدهشة في عينيّه، لكنني كُنْتُ قد حسمْتُ
أمرِي.

وبخطوات سريعة توجَّهْتُ إلى مكتب السيّد المُدير لأُطلّعه على
آخر المُستجدّات!

(٤)

وقفتُ أمام باب مكتبه، تأملتُ الباب للحظة، ثم حسمتُ أمري،
رسمتُ ابتسامةً خفيفةً على شفتي، وطرقته برفق.

جاءني صوته مكتومًا من خلف الباب: «تعالى يا سعيد .. ادخل».

دخلتُ، ووجدته يجلس خلف مكتبه كالعادة، وَضَعَ هاتفه على
المكتب، ولمحتُ مُحَرَّكَ البحث جوجل قبل أن يقلبه ووجهه للأسفل،
ليُخفي ما يفعله عني، ثرى عمّ كان يبحث؟

نظرتُ إليه، وقلتُ، مُحَافِظًا على ابتسامتي: «بسم الله ما شاء الله،
باين أوي إن حضرتك أحسن».

أشار لي بيده، رافضًا مُجاملتي البائِسة: «اخْلَص .. وصلت لإيه
معاه؟»

شرحتُ له ما حدث، وأخبرته أنه يتوهم سرقة بعض المال منه هذه
المرة، لكنني أعتقد أنه سيجد ماله مثلما يجد ما سرق منه في كل
مرة، وأنني أرى أننا لا يجب أن نلتفت لهرائه.

ثم اختتمتُ حديثي بسؤال: «أعمل إيه معاه بقى؟»

أجابني بعدم اهتمام: «بُص .. هو المرة دي مكبر الموضوع شوية،
ودا فضا .. هو عنده وقت فراغ مش عارف يعمل فيه إيه، فبيشغلها
معانا .. وإنت كمان بقى .. اشغلها معاه يا سعيد».

سألته بفضول ممزوج بعدم الفهم: «يعني أتصرف إزاي يا فندم؟»

أجابني بنفاد صبر: «يعني مثل عليه يا سعيد، اعمل نفسك فاتح

تحقيق رسمي، وحقّق مع الناس، وكلّ شوية إديه شوية معلومات أو كلام تحسّسه إنك شغال وإن موضوعه مُهم أوي للدرجة دي، عيش الدور معاه يا سعيد».

سألته بدهشة: «أعيش الدور معاه؟»

فأجابني بحزم: «عيش الدور معاه».

«بس حضرتك إحنا عندنا حاجات أهم!»

رفع حاجبيه، كعادته كلما شعر بالدهشة، وأمال رأسه جانبًا بعض الشيء، وسألني: «حاجات أهم زي إيه؟»

سألته بدهشة: «الجُتّة؟»

أجابني: «جُتّة إيه؟ مفيش جُتّة خلاص يا سعيد! ما انت شفت بعينك!»

«يعني إيه؟»

«يعني يا إحنا بيتهيألنا .. يا البحر بلعها .. وإحنا اتفقنا إني مش مُستعد أخسر فلوس وسيزون كامل عشان حاجة من الاتنين!»

بلعث ريقِي، بحث على أي شيء لأقوله، لكنّه كان نقاشًا خاسرًا، ومن الخُمق خوض أي نقاش خاسر، لذا حسمتُ أمرِي، وبلعث ريقِي مرّة أخرى .. دون أن أجرؤ على مُعارضته.

كما حسم هو أمره وسألني، مُنهيًا نقاشًا لقي حتفَه قبل أن يُولد: «ها .. هنعمل إيه دلوقتي؟»

أجبتّه فورًا: «اللي حضرتك تؤمر بيه».

فكر قليلاً قبل أن يقول: «طيب بما إن الموضوع الأولاني خلص،
والموضوع الثاني مش مُهم كفاية، عايزك تروح تلف لفة في القرية،
تتطمن على الناس الموجودة كلها، وتشوف لو محتاجين حاجة .. أو
عايزين حاجة. ولو فيه حاجة مُهمّة تعالى قولّي». ثم صمت لحظة
وقال: «هو فيه كام شاليه ساكن دلوقتي أصلاً يا سعيد؟»

أجبتة فوراً: «خمسة يا فنديم».

قال: «بُص بقى .. بصنعة لطافة كدا، خبط عليهم، اتطمن عليهم،
وشوف لو حد فيهم ناقضه حاجة أو فيه حاجة غريبة لفيت نظرك ..
وتابعني أول بأول».

«حاضر يا فنديم .. أي أوامر تانية؟»

نهض عن مقعده، مُستنداً بيده على المكتب، واقترب مني وهو
ينظر في عيني، ويقول: «آه .. آخر مرّة أسمعك بتفتح الموضوع دا».
صمت لحظة، ثم اقترب مني أكثر، وقال: «لا .. آخر مرّة تفكر فيه
حتى».

بلعث ريقى مُجدداً وأجبتة: «موضوع إيه يا فنديم؟»

ابتسم وقال: «برافو عليك .. أنا برضه قلت كدا».

جلس مكانه، ثم قال: «يالاً يا سعيد، روح نَقْذ اللي طلبته منك، إنت
كدا كدا زحت لحسام كامل، فاضل لك أربع شاليهات، وخلص وتعالى
اذيني تمام بكل حاجة».

أجبتة: «تمام».

وخرجت من مكتبه بعد أن خَطَطْتُ رحلتي بين الشاليهات،
فأحدهم سأتركه للنهاية!

أعتقد أنني سأجد ضالتي عنده!

(٥)

هناك أناس يُقابِلهم فتُحبُّهم من أول نظرة، رغم إيماني التام بعدم وجود شيء يُدعى الحب من أول نظرة، فالقلوب والأرواح مُتآلفة من قبل النظرات الأولى حتى. وهناك أشخاص يُقابِلهم فنكره التعامل معهم بعد أول تحية أو سلام، دون سبب مُقنع أو واضح.

وبين هؤلاء وهؤلاء هناك من تنقبض قلوبنا لفجْد رؤيتهم، ويُسيطر على أرواحنا ضباب أسود قائم، يعتصر النفس بقبضة قاسية، فتعف عنهم النفس وتأبى التصالح معهم.

هكذا شعرتُ كلما اقتربتُ من شاليه ذلك الرجل العجوز الغريب الأطوار، يدعونه باسم خليل حاتم، لكنني أدعوه بغريب الأطوار أو خليل الشيطان. ينكمش قلبي كلما نظرتُ في عينيّه، ورأيتُ النظرة القاسية التي تسكن مقلتيّه، أو حركاته الغريبة المُتخشبة، قليل الكلام هو .. لكنه كثير الحركة. نحيل القامة كعود ثقاب، عصبي كشخص لم ينم منذ أيام، وأشعث الشعر كمن لم يملك مشطاً قط. متوتر كقاتل هارب، وواثق من نفسه كمُحقق على وشك القبض على القاتل الهارب.

فتح بابَه بعد الطّريقة العالمة، تأمّلتني للحظة، ثم نظر خلفي وكأنه يتوقّع رؤية شخص آخر، وسألني بصوت خافت: «أفندم؟»

حاولت الابتسام كعادتي، لكن شفّتي انكمشتا في تشنّج عصبي وأنا أجيبه: «أخبار سعادتك إيه؟»

تجاهلني ووقف على أطراف أصابعه للحظة، وهو يتطلّع إلى

القرية من خلفي، قبل أن يسألني: «فيه حاجة ولا إيه؟»

يعيش بففرده، ولا يستقبل أي ضيوف، صيفًا أو شتاءً. لذلك كنت أعرف أنه لا ينتظر أحدًا، سوى غُقال توصيل الطلبات للمنازل، الذين يأتونه بكل ما يطلب. أعرف كذلك أنه يشتري كل شيء بشرط أن يكون مُحكم الإغلاق والتغليف، وأنه لا يأكل أو يشرب إلا ما يفتحه أو يطبخه بيديه فقط.

قال لي مدير القرية، المستر خالد، يومًا إنها أعراض مَرَض نفسي، مكوّن من ثلاثة أو أربعة حروف إنجليزية، لكنني لا أتذكرها بالضبط الآن.

أجبت: «ولا أي حاجة، حضرتك جيت في بالي، قُلت أتطمّن عليك». تأملني بلحظة، قبل أن يقول: «فيك الخير، أنا تمام».

كاد يُغلق الباب في وجهي، لكنني بادرته بالقول: «مش محتاج أي حاجة أجيبها أو أعملها عشانك يا فندم؟»

نظر لي للحظة، قبل أن يقول: «لا، ولا أي حاجة. ولو فيه حاجة بعد كدا يا ريت تتصل، مبحبش حد يجيلي من غير ميعاد».

ابتسمت رغما عني، وقُلت: «أوامر يا فندم، بالمناسبة لو حبيت تنصّف الشاليه، فيه حد مُحترّم وأمين بيعمل دا، حضرتك تؤمر بس».

قال وهو يُغلق الباب: «بعمِل حاجتي بنفسي».

وتركني أقف أمام الباب أصارع عدّة مشاعر، ما بين الغضب،

والفضول، وعدم الرضا، وعدم الفهم.

تحركت مُنتَقِلًا إلى الشاليه التالي، والذي يبُعد عن شاليه خليل الشيطان حوالي ثلاثة شاليهات. على أي حال، القرية ليست ضخمة لهذه الدرجة، بل هي صغيرة وتمتاز بكثيرٍ من الخصوصية، يُشاع إنها ملك لأحفاد سياسي مُخضرم، ويُقال كذلك إنها ملك لأبناء صحفي من رجال النظام السابق، لكن ما بين هذا وذاك .. تتوه الحقيقة. تتكوّن القرية من سبعة عشر شاليهًا، خمسة ترى البحر مُباشرة، أو «أول مُطل» كما يُطلقون عليها، وخمسة أخرى في الصف الثاني، ثم سبعة في الصف الثالث.

وصلت للشاليه الثاني، الذي تسكنه السيّدَة شاهينان، العجوز المُقعّدة التي يُرسلها أبنّاؤها إلى هنا طوال الشّتاء لتعيش مع المُمرّضة الخاصّة بها، وفي الصيف يُعيدونها إلى الإسكندرية، ويأتون للإقامة هنا طوال شهور الصيف، في مُعادلةٍ لم أفهمها قط، لكن كما يقول المستر خالد: من حُكم في ماله فما ظلم!

طرقْتُ الباب، ووقفت مُنتظرًا، حتى فتحت لي الباب، ابتسمت وقالت: «مساء الخير».

تأمّلتها للحظة، وأنا أبحث عن الكلمة المُناسبَة، ماذا يُفترض بي أن أجيبها؟

فتاة شابة، تتمتع بجمالٍ هادئ، وجسدٍ ممشوق، شعر طويل مفرد، بلونٍ بُني لامع، وابتسامة ساحرة، ترتدي ملابس مُتناسقة، وتنظر لي برقةٍ لم أرَ لها مثيلًا من قبل.

وجدتها. أجبتها: «كل سنة وإنّ طيبة».

انعقد حاجباها المرسومان، وهي تضحك قائلة: «وإنّ طيب.. مين حضرتك؟»

أدركت حينها أنني أجبت إجابة لا علاقة لها بما قالت، فحاولت التماسك وقلت: «أقصد مساء النور، أنا اسمي ...».

ضحكت وقالت: «نسيت اسمك ولا إيه؟»

تمالك نفسي وقلت: «حد بينسى اسمه برضه؟ لا أنا سعيد .. من أمن القرية».

مدت يدها وقالت: «وأنا مريم .. مُمرضة المدام».

صافحتها وأنا أقول: «إزيك .. كله تمام؟»

شعرت بنعومة يدها أثناء المُصافحة، رغم أنها لم تدم سوى للحظة، قبل أن تبتسم قائلة: «كله حلو، خير يا سعيد؟»

أجبتها: «كله خير، جيت أطمئن على حضراتكم بس، لو محتاجين حاجة أو كدا؟»

«تسلم يا سعيد، لأ هي المدام مُقعّدة وبكماء زي ما انت عارف، فمش بتحتاج حاجات كتير، وأنا طلباتي كلها بجيبها من أبلكيشن «اطلب» من على الموبايل زي ما انت عارف».

قالتها وهي تشير لي بهاتفها الآيفون، ضحكت وقلت: «هو يعني إيه بكماء دي؟ هي مش مصرية؟»

قهقهت في مرج قبل أن تجيبني: «بكماء يعني خرسة .. مش

بتتكلّم». ثم أضافت: «دمك خفيف يا سعيد».

شعرث بالحرج، لكن حمداً لله أنها اعتقدت أنني أمزح، وأن دمي خفيف يا سعيد، قهقهت بدوري قليلاً، ثم قلت: «عموماً لو احتجتني أي حاجة ...». صمّث للحظة قبل أن أقول: «حضرتك أو المدام، هتلاقيني في مكتب الأمن».

ابتسمت وقالت: «اتفقنا، تسلملي يا سعيد».

أجبثها: «العفو يا مس مريم».

بدت مُندهشة للحظة، قبل أن تغلق الباب دون أن تتخلّى عن ابتسامتها الساحرة.

يبدو أنني كدث أفسد الأمور عندما ناديثها بـ «مس مريم»، إذ يبدو أن الطبقة الهاي كلاس لا يُنادون المُمرّضات بلقب «مس» مثلنا، حسناً .. سأنتبه بعد ذلك

والآن .. إلى وجهتي الأخيرة، ومِسك الخِتَام.

انقطع النور في القرية بأكملها، زفرث في ضيق، هذا ما ينقصنا، تخفيف الأحمال الذي بدأ مُبكراً، قبل حتى أن يبدأ الصيف!

اتجهث إلى آخر شاليه في شاليهات «الفِطْل الأول»، الذي يرى الشاطئ بوضوح، رغم ابتعاده عن بقية القرية. أشعر أحياناً أن شاليهه يُشبهه، غامض ورائق المزاج، هادئ ووحيد. أراه يجلس في حديقته طوال الوقت، يُدخّن سيجاره البني الضخم، ويتحدّث عبر الهاتف كثيراً سواء في مكالمات هاتفية أو مكالمات فيديو، ويعمل على حاسوبه المحمول طوال الوقت. لا أعرف ماذا يعمل، لكنه وبكل

تأكيد - نظرًا لوضعيه الاجتماعي والاقتصادي - في منصبٍ مُهم، أو يعمل في وظيفةٍ سرّيةٍ لهذا ينعزل هنا لفترات طويلة من السنة.

لم أجده في حديقة شاليهه، لكنني كنت أعرف أنه بالداخل، ربما هو نائم أو شيء من هذا القبيل، نظرًا لأننا في الساعات الأولى من صباح اليوم، قطعنا الخطوات التي تفصلني عنه وأنا أفكر فيما سأخبره به، وأرتب أفكاري، وطريقة سير حديثي معه، ف شخص بهذه الأهمية وقته ضيق ومحدود، وبالتأكيد لن يُضيّعه في الحديث مع رجل أمن مثلي!

وقفتُ أمام بابه، وأخذت نفسًا عميقًا، وقبل أن أطرقه .. فُتح أمامي فجأة!

(٦)

فُتِحَ الباب لأجده يقف أمامي، شابٌ نحيل، متوشط الغمر، بلحية
مُنَمَّقة وشعر انحسرت أطرافه فتركت بدايات صلع وراثي في رأسه،
يُمسِك في يَمناه كوب قهوة كبيرًا، وفي يُسراه طبقًا به شطيرة،
ويتأبط حاسوبه المحمول.

نظر لي لوهلة قبل أن يقول: «سعيد .. صح؟»

ابتسمت وأجبته: «صح، إزيك يا فنديم».

قال مُبتسمًا: «لأ فنديم إيه، خُلِّي البساط أحمدي كدا عشان أحبك،
قولي يا كريم عادي».

تجاوزني وسار نحو الحديقة، فلم أجد بُدًا من مُتابعتة، لكنه قال
دون أن ينظر خلفه: «رُد الباب بإيدك يا سعدة من فضلك».

واربث الباب وأسرعث خلفه، وَضَع طبق الطعام على منضدة
صغيرة، والكوب بجوارها، دون أن يُفِلِت الحاسوب من تحت إبطه،
أسرعث لأُمسِكُه وأنا أقول: «عُتْك يا فنديم».

نظر لي مُعَاتِبًا وقال: «ها .. قُلنا إيه؟»

أجبته بحرَج وأنا أضع الحاسوب على المنضدة: «لا مؤاخذة يا
كريم بيه، شوية وهتعوّد».

ابتسم وقال: «معرفش إنك جاي بقي فمعملتش حسابك في
القهوة، بس التلاجة فيها حاجة ساقعة، لو تَجِب .. ادخل خُد اللي
نفسك فيه».

أجبتة: «شكرًا والله، سبقت حضرتك».

جلس وأمسك شطيرته، فقمض منها قضة لا بأس بها، ومضغها بترؤ قبل أن يسألني: «ها .. منورني ليه بقى يا سعدة؟»

ورغم أنني لا أحب تدليل سعدة بدلًا من سعيد، لكن الرجل يُعاملني باحترام جم، ويتعامل معي بشكل جيد، لذلك لا بأس بتحمله، فكما اعتادت جدتي أن تقول: عدوك يتمنى لك الغلط، وحبيبك يبيع لك الزلط! ولا مانع لدي من بلع بعض الزلط من أجله.

أجبتة: «والله يا فند .. قصدي، والله يا كريم بيه قلت أعدي على سيادتك أطمئن عليك، وأشوف لو ناقصك حاجة، ولا محتاج حاجة كدا ولا كدا يعني».

قال: «فيك الخير والله، إنت هتفضل واقف؟ ما تقعد».

أجبتة بحرج: «ميصحش ..».

رن هاتفه قبل أن أستكمل إجابتي، أخرجه من جيب الروب الصوف الذي يرتديه، ونظر فيه للحظة، قبل أن يجيب المكالمة، وعرفت أنها مكالمة فيديو لأنه وضع الهاتف أمام وجهه قبل أن يقول بحماس: «يا لارا .. إزيك».

أجابتة: «هاي يا حبيبي .. عامل إيه؟»

«أنا حلو .. إنت حلوة؟»

«أنا حلوة طول ما انت حلو والله، طمّني مش جاي Cairo قريب؟»

عايزة أشوفك موت!

«عندي ميتينج في Smart village قُرْب، هقولك قبلها يا لولي،
وحشتيني والله».

«وانت وحشتني موت، لسه بتروح الأرياف برضه».

«بقى Smart village أرياف برضه يا ضايعة».

ضحكت، أبعد عينيه عن هاتفه وقال لي بنفاد صبر ودود: «ما ثقعد
يا ابني».

سأله لارا: «عندك ضيوف ولا إيه؟»

حزك شاشة هاتفه نحوي وقال: «دا سعيد، أمن القرية، وصاحبي
الجديد، قول هاي يا سعيد».

ابتسمت بحرج للجميلة التي ظهرت على شاشة الهاتف وقلت:
«هاي».

أجابتنني: «لذيذ موت!» ثم قالت لكريم: «كراميلة .. لقا تيجي
كلمني!»

«Sure babe».

«باي يا كراميلة».

«باي يا ضايعة».

أنهى مكالمته وقال: «ضايعة والله».

سأله: «خطيبة حضرتك؟»

أجابني: «لحد دلوقتي .. Just a Friend». ثم أضاف بالعربية:

«بس دعواتك بقى».

فتح شاشة الحاسوب، وكتب رقمه السري، قبل أن يقضم قضمه أخرى من شطيرته، ويمضغها ببطء، ويسألني: «كنا بنقول إيه؟»

أشرت إلى قهوته وقُلت: «طيب تحب حضرتك تشرب قهوته الأول قبل ما تبرّد؟»

نظر إليها وقال مُبتسمًا: «مبتحلمش الحاجة الشخنة، لازم أسيبها تبرّد الأول شوية».

قُلت: «لما حضرتك تفطر عايز أسألك على حاجة».

اعتدل في جلسته، ونظر إليّ قائلاً: «خير؟ قولّي».

«هو أنا محتاج مُساعدة ضغيرة من حضرتك، دا لإن حضرتك دايماً على التّ وبتفتح الأكونت بتاعك كتير، وكمان عشان شغل حضرتك .. أعتقد هتقدّر تساعدني».

«أنا عينيا ليك أكيد، بس أنا معنديش أكونتات خالص، دي كلها أكونتات الشغل والشركة مش أكثر».

سألته بحرج: «لو مفيهاش إساءة أدب، هو حضرتك بتشتغل إيه؟»

«بُص يا سيدي، أنا عندي شركة لخدمات الموتى، اسمها «مئوى»».

قاطعته بدهشة: «خدمات الموتى؟ وهو الميّت بعد الموت هيجتاج خدمات؟»

قال لي: «اصبر عليّا، بعد الشر يعني، لما الميّت بيموت .. أهله حياتهم بثقف، إنت مُتخيّل وسط الحزن دا بقى فيه روتين وطلبات،

وهات البطاقة، وخذ الكفن، ومكتب الصّحة، وشهادة الوفاة، وعربيات الدفن، والراجل بتاع الثّرب، وافتح القبر، ودخل الميّت .. الموقف بيبقى صعب على الناس أوي».

أجبتّه: «بس دا أمر الله، وشئّة الحياة».

قال: «ونعم بالله، محدّش قال حاجة، بس انت مُتخيّل إن فيه حدّ هيسيب حُزنه على والده ويقعد ينظّم كلّ دا؟ دا شيء صعب جدّا».

«حضرتك حانوتي؟ أو حدّ في عيلتك كان حانوتي يعني؟»

ضحك قائلاً: «لا، خالص!»

سألته: «ولا تُرّبي؟»

«لا، أنا بس حبّيت أقدم خدمة جديدة بتحتريم حُزن أهل الميّت، إنما أنا أصلاً مُهندس، لحدّ ما في يوم كُنت برة مصر وحضرت جنازة مع ناس زمايلي، وشفت الناس برة عندها هدوء وبتحتريم الموت إزاي، فقلت إحنا ليه معندناش حاجة زي كدا؟ لحدّ ما رجعت مصر».

أجبتّه بمزاح: «ولقيت الوضع سيئ».

قال بجدّيّة: «سيئ دي كلمة قُليّة، ساعتها قرّرت أبدأ أتصرّف وأصلّح القُصّة دي، والحمد لله إني لقيت ناس مؤمنة بالفكرة بتاعتي، ساعتها قعدت مع نفسي وعملت **Research** كبير عن أنا محتاج إيه، وناقصني إيه، والسوق عايز إيه، وبدأت».

سألته بفضول: «يعني حضرتك إيه الخدمات اللي بتقدّمها؟ يعني

لو عندي حالة وفاة .. حضرتك هتقدملي إيه؟»

«الهدف الأساسي هو تكريم الميت، وإني أدّي المساحة للعيلة إنها تدي الحزن نفسه مساحته، عشان كدا بنتولّى إحنا الموضوع من أول حالة الوفاة ما تحصل، ومش لوحدي .. أنا معايا Team كبير، ومقسمين ال Process ما بينا، أول حاجة إن الفريق كله بيتحرك وحدة واحدة، بس فيه شخص مُعيّن ومدرب كويس أوي إزاي يتعامل مع الناس في حالة الحزن، هياخد منك كل المعلومات، ويديها لنا عشان نشتغل وننفذ كل حاجة».

«كل حاجة كل حاجة؟»

«كل حاجة .. من أول التصريح، والغسل، وعربيّة نقل الموتى، وفتح الثرب، وحجز قاعة العزا، وتجهيز الصدقة الجارية، وكتابة النعي ونشره، وبعد الوفاة حتى مش بنسيب أهل الميت .. بالعكس بنتابع معاهم لو عايزين يعملوا أربعين، أو حتى سنوية، دا غير الأوراق اللي بنبقى مسئولين عنها مية في المية».

«واشمعنى مئوى يا كريم بيه؟»

«عشان لّمّا حد بيموت بتدعي له: ربنا يجعل مئواه الجنة، لإن كلمة مئوى جاية من كلمة العواء، ودي كلمة معناها الإقامة، ودا مقصود بيه المكان أو المُستقر بتاع الميت في الجنة إن شاء الله».

«وحضرتك بتجيب زباينك منين؟ الناس بتكلمك يعني لّمّا حد بيموت عندها أو كدا؟»

ضحك قائلاً: «بجيب زبايني من على التّ يا سعيد، دا اللي بقعد أعمله زي ما إنت شايف كدا، ولأ .. أحياناً حد بيكلمني ويثفق معايا

إنه هو لَمَّا يموت، هبقي مسئول أنا عن كل حاجة، كَمُحاولة يعني لتخفيف الضغط عن أهله من بعده».

«على كدا بقى الموضوع دا بيتكَلَّف كثير؟»

«والله يا سعيد الموضوع درجات، يعني كل حاجة بتتكلَّف حاجة، والأسعار بين المعقولة والعالية، كل واحد حسب قُدرته».

«أقولك حاجة من غير زعل يا كريم بيه؟»

ضحك وقال: «قول يا سعيد».

«دي أغرب حاجة سمعتها في حياتي، حضرتك .. ومتزعلش مني يعني، حانوتي مودرن».

قهقه قائلاً: «آه، بالضبط .. حاجة زي كدا فعلاً».

لكن قبل أن أنطق بكلمة أخرى، أو يستكمل كريم حديثه، سَمِعنا رجلاً يصرخ في غضبٍ عارم.

(٧)

ركضت إلى صوت الصراخ، ورأيت أول ما رأيت صينية ستانليس مقلوبة أرضًا، تناثرت كل محتوياتها أرضًا. رفعت ناظري ورأيت حُسام كامل، يُمسك بتلابيب قميص حسن بائع الجندوفلي، ويكاد يرفعه عن الأرض في غيظ وهو يصرخ: «والله ما هسيبك يا حرامي».

وحسن يُحاول الدفاع عن نفسه دون أن يلمس المُمثل الشهير قائلاً: «أنا عملت لحضرتك إيه بس؟» ثم انتبه لحضوري، فنظر لي وقال: «والله العظيم ما عملت حاجة يا سعيد!»

يُقال إنه إن رُفعت الأيدي .. تساوت الرءوس! لكن يبدو أن رؤاد الساحل الشمالي لم يسمّعوا بهذه المقولة، لأن أحدًا لا يجرؤ على رفع يده على أحد سُكّان هذه الشاليهات أو مُرتادي هذه الشواطئ.

صرخ حُسام وهو يزج حسن بين يديه بقوة: «إنت حرامي .. وأنا مش هسيبك، وبعدين بتستنجد بمين؟» نظر لي بشخيرة قبل أن يُضيف: «البيه اللي نايم على ودانه وسايبنى أعمل شغله مكانه!»

أعتقد أنني هذا البيه المقصود!

هرعت لأتقذ حسن النحيل الذي يُعاني من علامات سوء التغذية من بين يدي حُسام الذي يُعاني هو الآخر من سوء التربية! وقف الفتى خلفي وهو يرتعد، مُحاولًا الدفاع عن نفسه بحرقة المظلوم: «والله ما سرقت منه حاجة!»

نظرتُ إليه لوهلة، وهو يقف خلفي، حسن .. الشاب المُهذّب

النحيل، من مواليد الحقام في مطروح، والذي يعمل هو وأسرته هنا في القرية، وبعض القرى المجاورة، لديهم مشروع عائلي صغير، حيث تجهز والدتهم أطباق الجندوفلي والجمبري والبساريا، ليطوف بها حسن الشواطئ لبيع الطبق بمائتي جنيه فقط لا غير، وهو سعر مدهش للسادة زوار تلك القرى.

مذ حُسام يده خلفي، وأمسك بملايس حسن، وجذبه إليه وهو يقول: «والله ما هسيبك». ثم نظر إلي، وصاح: «اثصل بالشرطة».

حاولت الدفاع عن حسن، فسألته بهدوء: «طيب بس ممكن حضرتك تهذا شوية، وتقولي هو سرق منك إيه؟»

نظر إلي بغضب وقال: «هو اللي هنعيده هنزيده؟ شفت بقى إنك مش شايف شغلك، ما أنا قايلك إن اللي اتسرق مني فلوس». ثم أمسك بتلابيب حسن ثانية وقال: «والحرامي ده هو اللي سرقني».

سألته بهدوء: «طيب حضرتك بس ممكن تحكي لي إيه اللي حصل؟»

نظر لي للحظة، ثم قال، دون أن يتخلّى عن عصبيته: «طبعا البيه عدى عليا كالعادة، واشترت شوية حاجات وحاسبته، ولما طلّع الفلوس عشان يديني باقي .. لقيت في جيبه رزمة فلوس كبيرة».

حاول مذ يده في جيب حسن، الذي قاومه باستماتة، رغم ضعفه وخوفه وقلة حيلته، لكن غضب حُسام كان أقوى من أن يُقاوم، أخرج رزمة نقود كبيرة من جيب حسن، تناثرت بعض أوراقها أرضا، رفع يده بالنقود في الهواء، في حركة استعراضية لا تتناسب مع

الموقف وقال: «قولّي إنت بقى .. عيّل زي دا .. يجيب الفلوس دي كلها منين؟»

وإحقاقًا للحق، إنها وجهة نظر جيّدة. فحسن، وصينيته، وعمله بالكامل لا يمكن أن يأتي بمثل هذه النقود. أمسكت النقود من يد حسام، الذي قاومني للحظة قبل أن يحسم أمره ويتزكها لي.

أخذت حسن من يده، ونظرت لحسام قائلاً: «أنا هاخده معايا مكتب الأمن، وهتصرّف، وأوعدك أول ما أعرف مصدر الفلوس دي، لو مسروقة من حضرتك .. هجيب لك فلوسك».

نظر لي بوعيد قبل أن يقول: «أتمنى تشوف شغلّك كويس المرة دي يا بيه».

ابتسمت له، وابتلعت ردودًا كثيرة دارت في ذهني، أخفها حذّة، قادر على رفدي من عملي، وأثقلها، قادر على سجنني لمُدّة عشر سنوات على الأقل.

قال حسن مُدافعًا عن نفسه: «والله ما سرقت منه حاجة».

همست له: «امشي معايا من شكات».

انصاع لي الفتى بعد شعوره بالأمان تجاهي، سرّث معه مُبتعدًا بعد أن لملم أطباقه التي أفسدها الثراب، ورضّها فوق صينيته كيفما اتفق، وجمع الأوراق النقدية التي سقطت حولنا، وسار بجواري نحو مكتب الأمن.

وصلنا، وفتحت المكتب بمفتاحي، دخل حسن ووضع صينيته على المكتب، وقال بغضب: «ما هُفّا مش حاشين بينا، هو عارف بوظ

بضاعة بكام، طيب عارف أنا هشتغل أذ إيه عشان أعوض الخسارة دي؟»

سألته بهدوء: «جبت الفلوس دي كلها منين يا حسن؟»

أجابني مُتمتقًا: «حسبي الله ونعم الوكيل فيه».

كررت سؤاله: «جبت الفلوس دي منين يا حسن؟»

نظر لي بدهشة، قبل أن يقول: «فلوسي يا سعيد».

سألته بشخيرة: «فلوسك منين؟ ورثت خالك بتاع البرازيل؟ ولا أسهمك في البورصة كسبت؟» ضربت المكتب بيدي بقوة، فجفل، قبل أن أقول: «إخلص يا حسن عشان أعرف أساعدك.. أنا لو سبتك للراجل دا هياكلك بسنانه!»

تردد للحظة، إذ لم يتوقع ثورتي، ثم نكس رأسه خجلًا، وقال: «لقيتها على الشط».

سألته بلوم: «ومن إمتى بناخد الحاجة اللي بنلاقيها؟ مش المفروض تذيها لي؟ وأنا بتصرف!»

أجابني ببعض الخجل، مُحاولًا تبرير موقفه: «وهو إنت غريب يا سعيد، ما انت عارف البير وغطاه. اللي جاي على أذ اللي رايح، واللي يحتاجه البيت يحرم على الجامع».

سألته بغضب: «إنت هتقولني كل الأمثال الشعبية اللي حافظها؟ ما تخلص وتيجي سكة!»

عَضَّ شفته الغليا للحظة، ثم قال: «السيزون واقع يا سعيد، وانت

عارف الظروف، وعارف كويس إننا مش بنشتغل طول الشتا غير بملايم، أنا قلت هخليها معايا .. ولو حد سأل عليها أهي في الحفظ والصون».

نظرت له بغضب وسألته: «واللي هيضيع منه حاجة .. هيسألك إنت عليها؟»

قال بخجل: «أهو اللي حصل بقي». أخرج محفظة من الجلد الأسود من جيبه، وأعطاهها لي.

قلبتا بين يدي، يبدو أنها من ماركة عالمية، لكنني لا أميزها جيّدًا، لكنها مُزدانة بلوجو من تلك اللوجوهات التي يتباهى بها هؤلاء البهوات. نظرت إليه وقلت: «متطلعش منك دي يا حسن».

قال بخنوع: «ممكن بس متقولش لأحمد لو سمحت؟»

وأحمد هو شقيقه الأكبر، الذي يبيع المانجو طوال الصيف، إذ يشتري الكيلو بخمسين جنيها، ثم يذس عصا في مؤخرتها، ويُقشّرها، ويُقَطّعها على شكل وردة، ثم يبيع الواحدة بمائة جنية!

أعطاني النقود وقال: «عِذْها .. والله ما اتصرف منها جنية!»

سأله بلوم يشوبه بعض الشك: «وخزّجتها من المحفظة ليه يا حسن بقي؟»

ارتبك قليلًا قبل أن يقول: «أنا خدت الفلوس منها بس عشان متسرقش مش أكثر». ثم حاول الدفاع عن نفسه قائلاً: «الفلوس كاملة والله، حتى لو مش مصدقني .. عِذْها!»

أجبتة بشخرية: «وأنا أعرف عددهم منين بس يا حسن؟ هي محفظتي!»

نظر للنقود للحظة، ثم إلي متسائلاً: «تعمل بيها إيه؟»

أجبتة بشخرية: «هخليها معايا .. ولو حد سأل عليها أهي في الحفظ والصون».

ابتسم لي ابتسامة مُقتضبة، وقال وهو يحمل صينيته خارجاً من المكتب: «ابعد الراجل المجنون دا عني .. أنا مسرقتش منه حاجة والله».

هزئت له رأسي بمعنى: اللي فيه الخير يعملُه ربنا!

أخذت نفساً عميقاً، وأمسكت بالمحفظة، أفكر في الخطوة التالية، هل يجب أن أذهب بها للمستتر؟ أم أبدأ البحث عن صاحبها بنفسي؟ أم ...

فتحتها دون وعي، وأمام عيني .. وجدت إجابة جميع أسئلتني!

التي ظرحت .. والتي لم تُطرح!

(٨)

ولأنني صدقت العزم .. وجدت السبيل!

أمام عيني كائت، مُنقذتي ومُلهمتي، تنتظرني لألمسها. بطاقة شخصية تختبئ داخل أحد جيوب المحفظة الجلدية، أخرجتها بأطراف أصابعي، ومسحت الثراب الذي تسَلَّ إليها برفقي، وتأملت صورة صاحبها لوهلة.

حسنًا، لو تجاهلنا التورم الذي ساد الوجه، والكدمات التي تناثرت في أرجائه، والجروح التي نالت منه، واللون الأزرق الشاحب الذي مسّه، والشفة السفلية المجروحة، والعين المفقوعة، والشعر الأشعث .. لميّزته على الفور.

كان وسيقًا .. في الصورة، لا على ظهر الحوت!

قرأت اسمه بصوت هامس: حازم رشاد أبو الوفا.

تحركت عيني على بقية الخانات، ثم أدركتها بين أصابعي، ورأيت المهنة: طبيب نفسي.

حسنًا، لقد عرفت اسمك يا سيّد حازم رشاد، أم يجب أن أقول يا دكتور حازم رشاد، لقد كشفك بطاقتك الشخصية يا أستاذ!

والآن، ما هي الخطوة التالية بعد أن عرفت الاسم؟ هل يجب أن أبلغ الشرطة؟ لكنني لا أملك دليلًا على أنه ميت! فالجثة اختفت .. وربما ابتلعها البحر! أو ربما أخفاها القاتل .. الذي لا يزال بين جدران قريتنا! والذي سيعرف، بلا أدنى شك، أنني أعرف سرّه! وربما يسعى

للتخلص مني لإسكاتي! أم أخير شخصًا أثق به؟

حسنًا، تبدو هذه فكرة معقولة، لكن بمن أثق هنا؟ حسام كامل .. الشكاك الذي يتهمني بأنني كسول بليد؟ أم مس مريم.. الممرضة التي لا يجب أن أناديهـا بمس مريم مرة أخرى؟ أم خليل الشيطان .. غريب الأطوار الذي لا ينفك يبحث عن أشخاص لا يراهم سواه؟ أم مستر خالد .. الذي أشك أنه أخفى الجثة بنفسه إنقاذًا للـ «سيزون» الذي دفع تكاليفه واشترى مولد كهرباء من أجل مقاومة خطة تخفيف الأحمال؟ أم كريم بيه.. الحانوتي المودرن صاحب الأفكار المجنونة والفتيات الجميلة؟ والجلوس على الإنترنت طوال الوقت؟

لحظة، الإنترنت!

هناك حل لكل مشكلة على الإنترنت، حتى إنهم يقولون إنك لو قابلت مشكلة في عام (٢٠٢٤) ولم تجد لها حلًا، فكل ما عليك فعله هو البحث على الإنترنت، وستجد ثلاثة أمريكيـان يُناقِشون حلها في أحد المنتديات أو المواقع الشهيرة مثل (Reddit) أو (4Chan) أو غيرها، أو هـنديًا يشرح لك كل ما يتعلق بمشكلك في فيديو على موقع اليوتيوب!

إذن لماذا لا يُساعدني الإنترنت في حل مشكلتي؟

فتح الفيس بوك، وكتب اسمـه في خانة البحث باللغة العربية: «حازم رشاد».

لكنني لم أجد بين الحسابات التي ظهرت ضالتي، لا يبدو أحدهم طبيعيًا، فهذا أكبر سنًا من أن يكون طبيعيًا نفسيًا، وهذا أصغر بكثير من

أن يكون رجلًا حتى، وهذا .. ماذا يفعل خارج السجن؟ ناهيك طبقًا
عن أنهم جميعًا لا يُشبهون الرجل!

جَزَيْتُ كِتَابَةَ الاسْمِ بِاللُّغَةِ الْإِنْجِلِيزِيَّةِ، وَأَنَا أَهْمَسُ لِنَفْسِي: أَمَا أَنْتُمْ
يَا يَهُوَاتِ عَلَيْكُمْ حَاجَاتُ!

لَكِنْ هَلْ تُكْتَبُ (Hazem) أَمْ (Hazim)؟

جَزَيْتُ الْأُولَى، وَشَرَعَانِ مَا وَجَدْتُهُ فِي انْتِظَارِي، فَتَحْتُ الْحِسَابَ
وَرَأَيْتُ صُورَتَهُ، سِيلْفِي وَهُوَ مُبْتَسِمٌ، يَرْتَدِي نَظَارَةَ شَمْسٍ، وَلَا يَعْرِفُ
أَنَّهُ سَيُفَارِقُ الْحَيَاةَ قَرِيبًا.

كُتِبَ فِي بَيَانَاتِهِ الشَّخْصِيَّةِ أَنَّهُ طَبِيبُ نَفْسِي، لَكِنَّهُ كَتَبَهَا بِاللُّغَةِ
الْإِنْجِلِيزِيَّةِ، أَعْتَقِدُ .. لِأَنِّي لَا أَعْرِفُ الْكَلِمَةَ، لَكِنِّي أَخْفَنُ أَنَّهَا وَظِيفَتُهُ،
لِأَنِّي كَتَبْتُ فِي نَفْسِ الْخَانَةِ فِي حِسَابِي «مُدِيرُ أَمْنِ قَرْيَةِ ضَهْرِ
الْحَوْتِ» فِي حِسَابِي عَلَى فَيْس بوك!

بَدَأْتُ أَتَنَقَّلُ بَيْنَ صُورِهِ، يَبْدُو مُنْفَتِحًا عَلَى الْحَيَاةِ، يُحِبُّ السَّفَرَ، لِأَنَّ
صُورَهُ تَبْدُو وَكَأَنَّهَا فِي أَمَاكِنَ مُخْتَلِفَةٍ، كَمَا أَنَّهُ يَهْتَمُّ بِمَلَابِسِهِ وَتَنَاشُقِ
أَلْوَانِهَا، وَكَذَلِكَ لَا يَبْدُو مُهْتَمًّا لِلْغَايَةِ بِتَبْدِيلِ صُورَةِ حِسَابِهِ، إِذْ إِنَّهُ
يُغَيِّرُهَا مَرَّةً فِي الْعَامِ أَوْ مَا شَابَهُ.

خَرَجْتُ مِنْ قَائِمَةِ الصُّورِ، وَبَدَأْتُ أُبْحَثُ عَنْ قَائِمَةِ أَصْدِقَائِهِ، دَاعِيًا
اللَّهِ أَلَّا يَكُونَ قَدْ أَغْلَقَهَا، وَيَبْدُو أَنَّهُ يَوْمَ حَظِّي، لِأَنَّهَا كَانَتْ مَفْتُوحَةً.

لَمْ يَكُنْ فِيهَا سِوَى مَائَةِ وَبِضْعَةٍ مِنَ الْأَصْدِقَاءِ، بَدَأْتُ أَفْتَحُهُمْ بِشَكْلِ
عَشَوَائِي، بَحْثًا عَنْ أَيِّ مَعْلُومَةٍ يُمَكِّنُ أَنْ تُسَاعِدَنِي، أَوْ خِيَطَ يُمَكِّنُنِي
جَذْبُهُ كَيْ تَنْكَشِفَ أَمَامِي الْمَعْلُومَاتُ، وَتَتَعَرَّى أَمَامِي الْحَقِيقَةُ، وَجَدْتُ

حسابًا لشخص يُدعى «أحمد بهيج» يضع صورة له بالمايوه في
حمام سباحة فندق!

وهنا .. انتبهت لشيء مهم!

ربما يمتلك أحدهم شاليهًا في الساحل، سواء هنا في قريتنا، أو في
أي قرية أخرى مجاورة!

وهكذا بدأت أبحث في قائمة أصدقائه واحدًا تلو الآخر، بحثًا عن
أي صور في الساحل، أو أي شيء يذل على وجودهم في أي مكان
قريب منه.

لكن شرعان ما واجهتني مشكلة أخرى! الحسابات المغلقة أو
خاصية اللوك كما يطلقون عليها، ويمكنني تفهم إغلاق الفتيات
لحساباتهن، تجنّبًا للمضايقات والتحرّش، لكن إغلاق الذكور
لحساباتهم شيء لا أفهمه، ممّ تخشى يا رجل؟ من تحرّش النساء؟ يا
ألف أهلاً وسهلاً والله!

ولم أجد حلًا للتغلب على هذه المشكلة سوى إضافة هذه
الحسابات، علّهم يقبلون إضافتي، وهكذا تفتّح أمامي أبواب
حساباتهم وصورهم على مصراعيها، علّني أجد ما يرضي فضولي
ويجيب أسئلتني.

وهكذا بحث في الحسابات المفتوحة، وأضفت الحسابات المغلقة،
في انتظار أن يقبلوني كصديق لأتمكّن من استكمال رحلة بحثي
المحمومة.

انقطعت الكهرباء مرّة أخرى، عجبًا .. يومين متتاليين؟ يبدو أنه

سيكون صيفًا مُمتعًا!

كُنْتُ على وشك العودة إلى عُرفتي، لكن قبول أحدهم لطلب الصداقة قطع رحلتي، عندما وصلني إشعار بأن السيِّدة «ليلى عابدين» قَبِلَتْ طلب صداقتي، ضغطتُ على صورتها داخل الإشعار، لينقلني هذا مُباشرةً إلى حسابها، واثَّضَح أن الأنسة ليلى جميلة حقًا.

بشعرها الأحمر اللامع، وعينيَّها العسليَّتين، وبشرتها البيضاء، ووجنَّتيَّها المتورَّدتين. تبتسِّم لي في الصورة، وعيناها تلمعان في شوقٍ عارم، نظرتُ إلى حالتها الاجتماعيَّة، سَنَجَل، حمداً لله.

حسنًا، ضغطتُ زرَّ إرسال رسالة وكتبْتُ لها: «هاي .. مُمكن نتعرَّف؟ أنا سعيد».

وانتظرتُ ردَّها، لكنَّها لم ترَ الرِّسالة بعد.

أَغْمَضْتُ عينيَّ قليلاً، وتخيَّلْتُ حوَّارًا دار بيننا، سَتُعْجِبُها خُفَّة دمي، وسنتبادلُ مَعًا أطراف الحديث، سَتُنَادِينِي سَعْدَةً، وسأدُلُّها برقوَّة؛ في إشارة للون شعرها الأحمر الذي أحببته، سأصاَرِحُها بِحُبِّي ولن تُقاوِمَنِي، سَتُصاَرِحُنِي بِحُبِّها فورًا.

أَعْرِفُ أَنِّي سأسأَلُها: هل تقبَلين العيش معي في ظروفٍ الحاليَّة يا بنت الحلال؟

ولأنَّها بِنْتُ حلال، سَتُوافِقُ، وستقبلُ بالعِش معي، سأخْطُطُ لحفل زفاف ضخم، يليقُ بها، ويحلفُ به كُلُّ سُكَّانِ منطقتنا، غالبًا سيكون على سطح بنايتنا، وسَتُجْهِّزُ ماما وفاء، والدتي، شطائر الجبنة الرومي والبسْطَرْمَةَ للمعازيم، سأراقِصُها على أنغام مهرجان يتباهى

مُؤدِّيهِ بالانتصار على أخصامه، ويَهْدِّدهم بما سيفعله بهم وبكل ما يُحبُّونه.

سَمِعْتُ صوت إشعار آخر، انتشلي من غياهب قِصَّة حُبِّي أنا وليلى. نظرتُ فوجدتُ شخصًا يُدعى إيهاب محمود هو من قبل طلب صداقتي، شابٌ نحيل يرتدى قُبعة من تلك القبعات العريضة الحواف التي يرتديها الخواجات، تُدعى فيدورا أو شيئًا من هذا القبيل، لكن لا علاقة له بالساحل، ويبدو أنه لا يُقيم في مصر من الأساس، لذا أغلقتُ حسابه بسرعة.

فكَّرتُ بالاكْتفاء بهذا القدر، ثم تراجعْتُ عن قراري، وقرَّرتُ أن أستمر في مزيدٍ من البحث، علَّني أجد شيئًا آخر، ابتسمتُ بشخريَّة وهمستُ لنفسِي: على أساسٍ إنِّي لقيت حاجةً أصلًا، فبدور يمكن الاقي حاجة ثانية!

فتحتُ مُحركَ البحث جوجِل على هاتِفِي، وانتظرتُ لحظة ريثما استجاب هاتِفِي القديم للأمر، وكَتَبْتُ في خانة البحث: «حازم رشاد».

في غضون لحظات، ظهرتُ أمامي عشرات الروابط، إذ يبدو أن الدكتور كان مُهتمًا بالدعاية على السوشيال ميديا أو وسائل التواصل الاجتماعي، لكن وسط هذه الروابط .. كان هناك ما لفت نظري .. وبشدة.

رابطٌ لمنشور من موقع الفيس بوك، يظهر شعار واسم الموقع على اليمين، وصورة الطبيب على اليسار، قرأتُ الجزء الظاهر من المنشور، والمكتوب بخط صغيرا

«أنا عايذة أعتري لكم اعتراف، أنا واحدة من ضحايا دكتور حازم رشاد، والأذى اللي شفته ... ».

لكنني لم أستطع قراءة الباقي، وبسرعة .. ضغطت على الرابط، وانتظرت للحظات .. حتى يظهر أمامي المنشور كاملاً.

(٩)

لم يظهر المنشور، ولم أرَ له أثرًا، كل ما وجدته هو دليل على أن المنشور قد مُسح، ولم يغد له وجود على الإنترنت، لكن لماذا؟ لماذا مُسح؟ وكيف اختفى؟ ألم يقل أحدهم يومًا أن ما يُرفع على الإنترنت .. يظل على الإنترنت؟ لماذا لم يبق هذا المنشور بجوار أشقائه؟

ضغطت على زر العودة للخلف، فظهرت أمامي نتائج البحث على موقع جوجل مرة أخرى، ضغطت على الرابط، لكنني شرعان ما اصطدمت بنفس النتيجة مرة أخرى، لا شيء .. لا شيء على الإطلاق.

فتحت الفيس بوك، وتفحصت صندوق الرسائل، بحثًا عن رسالة من ليلي، لكنها لم تجبني بعد، ابتسمت وأنا أهمس لنفسي: صحيح ..
الثقل صنعة!

لكنها رفعت «ستوري» أو حالة جديدة، ضغطت عليها وانتظرت لحظة حتى ظهرت أمامي صورتها وهي تمسك بكوب قهوة ورقى، عليه شعار أحد المقاهي أو الكافيهات المعروفة، التي يرتادها الشباب هذه الأيام، ترتدي نظارة شمسية تخفي جمال عينيها، أخذت لقطة شاشة من صورتها، لأحتفظ بها في ذاكرة هاتفي، وفتحتها، كبرتها فتفحص الانعكاس على عدسة نظارتها، لكنني لم أرَ شيئًا سوى شاشة هاتفي، يبدو أنني أجدت الاختيار هذه المرة، فهذه فتاة جميلة ومهذبة.

ابتسمت لنفسي، ووضعت الهاتف في جيبِي، وبدأت أفكر، هل هناك طريقة للوصول إلى بوست الفيس بوك المحذوف؟ أم أن الأمر انتهى بهذه الطريقة؟ ووصلت لطريق مسدود؟

لكن لا، لم ينتهِ الأمر بعد! لا بُد من وجود حل! لكن أين؟

أنا بحاجة لمساعدة شخص يُجيد التعامل مع الإنترنت!

أنا بحاجة لشخص يُجيد التعامل مع الإنترنت!

أنا بحاجة لشخص ...

وجدتها!

أمسك هاتفِي ونظر إليه لوهلة، قبل أن يقول: «بُص، هو فيه طريقة آه عشان نقرا بوستات الفيس بوك المحذوفة، بس عشان أكون صريح معاك، هي مش مضمونة مئة في المئة».

سألته بدهشة: «يعني إيه؟»

أجابني: «يعني مش دايمًا هنقدّر نوصل للبوستات دي». صمت للحظة، ثم قال: «على أي حال، مفيش مانع نجرب».

وَضَع السيجار الكوبي على الطاولة، وفَتَح اللاب توب الخاص به، بحث في جوجل بنفس الكلمات المُفتاحية، فظهرت أمامه نفس النتائج، ومن بينها نفس الرابط لنفس المنشور المحذوف، ضغط على الرابط، بحثًا عن مزيد من التأكيد، لكن استخدام نفس المُعطيات، سيجعلنا نصل لنفس النتائج، أليس كذلك؟

نظر لشاشة الحاسوب للحظة، قبل أن يُمسِك بسيجاره ويأخذ منه نفسًا عميقًا، وقبل أن يضعه لاحظ نظراتي إليه، فأشار إلي به مُتسائلاً: «تجرب؟»

تردّدت للحظة، قبل أن أحسم أمري، وأمدّ يدي، سحبت نفسًا عميقًا، شعرت بحرقّة عاتية تجتاح صدري، أعتقد أن هذا هو شعور مدينة هيروشيما عندما ألقي عليها الطيّار بول تبيتس القنبلة الذريّة، نفخت دُخانَه في الهواء من بين شُعالي وأنا أُعيد له السيجار، تناوله ضاحكًا وقال: «حامي .. مش أي حدّ بيقدّر عليه».

أخذ نفسًا آخر عميقًا، سحب دُخانَه بلُطف، تذوّق نكهته، ثم نفّخ الدُخان ببطء، ووضعه جانبًا، وعاد للعمل على حاسوبه، للحظات قبل أن يقول: «فيه طريقة .. إنه تدخل على الـ Cashed بتاع جوجل، ومنه تقدّر تعمل Retrieve للبوست الممسوح، بس دا مش دايمًا بينفع».

بدأ يكُتب بعض الأشياء، ويضغط على بعض الأزرار، وينظر إلى الشاشة للحظات، ثم يُقبّل سيجاره في مؤخّرتَه، وينفث دُخانَه بعيدًا، ثم يُكرّر نفس الخطوات؛ بنفس الترتيب مرّة أخرى.

ثم قال مُبتسمًا: «شكك سالِك يا واد يا سعيد».

سألته بلهفة: «إيه؟ لقيته؟»

أجابني بثقة: «لقيته .. اتفضّل».

أدار شاشة حاسوبه نحوي، فأنحيت مُقتربًا منها لأقرأ الكلمات المكتوبة بصوت هامس:

«أنا عايضة أعتري لكم اعتراف، أنا واحدة من ضحايا دكتور حازم رشاد، والأذى اللي شفته على إيده، مكنتش أحلم أو أتخيل إني أشوفه على إيد أي مريض نفسي في يوم من الأيام فما بالكُم بقي، لقا يبقى الدكتور النفسي، الشخص اللي بنروح له عشان يداوي جروح نفسيّتنا، هو أكثر حد بيؤذينا، وأكثر حد بيستغلنا بشكل سيئ، وأكثر حد بيسلّط علينا صدماتنا وتروماتنا ..

أنا سمعت عنه، وناس كتير شكّرت لي فيه، عشان كذا رُحت له، وكنت فاكدة إنه دكتور مُحترم، لكنّه مكانش كذا .. مكانش كذا أبدًا! الدكتور دا استغلني، واستغل أسراري، وضعفي بطرق مكنتش حتى أتخيّلها، ولقا فُقت لنفسي، وحاولت أبعد عنه أو أهرب منه، استخدم أسراري ضدي، وهذّني بيها!

أنا حاولت كتير والله، حاولت أقاوم، وأهرب .. بس مقدرتش! كنت ضعيفة .. ضعيفة أوي! وحاولت أنتحر، ويمكن لولا وجود صحابي وأهلي حواليا .. كنت نجحت في دا، أنا عارفة إنه هيشوف البوست دا، وعايضة أقوله إني مش مسامحة، وجاية النهاردة أعرف كل الناس حقيقته، وأفضحه، مش بس عشان أرتاح .. لا!

أنا عايضة كل واحدة فيكم حصل لها حاجة مع الشخص دا تتكلّم، متخافش، تقول كل حاجة! أنا مُتأكّدة إني مش لوحدي اللي حصل معاها كذا، إتكلّموا .. خلاص .. زمن السكوت مات!

تعديل: بنات كتير بعتولي إن حصل لهم نفس اللي حصل معايا، وهنتقابل في سبيس خاص على تويتر نتناقش ونشوف هنعمل إيه، المشكلة إنهم خايفين، ومش عايزين حد يعرف هوياتهم أو

أسماءهم، عشان كدا السبب هتبقى خاصة وبرايفت!

فلو إنتي واحدة من ضحايا الدكتور، ابعيلي .. عشان أبعث لك
اللينك!»

نفخ دُخان سيجاره وقال: «مين الدكتور دا بقى يا سعيد؟ وإنت
ليه مُهتَم بالقصة دي؟» صمت للحظة، ثم مازحني قائلاً: «إوعى
يكون اتحرّش بيك إنت كمان؟»

تردّدت للحظة، ثم حسمت أمري، وأخبرته بكل شيء، قصصت عليه
القصة بأكملها «من طأطأ للسلام عليكم» كما يقولون، تأملني للحظة
قبل أن يقول: «إنت مُتأكّد طيّب من الكلام دا؟ ولا إنت شارب
حاجة؟ أصل جو الجئة اختفت دا مش منطقي!»

أجبته ببعض الخجل: «والله ما بشرّب حاجة يا كريم بيه، وبعدين
دا اللي مخليّني مُتردّد أصلاً أعمل أي حاجة في الحوار دا».

سألني: «طيّب متعرفش إذا كان حدّ تاني شاف الموضوع ولا لا؟»
«المستر خالد كان معايا، بس طبقاً بينكر كل حاجة عشان
ميضربش الـ «سيزون» بتاع الصيف، فمينفعش أعتمد على كلامه».
«طيّب ما تسأل الناس بشياكة كدا، بالطريقة يعني، ومن غير ما
تلفت نظرهم لحاجة».

«تفتكر؟»

«جُزّب، هتخسر إيه؟ بس بالعقل!»

فكّرت في الأمر، وقبل أن أجيبه، رنّ هاتفه مرّة أخرى، نفث دخان
سيجاره في الهواء قبل أن يُجيب المكالمة، والتي كانت مُكالمة
فيديو كالمُعتاد، ظهرت فتاة نحيلة بوجه جميل على شاشة هاتفه،
تربّط شعرها بشيء يُشبه الطرحة الـ Spanish لكنه مُختلف
قليلاً، ترسم الآيلاينر بطريقة مُلفتة، قالت بحماس مُبالغ فيه:
«كوكووووووا!»

قال: «إزيك يا بت يا هايدي، أخبارك إيه؟»

وأشار لي بالانصراف بيده، وهكذا انصعث لإشارته، وسرث مُبتعدًا،
وأنا أهمس لنفسي: يا بختك يا كريم بيه يا ابن المحظوظة!

ثرى ما الذي يحتاجه شخص مثلي كي يُصبح مثل كريم بيه؟
باستثناء الملايين طبعًا؟ كيف يُمكنني أن أتحدّث مثله؟ وكيف
يُمكنني أن أجذب الفتيات مثله؟ وكيف يُمكنهنّ أن يغرّقن في بحور
غرامي مثله؟

لا بُد من وجود طريقة!

وسأجدها!

من أجلك يا ليلي!

(١٠)

فكرت في كلام كريم بيه عن ضرورة سؤال سكان القرية بطريقة ذكية، في محاولة لمعرفة أي أخبار أو معلومات إضافية لم أعرف بها بعد، وهكذا راودتني فكرة لا بأس بها، وغيّرت مساري من غرفة الأمن إلى شاليه حسام بيه، المُمثل الشكّاك!

طرق بابي وانتظرت لحظة حتى سمعت صوته من خلف الباب: «لحظة».

فتح الباب وهو يُمسك بيده بعض الأوراق النقدية، لكن شرعان ما انطفأت لمعة عينه، واحتل الضيق قسماً وجهه، وهو يقول: «هو إنت!»

ابتسمت وقلت: «إزي حضرتك؟»

أجابني ببعض الضيق: «الحمد لله، خير؟»

«أنا جاي أعتذر لحضرتك عن موضوع الواد حسن، وأبلغ حضرتك إنه فعلاً لقي محفظة فيها الفلوس دي، وسلمهالي عشان أرجعها لصاحبها، لكنه فعلاً مسرقش أي فلوس من شاليه حضرتك».

«ما هو برضه إنه يلاقي محفظة ويشيل منها الفلوس يُحطها في جيبه، دا يخليه حرامي».

«أنا بعتذر لحضرتك جدّاً، وبأكد لحضرتك إني هتايع الموضوع بشكل شخصي والله».

تأملني قليلاً، ببعض الشك، قبل أن يقول وهو يبدأ في إغلاق

الباب: «تمام».

وضعت يدي على الباب لأمنعه من إغلاقه، فنظر إليّ بدهشة. أدركت أنني فعلت ما لم يجب عليّ فعله، فسألته بأدب جم: «ممكن أتكلّم مع حضرتك شوية؟»

سألني: «خير؟»

أجبته مُبتسماً: «خير إن شاء الله».

سألني: «اتفصل .. سامعك».

مازحته قائلاً: «طب إيه؟ حضرتك هتسيبني واقف على الباب كدا؟»

نظر خلفه، مُتأملاً الشاليه للحظة، ثم طالعني بمزيد من الشك، وقال: «تعالى نُقعد في الجنيّة».

سبقته إلى الحديقة، وقفْتُ مُنتظراً قدومه، مَدَّ يده خلف الباب، مُمسِكاً ببعض المفاتيح، ودسّها في جيب روبه القטיפيّة، ثم أغلق الباب بهدوء، ووضع النقود في جيب آخر، قبل أن يسير نحوي بخطوات بطيئة.

جلس ثم أشار إليّ بالجلوس، ونظر إليّ بفضول ممزوج بعض الشك وبعض نفاد الصبر، وسألني مرّة أخرى: «خير؟»

توتّرْتُ فجأة، لكنني شرعان ما لملتُ شتات نفسي، واستجمعتُ أفكارِي وسألته ببعض التردّد: «هو حضرتك شفت أي حاجة غريبة بتحصل في القرية اليومين دول؟»

سألني بشك: «حاجة غريبة زي إيه؟»

أجبتة: «حد غريب؟ أو حاجة غريبة في القرية؟ أو حتى في البحر؟»

«هو فيه إيه؟ إنت بتسأل ليه؟»

ترددت قليلاً، وتذكرت نصيحة كريم بيه عن ضرورة السؤال بذكاء ودون لفت أي أنظار، وهو ما يبدو أنني فشلت فيه بجدارة، ورغم فشلي التام فيما أتيت من أجله، إلا أنني نجحت في لفت انتباهه وإثارة فضوله.

سألني بحزم: «إيه اللي حصل يا ابني؟»

حسمت أمري، وقصصت عليه ما قلّ ودلّ، لم أخبره بمنشور الفيس بوك، ولا باسم القتل، ولا بكل تلك التفاصيل، بل بالجئة التي وجدناها على ظهر الحوت، قبل أن تختفي دون أن تترك أثراً، وأني مكلف بالبحث عن تفاصيل الجريمة إنقاذاً لشمعة قريتنا العزيزة.

تأملتني للحظة، ثم قال ببديهة تامّة: «طيب ما تبأغوا البوليس!»

أجبتة: «وإيه الدليل على كلامي؟ ما أنا قلت لحضرتك إن الجئة اختفت!»

سألني: «مش معاك المحفظة؟»

«ما هي ممكن تكون واقعة من حدّ عادي، مش معنى إنها معايا إنه مات أو اتقتل!»

ظهرت أمارات الإدراك على قسّمات وجهه، وفكر قليلاً، قبل أن

يقول: «طيب، بما إنك لقيت المحفظة، فأكيد عرفت اسمه، تقدر تقارنه بأسماء الفلّاك أو الفستأجرين هنا، وتعرّف هو ساكن هنا ولا لا».

تنهّث قبل أن أجيبه: «لا، هو مش من الناس اللي بتيجي القرية باستمرار خالص».

حكّ ذقنه للحظة، قبل أن يقول: «بص .. هو لو هنصحك نصيحة، فممكن أقولك تحقّق في الجريمة دي إزاي، لحد ما توصل للي بتدور عليه».

سألته بدهشة: «إيه دا؟ هو حضرتك تعرّف؟»

ابتسم، واسترخى في مقعده، مُستندًا على ظهره، قبل أن يقول بثقة مُبالغ فيها: «من فترة كدا، عرضوا عليّ دور مُحقّق عنده شوية مشاكل نفسيّة كدا، بيحقّق في شوية جرايم غريبة. الدور كان مُعقّد والشخصيّة مُركّبة، وكلّ نجوم مصر تقريبًا رفضوه عشان خافوا منه، محدّش كان قادر عليه .. لحد ما جُم قعدوا مع العبد لله، وقرّبت الورق، وغبت عنهم أسبوع .. ورجعت عملت معاهم بروفة ترابيزة. كانوا هيتجنّوا، مش مصدّقين الجمال، وقعدت فعلاً فترة أدرس وأذاكر دور المُحقّق عشان أقدر أحكم الدور».

سألته بفضول: «دا فيلم إيه دا يا أستاذنا؟»

أجابني: «محصلش نصيب». اعتدل في جلسته في ضيق، وقال: «يلا .. ملهمش في الطيب نصيب».

سألته مرّة أخرى بفضول أكبر: «الدور راح لحد ثاني؟»

أجابني بضيق: «المُخرج الله .. الله يسامحه، قعد يعمل تعديلات على الدور، لحد ما خد الفكرة لحتة تانية معجبتنيش أوي، واعتذرت عن الدور، وأهو في النهاية المشروع مكملش! عمومًا لو تحب .. مُمكن أقولك شوية حاجات مُمكن تساعدك».

أجبتة بلهفة: «يا ريت .. أكون شاكر لحضرتك جدًا».

انسحب الضيق، وعادت الثقة لتحل محله على مُحيّاه، واسترخى في مقعده قبل أن يُجيبني: «أول حاجة المفروض تعمل حاجة اسمها المسح الجنائي، ودا بتعمله في المكان اللي وقعت فيه الجريمة، وتشوف لو تقدر تجمع أدلة من المكان زي البصمات والحاجات دي. وبعد كدا لازم تحدد هوية القتيل .. وأظن دي بقت سهلة بما إن المحفظة معاك، فالمفروض تبدأ تجمع عنه معلومات عن الضحية، وتشوف المُشتبه بيهم، ومين مُمكن يكون شاهد على اللي حصل ده. بعدها بترتب ورقك بقى، وتبدأ تعمل التحقيق المبدئي، وتشوف لو قدرت توصل لحاجة، بعدها عندك خطوتين مُهمين أوي».

صمت قليلًا، وتأمل الفضول الذي يلتصع في عيني، قبل أن يبتسم لنفسه عندما أدرك أنه قد نجح في إثارة فضولي، سألته بصوت هاميس من شدة الإثارة: «إيه؟»

قال: «دور على الدافع .. دي أهم حاجة لازم تعملها وتوصل لها في كل جريمة قتل، الدافع هو الشيء الوحيد اللي هينور لك ضلعة الجهل، وهيخليك توصل للحاجة الفهمة الثانية». صمت للحظة، قبل أن يُضيف: «مين المُستفيد من حدوث جريمة القتل دي؟ يعني مين الشخص اللي من مصلحته يقتل القتيل دا؟ طبقًا لو الدافع انتقام ..

يبقى مين عايز ينتقم ليه؟ ولو الدافع سرقة .. يبقى مين عايز يسرق إيه؟ ولو الدافع غضب .. يبقى مين زعلان من إيه؟ وهكذا .. لو مشيت على الخطوات دي كلها، أعتقد إنك هتقدر توصل للقاتل بفنتهى السهولة».

نهض من مكانه، وقال: «يلاً بقى .. أنا عندي شغل ومش فاضي لك».

شعرث بالحرَج، ونهضت مُعتذراً، راقبته حتى وصل إلى باب شاليهه، نظر خلفه، وقال: «دور على الأنثى».

ثم أغلق الباب خلفه، فسِرث مُبتعداً وأنا لا أفكر في شيء آخر سوى جملته الأخيرة.

همسث لنفسي: كانت غايبة عني فين دي؟ أكيد الموضوع وراه واحدة ست!

(١١)

يُقال إن خلف كل رجل عظيم امرأة، وهذا صحيح. لكن هل خلف كل شر خالص امرأة؟ هذا غير منطقي على الإطلاق. فعندما وزع الله الشرور في قلوب البشر، وزعها بالعدل، وبالتساوي، ولم يكلف نفساً إلا وسعها. لذا من غير المنطقي أن يُقال إن أصل الشرور نساء، فهنّ ألطف الكائنات بالتأكيد.

ناهيك طبعا عن الشريرات، والمُخِطّات، والقاتلات، واللصّات، والخاطِفات، والسفّاحات، والمُخادِعات، والخائِينات، والكاذِبات، والنضّابات، والمجنونات، فكما تعلّم .. لكل قاعدة شواذ.

فكّرت فيما قرأت في المنشور المحذوف على موقع الفيس بوك، قالت في تعديلها كثيرات راسلوها بشكاوى مُماثلة من نفس الدكتور النفسي، الذي استغل أسرارهنّ، وضعفهنّ بطرقٍ دفعت أغلبهنّ إلى مُحاولَة الانتحار، حتى إنهنّ تجفّعنّ في مكانٍ ما يُدعى سبيس على تويتر أو شيء من هذا القبيل لمناقشة كيفية الانتقام منه.

إذن، فبفنتهى البساطة يُمكن أن تكون أيّ منهنّ من قتلته، فلديهنّ الدوافع الكافية لارتكاب مثل هذه الجريمة، لكن كيف استطعنّ الوصول إليه؟ هذا سؤال مُهم! كما أنني أعتقد أنهنّ سيُكنّ ضعيفات في حضرته، لأنه عالمٌ ومُطلّع على أسرارهنّ ونقاط ضعفهنّ! وبالتالي، سيشعرنّ أمامه أنهنّ عاريات الأرواح والنفوس!

إذن فمن الشخص الذي من مصلحته أن يموت هذا الرجل؟ ثم تختفي جُثته تمامًا؟

رُبما يكون له أعداء لا أعرف عنهم شيئًا، وهذا منطقي للغاية،
فحتى الرُّسل والأنبياء كان لديهم أعداء، حاربوهم وسعوا لاغتيالهم!
حسنًا، لأرتب أفكاري، أنا أبحث عن جانٍ، غالبًا امرأة، مُستفيدة من
قتل دكتور نفسي مُبتز وغير سوي، يستغل مريضاته.

أما بخصوص الدافع، فهو الانتقام .. لا شك لديّ في ذلك!
إذن امرأة، قريبة منه لدرجة قويّة، وتشعر برغبة مريّة في قتله،
وثرید الانتقام!

حسنًا .. لماذا لم أفكر فيها من قبل؟

لقد عرّفتها!

فتحّ هاتفِي، وبحثت عن حساب الدكتور، وعندما وجدته ..
بحثت فيه قليلًا حتى وجدت حساب زوجته، وهو ما لم يكن بالأمر
الصعب، كونه ذكَرَ أنهما تزوّجا ووضعها في قائمة بيانات الحساب
الشخصيّة، فتحّ حسابها، وبدأت أتأملها، امرأة بيضاء، رشيقة
بشكل مُذهِل، ترتدي ملابس رياضيّة في أغلب صورها، شعرها قصير
ومُجعّد أو كيرلي كما يُطلقون عليه.

حاولت قراءة بياناتها، لكنني لم أفهم شيئًا، كتبت أنها تعمل شيئًا
يُدعى لانت .. . بلاس .. نلابت .. تعمل في شيء مكوّن من كلمتين
إنجليزيتين، ويُمكن أن يكون أي شيء بدءًا من مُدرّسة رياض أطفال
وحتى مُديرة مجلس إدارة العالم.

حسنًا، عندما يتعلّق الأمر بالإنجليزيّة، أجد نفسي عاجزًا عن
التصرّف، لذا توجّب عليّ اللجوء لشخص ما لطلب المساعدة، وهنا ..

أنا أعرف الشخص الصحيح!

راقبته من خلف زجاج النافذة وهو يسير في طريقه إلى مكان لا أعرفه، لا يريد رجل الأمن هذا أن يهدأ، ويبدو أنه يسعى لمعرفة ما لا يجب عليه معرفته! لكن هل سيصل إلى شيء؟ كل شيء ممكن!

لكن أين يذهب الآن؟ ولماذا لا ينفك عن الحركة في القرية ذهابًا وإيابًا بمثل هذا الحماس؟

وماذا قال اسمه؟ سعد .. لا؟ أسعد .. لا؟ سعيد! نعم، أعتقد أنه يدعى سعيد!

حسنًا، لنرّ إلّا ستصل يا سعيد، وهل سيحب عليّ التدخل لأوقفك عند حدّك؟ أتمنى ألا تصل الأمور إلى هذا الحد!

أتمنى ذلك حقًا!

وجدته يعقل في حديقته شاليهه كالعادة، يجلس أمام الطاولة الصغيرة، وأمامه كوب نصف مُمتلئ، به بعض مُكعّبات الثلج التي ملّت الجو العام، فقرّرت أن تذوب، وعلبة مشروب طاقة، من الذي يشرب مشروباته بكثير من الثلج في مثل هذا الطقس المائل للبرودة؟

سألته بأدب جم: «حضرتك فاضي؟»

ابتسم وقال: «تعالى يا سعيد، خير؟»

أومأَتْ برأسي إلى أحد المقاعد الخالية، وسألته: «ممكن أقعد مع حضرتك شوية؟»

أجابني بترحاب بالغ: «أكيد، اتفضل».

جلستُ بجواره وبدأتُ حديثي: «دلوقتي أنا فكرت شوية، ولقيت إن أكثر حد ممكن يستفيد من قتل الدكتور النفسي دا أو إخفاء جُفّته هو الست مراته، وأنا بعد شوية بحث، قدرت أوصل لحسابها على الفيس بوك، لكن لقيت أغلبه بالإنجليزي، وأنا زي ما حضرتك شايف كدا .. معايشش يكفل».

قهقه ضاحكًا، قبل أن يمازحني قائلاً: «واد يا سعيد، هو إنت عشان اسمك سعيد اللّوا، هتفكر نفسك لوا بجد ولا إيه؟»

ابتسمتُ لمزحته، وقُلت: «والله لأ، الموضوع إني عايز أعرف وأفهم بس».

مذّ يده وقال: «وزيني الاكونت».

مددتُ يدي له بهاتفي، تناوله وتأمله للحظة، قبل أن يقول: «لأ، مش هينفع أدور على جهازك، وريني اسم الاكونت وأنا هدور من عندي».

فتحتُ له الحساب، ورأيتَه يبحث عنها في خانة البحث في حسابه على الفيس بوك، وشرعان ما ظهر له حسابها، فتحه وتأمله للحظة، ثم فتح قائمة البيانات وتأملها، قبل أن ينظر إليّ ويسألني: «تمام، عايز إيه بقي؟»

شعرتُ ببعض الخجل وأنا أسأله: «هي بتشتغل إيه؟»

نظر للشاشة قبل أن يقول: «Pilates Instructor».

تبادلنا النظر لعشر ثوانٍ، قبل أن يفهم من كم البلاهة التي ظهرت على وجهي أنني لم أفهم كلمة مما قال، ففسّر قائلاً: «مُدْرِبَة بيلاتس».

أجبتّه مازحاً: «آه، أهى كدا معقولة شويّة». ثم اختفت ابتسامتي وأنا أسأله بجدية: «يعني إيه بقى؟»

أجابني: «دي حاجة كدا في الجيّمات لها علاقة باللياقة البدنيّة، ودا يعني إنها مُدْرِبَة مُتخصّصة في تمارين البيلاتس، ودا نظام رياضي بيهتم ويركّز على تقوية العضلات الأساسيّة، وتحسين مرونة الجسم، والتوازن، والحاجات دي».

سألته: «مُدْرِبَة في جيم يعني؟»

«حاجة زي كدا، الجميل إنها عاملة الاكونت بابليك».

«يعني إيه؟»

«يعني أي حد يدخل الاكوند .. الحساب يقدر يشوف أي معلومات عنها. وعشان كدا هقولك معلومة مُهمّة أوي، السيّد دي بقالها فترة فيه حاجة مش مضبوطة بتحصل في حياتها».

«حضرتك عرفت منين؟»

قبل أن يُجيبني، قُطِعت الكهرباء، عرّفنا من المصباح الصغير المُعلّق أمام باب الشاليه، تأملناه للحظة، ثم قال: «دا تالت يوم على التوالي».

أجبتة: «بيقولوا تخفيف الأحمال بدأ عشان الصيف».

هز كتفيه قائلاً: «وهو الصيف لشه بدأ؟ ما علينا».

ضغط على صورتها، ففتحت على يسار الشاشة بحجم أكبر، يكشف المزيد من تفاصيل جسدها الرقيق وملابسها ذات الماركات العالمية، أما على يسار الشاشة ففتحت خانة التعليقات، المكتوبة بلغة هجينة بين العربية والإنجليزية، تكتب فيها الكلمات العربية كما تنطق ولكن بحروف إنجليزية، وتقرأ بضم مفتوح وصوت مكتوم، تدعى الـ «فرانكو».

بدأ يقرأ التعليقات بصوت عال: «هو محدش بيؤد علينا ليه؟»

«هو الكلاسات إتلفت ولا إيه يا جماعة؟»

«هو حضرتك مش هتشتغلي تاني؟»

«حد يطقنا على الكوتش يا جماعة!»

«هو ينفع كدا؟ إحنا حاجزين ومضططين مواعيدنا على المواعيد

اللي حضراتكم أعلنتم عنها!»

وقبل أن يفهم أحدنا ما حدث أو يستوعب أي شيء، سمعنا من

يقول من خلفنا: «يعني هو ينفع كدا؟ ينفع اللي بيحصل دا؟»

(١٢)

كدت أقفز من مكاني فزعًا، فقد باغتتني صيحتها، وإن كانت هادئة رصينة. تمالكث أعصابي، وأخذت نفسًا عميقًا، وتجاهلت ابتسامة صغيرة تراقصت على شفتي كريم بيه للحظة، قبل أن تُثدّها جديته، وتظاهره بأنه لم يلحظ ما حدث.

نهضت من مكاني، ونظرتُ إليها، إنها مس مريم، مُمرضة السيِّدة العجوز، كانت تقف خلفي، خارج حدود فيلا كريم بيه، وتضع يديها في خصرها بتحدٍّ لا يليق بملامحها الملائكيّة.

من خلفي، وبطرف عيني، لمحّت كريم بيه ينهض بدوره، ويُحييها بإيماءة صغيرة من رأسه، هزة صغيرة للغاية تعني في اللغة المُتعارَف عليها: «كيف حالك؟» فهزّت له رأسها بإيماءة أصغر، تعني: «أنا بخير!»

سار حتى باب حديقة الشاليه الخشبي الصغير، وفتحهُ وقال مُبتسمًا: «تفضّلي يا ...».

ابتسمت له باقتضاب وأجابته: «مريم».

سألها بوذ وهي تقترب منه: «مريم؟ اسمك حلوا! حضرتك مالك هنا؟»

قرّرتُ أن الوقت قد حان لأتدخل في الحوار، فقلت: «مس.. قصدي دي أستاذة مريم، المُمرضة بتاعة شاهيناز هانم، وقاعدين معانا شوية».

رفع حاجبيه بدهشة، وهو يقول: «شاهيناز هانم؟ هي دي الشّت الـ ...».

قاطعته: «التعبانة اللي بتقعد في شاليه رقم ٣، أكيد حضرتك شفتها قبل كدا».

ابتسم قائلاً: «مضبوط، شاليه رقم ٣، إزيك يا مريم».

مذّ يده ليصافحها، وهو تصرّف - لو سألتني عن رأيي - أهوج قليلاً، لأن بعض الفتيات لا يُصافحن الرجال، لكن مريم مَدّت يدها وصافحته باعتيادية.

حسنًا، يبدو أنني كنت مُخطئًا!

سألها: «خير؟ حضرتك زعلانة ليه؟»

بَدَت أمارات الإحراج على قسمات وجهها، وتردّدت للحظة، قبل أن تقول: «لا ربنا ما يجيب زعل! مين قال إني زعلانة؟»

أجبتها: «حضرتك لسه دلوقتي، من عشر ثواني، مزعقة فيّا إن اللي بيحصل دا مينفعش أو حاجة زي كدا!»

ظهِرَت عليها علامات الفهم، وهي تقول: «وهو ينفع اللي بيحصل دا؟»

ورغمًا عني، تحرّكت عيني لثغادر عينيها، زحفًا على وجه كريم بيه النحيل، وعينيّه الواثقّين، وابتسامته الهادئة. ورغمًا عني أيضًا، وجدت نفسي أقارن بين الأسلوب الهادئ الذي خاطبته به، والأسلوب العصبي الذي تُخاطبني به!

عجبًا، عندما يتعلّق الأمر بالنساء، فهذا الرجل ساحر حقًا!

سألتني مرّة أخرى، وكأنّها تستجدي انتباهي: «ينفع؟»

حاولت التهذؤة من حدّة الموقف، فقلت: «هو طالما مضايّقك يبقى مينفعش». ثم سألتها باهتمام: «بس حضرتك مُمكن تشرحيلي إيه هو عشان أقدر أساعدك؟»

أجابتني: «موضوع الكهرباء اللي كل شوية تقطع دا؟ دا إحنا ولا اللي قاعدين في العشوائيات!»

ابتلعت ريقِي، ومعه ابتلعت عصبيتها، وكرامتي المخدوشة، وقلت: «حضرتك عارفة بقى دخلة الصيف، كل سنة وحضرتك طيبة، تخفيف أحمال زي كل سنة».

رفعت حاجبَيها المُنمّقين، وسألتني بدهشة: «لا والله؟ تخفيف أحمال في الساحل؟»

شعرث ببعض الغضب يعتريني، ما شأني أنا وأماكن تخفيف الأحمال؟ لكن قبل أن أجيبها .. شعرث بيد كريم تربّت على كتفي، قبل أن تستقر، ويعتصره برفق.

فهمت الرسالة المُبطّنة، فالتزمت الصمت، وتركته يقود دفّة الحديث، وهو ما فعله فعلاً حين قال: «متقلقيش، الكام مرّة اللي قطعيت فيهم مكانتش بتطول، يعني زمانها على وصول». ثم اتّسعت ابتسامته، وهو يقول: «هو .. هو حضرتك بتخافي من الضلّمة؟»

ابتسمت لدُعابته، وقالت: «لا، هو مش موضوع خوف أكيد».

قال: «خلاص جقدي قلبك شوية كدا، وبعدين دا خلاص كلها شهر، والناس تبدأ تيجي، والمكان هيت ملي ناس، وأكيد خطة تخفيف الأحمال مش هتيجي جنب الساحل في عز الموسم، ولا إيه؟»

انتظرت إجابتها، لكنها نظرت لي بتركيز، كدت أضيع في عينيها المرسومتين، ورموشها الطويلة الساحرة للحظة، قبل أن أشعر بكريم بيه يضغط على كتفي برفق مرة أخرى لينبّهني أن سؤاله كان موجّها لي.

أفقت من ذهولي المؤقت، وانتشلت نفسي من بحر جمالها الرهيب، القادر على سلب عقول أعتى الرجال وأكثرهم فحولة، ونظرت إلى كريم بيه بدهشة!

فهم من دهشتي أنني لم أستوعب سؤاله بالكامل، فكرّره ثانية: «أكيد خطة تخفيف الأحمال مش هتيجي جنب الساحل في عز الموسم، ولا إيه؟»

انتبّهت من دهشتي، ونظرت إليها قائلاً: «أنا مش عايز حضرتك تقلقي خالص، معتقدش إن الساحل من الأماكن اللي الكهريا بتقطع فيها باستمرار، يمكن دا بيحصل دلوقتي بس عشان قبل زحمة الصيف، لكن مجرّد ما الصيف يبدأ والمكان يشغي بني آدمين .. الكهريا هتفضل موجودة».

نظرت لي قليلاً، وكأنها لا تُصدّق ما قلته، قبل أن أضيف: «وبعدين كدا كدا يعني إحنا عندنا خطة بديلة، كنت لسه بتكلّم مع المستر خالد، وقال إنّه اشترى مولّد جديد كبير، وكلّفه جامد يعني .. عشان النور ميقطعش ثانية عن المكان، وحضراتكم تفضلوا متطمين

بوجود النور والكهرباء».

هدأت أمارات القلق قليلاً، وسمحت لجمالها الساحر بالعودة إلى مكانه للحظة، قبل أن تسألني بجدية: «طبيب هو المولّد الجديد ده، ناويين تشغّلوه إمتى؟»

أجبثها: «في أقرب وقت ممكن أكيد، خلّيني برضه أتأكد من المستر خالد، وأقول لحضرتك».

ضغط كريم بيه على كتفي برفق، فانتبهت إلى أن ثقل يده لا يزال على كتفي، وسألها: «طبيب حضرتك الضلّمة مضايقاكي في إيه؟ فهمينا عشان سعيد يقدر يساعذك». ثم سألتني: «ولا إيه يا بطل؟»

يتعمّد أهل هذه الطبقة التحدّث مع الآخرين بصيغة (بطل) و(أستاذ) و(نجم) وخلافه كنوع من أنواع التقليل غير المُتعمّد، تمامًا مثلما يتحدّث البالغون مع الأطفال بهدف إسعادهم قليلاً، لكن كريم بيه شخص لطيف وغالبًا لا يقصد هذا.

تنحنّث لأجلو حلقي، وقلت: «طبّعًا .. طبّعًا، أي حاجة تضايّق حضرتك قوليلي وأنا هتصرّف على طول».

ارتبكت قليلاً للحظة، قبل أن تقول: «لا مش متضايقة من حاجة أكيد، الموضوع وما فيه بس عشان الأجهزة بتاعة شاهيناز هانم، بخاف عليها لو الكهربا طوّلت، مُمكن تحتاج جلسة أوكسجين أو حاجة يعني».

أجبثها: «ألف سلامة عليها، لأ إن شاء الله الكهربا تيجي على طول ومتأخرش، ولو فيه أي حاجة حضرتك قوليلي على طول

وهنتصّرّف، مُمكن نُبعت نجيب لها عربية إسعاف من النّقطة هنا ولا حاجة».

تدخّل كريم بيه في الحوار قائلاً: «أنا معايا العربيّة، لو لا قدر الله حصل أي حاجة، نقدر نتصرّف بشرعة بدل ما نستنى الإسعاف والكلام دا».

ابتسمت وشكرته: «شكرًا يا أستاذ ...».

قال: «كريم، اسمي كريم».

«تشرّفنا يا أستاذ كريم».

أجابها مُبتسمًا: «الشرف ليّا حقيقي». ثم أضاف بجدية: «واسمحيلي أنصحك يعني .. مُمكن حضرتك تكلمي شاهي هانم إنكم تشتروا مولد صغير يبقى موجود في البيت تحشّبا لأي موقف زي دا».

هزّز رأسه قائلاً: «والله فكرة حلوة».

قهقه قبل أن يقول: «جری إيه يا سعيد؟ ما أنا كل أفكارى حلوة، إيه الجديد؟»

أجبتة: «دا حقيقي والله، كريم بيه مش بيقول غير ذرر».

ابتسمت وقالت: «مُتشكّرة أوي يا أستاذ كريم، هعمل كدا أكيد».

كادت تستدير لترحل، لكن الكهرباء سبقتها ووصلت، لثّير المكان بأكمله، قال كريم بيه وهو ينظر للمصابيح: «أهو .. الخير على قدوم الواردين .. وشك حلو يا مريم».

احمّرت وجنتها خجلاً وهي تقول: «الله يخليك، شكرًا».

لكن قبل أن ترحل، تحرّكت عيناها بشكلٍ تلقائي إلى شاشة الحاسوب المحمول، ورأت الصورة المفتوحة، نظرت لها بدهشة للحظة، قبل أن تنظر إلينا وتقول: «إنتم بتعملوا إيه؟»

(١٣)

تبادلنا النظر أنا وكريم بيه للحظة، قبل أن ننظر إليها مرة أخرى بدهشة، سألتها كريم بيه: «مالك؟ إيه اللي حصل؟»

أشارت بيدها الناعمة، وأصابعها النحيلة، ذات الأظافر الطويلة التي يكسوها طلاء وردي ثابت إلى شاشة الحاسوب، وقالت: «مش دي كيكى؟»

نظرنا لها بدهشة، قبل أن يسألها كريم بيه: «مين؟»
قالت وهي تشير إليها مرة أخرى: «كيكى؟ كاميليا .. كاميليا العقاد؟»

ارتفع حاجبا كريم بيه وهو يقول: «إنت تعرفيها؟»
ابتسمت وقالت: «أعرّفها كويس، دي مُدربة Zumba و Pilates في جيم مشهور أوي، كنت بروحه ساعات.»
انقبضت ملامحي وأنا أتنهد، لاحظ كريم بيه الضيق الذي اعترانى، فسألني: «مالك يا سعيد؟»

أجبته بنفاد صبر: «أنا لسه مش عارف الأولانيّة، ألاقى زوربا كمان؟ وبعدين زوربا دا مش كان يوناني باين؟ واتفعل فيلم؟»

قهقه كريم بيه وقال: «إنت تقصد (Zorba the Greek) بتاع (Anthony Quinn)، وآه دا كان يوناني عادي، لكن هي تقصد رقص الـ Zumba، ودا موضوع تاني خالص، دا نوع من أنواع الرقص اللي شبه التمارين الرياضيّة، المُعتمدة على خلط الرقص والتمارين،

وبيتعمل على مزيكا عالية أوي».

سألته بارتباك: «رقص؟ في الجيم؟»

أجابني مُبتسماً: «هو مش رقص رقص من اللي في دماغك، هو حركات سريعة على أنغام المزيكا، فيبقى شبه الرقص شوّية يعني».

سألته، مُحاولاً دفن غُبار جهلي تحت طرف سجادة الفكاهة: «تمام، فدلوقتي لقا بنجب نرقص بنروح الجيم! طيب ولو حُبينا نلعب حديد.. نروح شارع الهرم بقى ولا نعمل إيه؟»

قهقه وقال: «إنت مسخرة يا سعدة». ثم التفت إلى مس مريم، وسألها: «قُلتيلي إنها كانت بتروح جيم مشهور؟»

قالت: «آه، كُنت متعوّدة أشوفها هناك فعلاً».

سألها: «حضرتك فاكرة اسمه طيّب؟»

أجابته: «أعتقد آه، بس مش فاكرة هو كان أنهي فيهم». ثم أشارت للحاسوب وقالت: «ممكن أستخدم اللاب؟ أعتقد إني هلاقي البيدج بسهولة».

تحرك من مكانه، وأمسك بمرفقي ليبعدني عن طريقها وهو يقول: «طبعا، اتفضلي».

تحركت كنسمة هواء بارد في ليلة صيف حار، ثرّطب القلوب وثرّهدئ النفوس، تخطف العيون وتسلب الأبواب، رشيقة كانت.. وخلوة. وكما تتسلل إلى القلوب بهدوء، تسللت رائحتها إلى الأنوف. رائحة زكية، مسكرة كما يقولون.

أفقت من أفكاري على صوت صغير خافت، مليء بالإعجاب والتقدير، قبل أن يقول كريم بيه: «Chanel Chance؟»

التفتت له بدهشة وقالت: «مضبوط، عرفت منين؟»

نظر لي مبتسمًا وقال: «شوف، خلّيك شاهد، بتشكّك في قدراتي».

ابتسمت بخجلٍ وقالت: «لا والله مش قصدي، بس قُليل لما حد يعرفه بسهولة كدا».

لم يكن لديّ أي فكرة عما يتحدثان، لكنني ابتسمت وهزّزت رأسي مثل محمد هنيدي في فيلمه الشهير «فول الصين العظيم»، مُتظاهراً بالفهم.

لكن شرعان ما تدخل كريم بيه لينقِذني من جهلي المُحْدق، عندما قال: «من العطور اللي بحبها أوي، خصوصاً الـ Top Note اللي فيها أناناس، رهيبة، إنتِ تعرّفي إنه بيرمّز للحظ والتفاؤل؟»

أجابته: «الصراحة لا، مكنتش أعرف المعلومة دي».

قال بابتسامة عريضة: «أي خدمة، أديني بعلمك ببلاش أهو».

ابتسمت بخجلٍ، وتورّدت وجنّتها، قبل أن تجلس أمام اللاب توب، وتُحاول تذكّر اسم الجيم، جرّبت عدّة أسماء، وضغطت بعض الأزرار، تأملت بعض الصفحات، وجذّبت بعض الأفكار، وشرعان ما تذكّرت اسم الجيم، وكتبت حروفه .. وبحثت عن صفحته، التي شرعان ما وجدّتها، وضغطت عليها لتفتحها.

وأمامنا .. ظهرت صفحة (FitSphere Gym).

ارتفع حاجبا كريم بيه بدهشة وهو يتأمل الصفحة، قبل أن ينظر لها ويسألها: «مُتأكّدة؟»

هزّت رأسها بالإيجاب وقالت: «هو».

نظر لي وقال: «دا واحد من أهم وأشهر جيقات مصر، تعرفه يا سعدة؟»

كدت أجيب بالموافقة، لكنني خشيت أن يسألني عن شيء في تفاصيله، فيتجلى جهلي كاشفاً عن كذبي وخداعي، لذا التزمت الصمت وهزّزت رأسي نفياً.

فتطوّع بتوضيح بعض المعلومات قائلاً: «الجيم دا مش بيروحه غير طبقة مُعيّنة، الـ A Class زي ما بيقلّوا عليهم، دا غير المشاهير من المُمثّلين والمُذيعين والـ Bloggers الجداد والحاجات دي، فإن كاميليا دي تكون بتدرب هناك، فدي حاجة مش عاديّة ولا سهلة خالص».

سألته: «طيب هنتصرّف إزاي دلوقتي؟»

ابتسم وقال: «الموضوع بسيط، هنبعت رسالة نسأل الجيم على مواعيد كلاسات كاميليا عشان نشترك معاها، وساعتها هنقدّر نحدّد وضعها».

تبادلنا أنا ومِس مريم النظرات، وأظن أن كلينا اعتقد أنها فكرة جيّدة، ولا بأس بها.

وهكذا شرع في تنفيذها، ضغط على خانة الرسائل وبدأ يكتب، تحرّكت لأقف خلفه، حتى أنظر من فوق كتفه.

«مساء النور، كُنت بسأل على كلاسات كيكي، مواعيدها إيه؟
وأسعارها إيه؟ وهل مُتاح Private؟»

لم تفر لحظات حتى أتاه الرد، لأن المشاريع الكبرى المُهمة تُدرك
جَيِّدًا مدى أهميَّة الوقت لدى غُملائها، ومدى سرعة الحياة، لذا
تحرص على الردّ في أسرع وقت مُمكن.

«مساء النور يا فندم، بخصوص استفسار حضرتك، فمدام كيكي
مش مُتاحة دلوقتي، لكن مُمكن نرُشِّح لك ناس تانية، وبنفس
الكفاءة تقريبًا».

تأمل الرسالة للحظة، قبل أن يكُتب:

«مساء النور، شكرًا جدًّا، لكن أنا بسأل على مدام كيكي تحديدًا».

أتاه الرد:

«للأسف يا فندم بنعتذر لحضرتك، مدام كيكي غير مُتاحة في
الوقت الحالي نظرًا لظروف عائليَّة خاصَّة».

كتب:

«هل مُتاح أعزف هترجع إمتى بالضبط؟»

فأجابوه:

«برجاء إرسال رقم الهاتف والاسم الثلاثي والعنوان بالتفصيل،
وسيتم التواصل مع حضرتك بفجُرد وصول مدام كيكي وبدء
الكلاسات الجديدة».



أَمْسَكَ هَاتِفَهُ وَقَالَ: «حَالًا هَتَعْرِفَ».

بحث في قائمة الأسماء، حتى وَجَد ضالته، ضغط على الرقم،
وانتظر للحظة قبل أن يقول بمرح: «طيب والله وحشتيني .. يعني
لو مسألتيش .. متسألتيش؟»



(١٤)

بالطبع لم نسمع المُكالمة بالكامل، استمعنا فقط - أنا ومريم - إلى أسئلة كريم بيه وإجاباته، وكوّنّا تصوّرًا شبه كامل في البداية عن ردود وإجابات الطرف الثاني، الذي لم نعرف هويّته بعد.

«فينك كدا يا وحشة؟»

«رجعتي من السفر إمتى؟»

«حمد لله على سلامتِك يا ست الكل، طيب بقولك إيه .. أنا هفتح المايك عشان جنبي ناس عايزهم يسمعوا كلامك».

«يا سّئي هتعرفي كل حاجة! إنتِ ليه صبرِك قُليل كدا؟»

فتح السّقاعة الخارجيّة، وسَمِعنا صوتها العذب يشدو مشوشًا بقليل من التشويش الإلكتروني، القادر على خدش رقّة الأصوات وتغييرها قليلًا، وقال: «كدا المايك مفتوح، معايا هنا سعيد ومريم .. ضحابي الجداد».

قالت بدلال: «Hi Guys!»

ثم قال: «ودي بقى شيمو، أجمل بنوّة في الدنيا، وصديقة شخصيّة، وسيّدة أعمال مُهمّة، وشوية حاجات كتير كدا فوق بعض».

قهقهت بنعومة وقالت: «متصدقوهوش يا جماعة، دا مُجامل أوي».

قال مُشاكسًا: «ولا مُجامل ولا حاجة، هي اللي متواضعة ومش عارفة قيمة نفسها كويس».

«نضاب أوي وحياء ريتنا».

«وأنا أقدر أنضب على القمر برضه يا قمر؟»

«خير بقى يا بكاش؟ بتكلمني ليه؟ حاكم دا ميكلمنيش إلا لو كان عايز مصلحة».

«بقى كدا؟»

«آه كدا! لو عايز يبقى معنديش حق .. كلمني كتير!»

«حقك يا ستي، المفهم .. تعرفي جيم اسمه (FitSphere Gym)؟»

«سفير؟ For Sure! ماله؟ عايز تشتريه ولا إيه؟»

قهقه قائلاً: «لا، مش للدرجة دي يعني! عندي سؤال بس بخصوص كلاس هناك».

«كلاس؟ كلاس إيه؟»

«Pilates».

«إيه دا؟ إنت خلاص نويت تهتم بصحتك ولا إيه؟»

أجابها: «لا خالص! أنا وش كدا برضه؟ أنا عرفت إنك بتروحي كلاس هناك مع مُدربة اسمها ...».

نظر إلى مريم، مُستنجدًا هروب اسمها منه، فهمست له دون صوت تقريبًا: «كيكي».

ابتسم لها وأوماً برأسه برفق كتعبير عن شكره، وهو يتابع حديثه: «كيكي! تعرفيها؟»

«كيكي؟ دي القمر بتاعتنا .. مالها؟»

«مُختفية بقالها فترة .. عايز أعرف ليه؟»

صمتت للحظة وقالت: «مممم، بُص أنا معرفش أوي بس كُنت سمعت حاجة كدا مش مُتأكدة صح ولا لا».

أجابها: «قوليلي، يمكن الموضوع يفيدني».

تردّدت للحظة، قبل أن تقول: «بس دي نقاية متطلعش برة خالص .. فاهم يا كوكي؟»

أجابها: «حبيب قلب كوكي».

«فاكر ميريت؟ اللي كان عندها شركة مقاولات دي».

«ميري .. طبعا فاكرها كويس، مالها؟»

«كانت بتيجي معايا الكلاسات دي، وهناك حكّلي حاجة مش هتصدّقها .. Guess What ؟»

«What؟»

«فاكر شريف؟ شيري .. البروكر اللي كان صاحبنا فترة دا».

«فاكره كويس، كُنت هشتري منه حاجة في Palm Hills بس الموضوع مكملش وقتها، وزعل مني شوية وبطل يزد عليا، ماله؟»

«كان مصاحب واحدة، وقعدوا سوا فترة، وبعدين اكتشفنا بقى إنها كانت الـ EX بتاعة رامي، His Best Friend، ورامي مكانش يعرّف إنهم متصاحبين، وبعدين عرف .. وراح يعاتبه، شيري ردّ عليه

ردّ مش لذيذ، You Know بقى الشباب في الحالة دي، مش بيبقوا
لذاذ خالص، الفهم رامي اتضايق موت، خصوصًا إن الردّ كان أدام
الناس كلّها، وساعتها قاله: ردي هيوصلك قُرْب.

«إيه جو الأفلام العربي دا؟»

«لأ، إنت مش فاهم يا كوكي، دا ردّ عليه فعلاً، صحينا تاني يوم
لقينا بوست على بيدج اسمها «شيخ الحارة»، بتتكلم عن واحدة
مشت مع اتنين قرايب، وحزّر فزّر مين صورته كانت موجودة؟»

«لأ، متقوليش .. رامي كان واطي أوي كدا للدرجة دي؟ إوعى
تقولي إنه لفق صور للبنت مع أي حد من قرايبه؟»

«لأ، It Was Worse Than That، حظ صور البنّت فعلاً بس
مضطرّش يلفّق أي صور، لإنها فعلاً كانت ماشية مع باباه فترة، وخط
لها صور وهي في حضن باباه».

«أوووووف، إيه دا؟»

«صح؟ شيري مبقاش قادر يبص في وشها أصلاً، حتى بعد ما
حلفت له إنها مشّت مع باباه زمان فترة صغيرة، ومحصلش بينهم
حاجة، بس خلاص .. إنت فاهم يعني إيه واحدة مشّت مع ولد
وباباه؟ طبقاً للناس كلّها بقت تعاير شريف وتتريق عليه، وبيقولوا له
إن مش بعيد لو إتجوّز وخلف .. هتمشي مع ابنه كمان!»

«طبيعي، الراجل فجأة بقى مصاحب واحدة كانت مع باباه! يعني
في مقام مامته! وبعدين؟ عمل إيه؟»

«سابها طبقاً، الموضوع مكانش فيه أي حاجة تانية تتعمل غير

كدا، وصفى البيزنس بتاعه هنا، وراح ذبي .. وشغال في شركة هناك،
بروكر برضه .. بس مش فاكرة اسمها إيه بصراحة».

قال: «دا أقل واجب». ثم صمت للحظة قبل أن يسألها: «شيمو، أنا
إيه علاقتي بالقصة دي؟»

نفخت في نفاذ صبر وقالت: «يوووووووه، طول غمرك مستعجل
على رزقك، إنت متعرفش إن لو صبر عبد القادر على المقتول كان
مات لوحده؟»

أجابها بضحك: «عبد القادر مين؟ لو كان القاتل صبر على المقتول
كان مات لوحده!»

ضحكت من قلبها وهي تقول: «Are You Serious؟ أنا كنت
فاكرة القاتل اسمه عبد القادر والله».

قهقه من قلبه قبل أن يقول: «والله إنت مسخرة، إخلصي يا بنت،
إيه علاقتي بالقصة دي؟»

أجابته: «ميري كانت بتيجي معايا الكلاسات، وبعدين بشرعة ..
بقت هي وكيكي ضحاب وقربوا من بعض، عشان كدا لقا كيكي
اختفت، ومحدش فينا كان قادر يوصل لها، كلّمت ميري أسألها عنها،
وقالتلي سر».

تبادل ثلاثتنا النظر بفضول، قبل أن يقول: «سِر إيه؟ قوليلي فوزًا».

أجابته: «بيقولوا إن فيه خناقة كبيرة بينها وبين جوزها،
الثيرابيست دا باين، وإن الموضوع مش هيخلص نهاية حلوة
خالص».

سألها: «قصدك إيه؟»

أجابته: «مش عارفة، بس ميدي قالتلي كدا، تحب أسألها؟»

قال بشرعة: «تبقى خدمتيني والله!»

قالت بدلال: «بس هيبقالي عندك عزومة Sushi! Deal؟»

أجابها: «Deal يا قمر».

وهكذا انتهت المُكالمة بحصولنا على معلومة جديدة مُهمة، وإعجاب مُتزايد تجاه هذا الرجل الساحر القادر على التعامل مع كل هذه النساء بهذه الطريقة، واكتساب الصداقات القويّة بينه وبينهن، في حين يُعاني (٩٠٪) من شباب هذه الدولة للتعامل اليومي فقط مع الفتيات!

أتمنى حقًا أن أصبح مثله في يوم من الأيام!

نظر لي وقال: «دلوقتي إحنا عرفنا إن بينه وبين مراته مشاكل، وغالبًا إنت عارف سببها».

نظرت لي مريم بدهشة وقالت: «سبب إيه؟ أنا مش فاهمة حاجة! مُمكن تفهموني؟»

وهكذا شرحنا لها كل شيء بتفاصيل مُختصرة، بداية من الجُنة المُختفية، وحتى وقتنا هذا، شعرت بالفرح وبدأت تتلّفت حولها بخوف وهي تقول: «يعني إيه؟ يعني فيه قاتل ما بيننا هنا؟»

أجابها كريم بيه مُحاولًا تهدئتها: «غالبًا لا، القاتل عمل عملته وهرب يا مريم، اتطمّني».

بدأت تهدأ قليلاً، وإن رأيت المزيد من الهستيريا في عينيها، لاحظت رعدة صغيرة تنتاب شفتها السفلى، ورعشة في يديها، أخفتها بأن أغلقت قبضتيها بإحكام شديد.

قلت لها: «متقلقيش .. كل حاجة هتتحل قريب».

هزت رأسها وقالت بهمس: «حاضر .. حاضر».

عاد كريم بيه لاستكمال حديثه قائلاً: «المشاكل دي بقى، حسب ما شيمو قالت، مش هتنتهي نهاية حلوة، عارفين دا معناه إيه؟»

لم أفهم قصده للوهلة الأولى، لكن مريم قالت وعيناها تلتمعان بحماس: «الكلام دا مالوش غير معنى واحد بس». صمتت لحظة، قبل أن تقول: «إن مراته، مدام كيكي، هي اللي قتلته!»

عُدت إلى عُرفتي، مُثَقَلًا بالأفكار، ومليئًا بالأسئلة، أشعر كمركب يكاد يغرق من ثقل حمولته، لكن أيمتلك من هُـم مثلنا رفاهية الغرق؟ الاستسلام؟ الراحة؟ الإجابة هي لا، وبدون تفكير.

فتحت بابي، ودخلت إليها، تسَلَّل بعض البرد من الخارج، لكن دفء الغرفة صارعه، حتى انتصر، وبدأ يلتف حول عظامي ليطرُد البرد والرطوبة منها، ولم تمر دقائق حتى شعرت بالدفء يغمرني ويحتضني، فيهدئ من ثورة توثيري وقلقي.

جلست على طرف فراشي، خلعت حذائي، وسمحت لقدمي بالتنفس قليلًا، ثم نهضت، كُنت أنوي غسل وجهي فقط، لكن أنفي اشتكى قليلًا، إذ إنني لم أستحم اليوم، ومع كثرة الحركة، والذهاب والإياب، يغسل العرق النظافة عن جسدي، فينثُن رائحتي ويلوُث طهارة جسدي.

وهكذا خلعت عني ملابسِي، واستحممت بسرعة. وقفت تحت الماء الدافئ، أتخيل نفسي مُصارعًا انتهى لتوّه من الجولة الأخيرة على لقب العالم، أنهكه القتال لكن الفوز مده بالطاقة اللازمة للاستحمام، أو عاشقًا خذلته حبيبة، فوقف تحت المطر يبكيها للطبيعة، أو أي شيء آخر. لكنني لم أرَ مانعًا من تقلد بعض الدراما لأفصل بها خيط أفكارِي التي لا تتوقف.

مرّت ثلاثة أيام منذ وقوع جريمة القتل .. ثلاثة أيام حدثت فيها الكثير من الأمور .. اختفت فيها الجثة، وزاد عدد المُشتبه بهم. لكنني

بحاجة لترتيب أفكارى، وبحاجة أيضًا للتفكير على مهل.

وهكذا خرجت من تحت الماء الدافئ، جففت الماء عن جسدي بمنشفة خشنة، وارتديت ملابسى على عجلٍ أصاب نزلة البرد التي تنتظر أن تُصيبني بخيبة أملٍ حقيقيّة، وخرجت لأجلس على طرف فراشي مرّة أخرى.

وضعت هاتفى في الشاحن المُصاب بقطع في سلكه، والذي حاولت تضييد جرحه ببعض اللاصق الأسود المُسقى بالـ «شيكارتون»، وتأكدت من أنه يحظى بإمداده الدائم من الكهرباء.

وما إن اطمأننت عليه، حتى أمسكت بالورقة والقلم، وبدأت أفند أفكارى بهدوء وروية:

أولاً: قائمة الأحداث الغريبة التي حدثت خلال الثلاثة أيام الماضية:

- وجدنا جثة رجلٍ مقتولٍ بوحشية.
- الجثة اختفت بطريقة غامضة.
- تعرّفنا على هوية صاحب الجثة.
- اكتشفنا سرّاً بشعاً كان يُخفيه عن الجميع قبل أن يفصح الله ستره.

- وجدنا حساب زوجته على منصات التواصل الاجتماعي.

- لكنها مُختفية منذ فترة، حتى عن عملها.

- نشتبّه أنها القاتِل (على الأقل حتى الآن).

ثانيًا: قائمة من يعرفون بحدوث الجريمة حتى الآن (سواي):

- المستر خالد؛ صاحب القرية.

- حسام كامل؛ القمّط الشهير.

- كريم بيه؛ الحانوتي المودرن.

- مس مريم؛ القمّضة الجميلة.

ثالثًا: قائمة المشتبه بهم (من وجهة نظري) حتى الآن ودوافعهم:

- المستر خالد؛ والدافع هو الحفاظ على السيزون وشمعة القرية.

- خليل حاتم؛ غريب الأطوار الذي دائمًا ما يتصرّف بشكل غريب.

- مدام كاميليا أو كيكي؛ زوجة القاتل الغائبة، والتي غالبًا اكتشفت

سره وعاقبته عليه.

- أي واحدة من ضحاياه اللاتي اعتدى عليهنّ أو استغلّ أسرارهن

(لكنني لا أعرف هويّة أيهنّ!).

شعرث بذهني أصفى، وبرأسي أخف. كما أن جسدي استرخى

بشدة بسبب الماء الدافئ، وهكذا وجدت نفسي أريد النوم، دخلت

تحت الغطاء، أسندت رأسي على الوسادة، وطفقت أفكر في

المعلومات التي فتدثها في الورقة، حتى شعرث بظلام دامس

يهاجمني، يُسيطر على كلّ حواسي، ويُقيّد وعيي.

لم أكن قادرًا على المقاومة، لذا استسلمت له، وغططت في نوم

عميق.

الشيء الذي لم أكن أعرفه، وسأكتشفه بعد عدة ساعات، بفجرٍ استيقاظي، أنني سأجد كارثة .. كارثة حقيقية في انتظاري!

«بقولكم إيه يا شباب، فيه عيل سرسجي قافش أكونت حد مننا، وعامل لنا كلنا ADD، أنا معرفش هو تبع مين أو جاي مين، بس رجاء يا جماعة ننصف ال Friend List بتاعتنا شوية، مش دي الأشكال اللي هنصاحبها على آخر الزمن».

المشكلة أن المنشور لم يكن بفرده، أو لحاله. بل كان مصحوبًا بصورتي .. الصورة التي أستخدمها كصورة شخصية على الفيس، وكذلك تاج للحساب الخاص بي.

لطالما سمعتُ تعبير «قلبي سقط في قدمي»، لكنني لم أفهم معناه حتى هذه اللحظة، في تلك اللحظة تحديدًا فهمتُ فيها المعنى الحرفي لهذا التعبير، لأن قلبي لم يكتفِ بالانقباض فحسب، بل قرّر أن يتحوّل إلى حجرٍ ثقيل، أثقل من قدرة صدري على حمله، وهكذا هوى من علي، ليسقط في قدمي.

أنا؟ أنا (عيل سرسجي)؟

أنا؟ أنا (الأشكال اللي هنصاحبها على آخر الزمن)؟

من الذي منح هذا ال .. هذا الصفيق، وهي كلمة لا أعرف معناها لكنني أعرف أنها سبّة مُهينة بعض الشيء، الحق في نعتي بهذه الصفات؟ من الذي منحه السلطة الكافية للتفرقة بين البشر وتقسيمهم في هذه الفئات؟

وما الذي جعلني .. ما الذي جعلني أقع تحت قائمة تلك الأشياء
التي نعتني بها؟ أهو زِيِّي؟ ملابسي؟ أم شكلي؟ أهى تصفيفة
شعري؟ أم بشرتي التي لَوّحتها الشمس؟

لأنه بالتأكيد لم يعرف من أنا أو كيف أتحدث من حسابي على
الفيس!

ولماذا لم يكتفِ بكتابة المنشور دون صورة أو منشن؟ لماذا صمّم
على وَضمي بهذا العار بطريقة ثلاثية الأبعاد؟

والأسوأ؟ أنه منشن لعدد كبير من الأصدقاء المُشتركين بيني
وبينه! وهى حصيلة الإضافات العشوائية لقاطني حساب الدكتور
حازم، السيئ الذكر والشمعة.

وفي اللحظة التي اعتقدت فيها أن الأمور لا يُمكن أن تزيد سوءًا،
تذكرت ليلى! فاتنتي وحببتي المُستقبلية! الفتاة التي لم أرَ في مثل
جمالها يومًا! التي سئمَطر أُمي يوم فرحها بسندوتشات البسطرمة
والجبين الرومي!

فتحت الحساب مرّة أخرى، ودخلت إلى المنشور المُسيء، ورغم
ألمي لرؤيته، وعدم قُدرتي على النظر إليه دون أن أستشيط غضبًا،
أو تغرورق عيناى بالدموع، وبحث بين قائمة الحسابات التي ذكرها
الوغد اللعين.

ووجدتها! ووجدتها وسط الحسابات!

ارتعدت من شدة الغضب، تحت وطأة أطنان الجِقم التي تمور
بداخلي، يبدو أن بُركان الصبر قد ملّ الخمود .. فمارا أغلقت الهاتف

بغضب، وألقيته بجواري على الفراش، فكُرت في كتم فمي بالوسادة والصراخ .. لكنها أشياء لا تحدث إلا في الأفلام فحسب.

والكارثة .. أنه ليس فيلقا! بل هي حقيقة! وحقيقة مؤلمة!

بدأت أفكر في الأمر، ووجدت أنه من الأفضل أن أذهب لكريم بيه، طلبا لمساعدته في أمرين؛ أولهما العثور على طريقة لإزالة هذا المنشور اللعين؛ وثانيهما التعلم.

سأطلب منه بشكل رسمي، وبمُنتهى الصراحة والوضوح، أن يُعلمني كيف أكون مثله، كيف أتحدث بطريقة لائقة، وكيف أرتدي ملابس لائقة، وكيف أتعرف على أشخاص لائقين!

كيف أتعرف إلى الفتيات، وكيف أصادقهن، وأتحدث معهن بـ (عشم) وحميمية، مثله تماما!

ارتديت ملابس على عجل، وصففت شعري، لففت وشاحي الأحمر حول عنقي، وتنفست بعمق، زفرت بشدة محاولا التخلص من الضيق الذي تمكن منّي، والتفت حول عنقي حتى كاد يخنقني.

فتحت الباب، لكنني لم أخرج!

لأنني وجدت من ينتظرنني بالخارج، وعلى وجهه .. أعتى أمارات القلق!

«تأخرت النهاردة، قلقت عليك وقلت آجي أتطمّن!»

نظرت له بدهشة، وقلت بصوت خافت: «أنا .. أنا تمام، خير يا أستاذ حسام؟ فيه إيه؟»

حسام كامل، الفمّل الشهير الذي هجرته أضواء النجومية، لكنه أبى نسيانها. وقف أمامي، على باب عُرفتي الصغيرة المتواضعة، وعلامات القلق تبدو على وجهه؛ واضحة جليّة. لكنه بالطبع ليس قلقًا عليّ كما حاول أن يدّعي، فأمثالهم لا يقلقون على أمثالي! بل لا يهتمّون حتى بنا أو بمشاعرنا.

تأمّلني بدهشة وقال: «مالك؟»

حاولت التماسك قليلًا وأنا أكذب قائلاً: «مالي؟»

«شكّك مش مضطّط النهاردة! فيك إيه؟»

أخذت نفسًا عميقًا، وأجبته بمزيد من التماسك الزائف: «أنا زي الفلّ، منمّتش كويس بس».

ابتسم وربّت على كتفي برفق وهو يقول: «لا، إجمّد كدا يا بطل، دا إنت ال Hero بتاعنا».

ابتسمت له في مُجاملة سطحيّة، وأنا أجيبه: «الله يسترك يا أستاذ حسام». ثم انتبهت إلى أننا نقف على باب الغرفة ونحدّث، لذا سألته: «أنا آسف، حقّك عليّ، تعالى اتفضّل نتكلّم جوا».

مال بجسده قليلًا، ونظر إلى عُرفتي - المفتوح بابها - للحظة،

قبل أن يقول بحرج: «الله يكرمك، لا .. أنا عايز أتمشي شوية،
تتمشي معايا؟»

قالها بصيغة سؤال، لكنه لم يكن سؤالًا حقًا، لأنه بدأ يتحرّك دون
أن ينتظر ردي، وهذا رد فعل منطقي، ما الذي سيدفع بيه مثله
لدخول غرفة صغيرة تفوح منها رائحة الفقر وضيق الحال مثل
غرفتي؟

أغلقْتُ بابَ غرفتي على عجل، وتبعته بخطوات سريعة، حتى
لحقْتُ به، وعندما أصبحت بجواره، بطأْتُ من سرعتي قليلًا، حتى لا
أسبِّقه فيضطر لفجاراتي.

سِرنا في صمتٍ لدقيقة أو ما شابه، قبل أن يقول: «فيه حاجة
عايزك تشوفها».

سألته بدهشة، دون أن أنجح في إخفاء فضولي: «حاجة؟ حاجة
إيه؟»

نَظَر لي للحظة، قبل أن يقول: «هوزيك الأول وبعدين أشرح لك».
وأخَرَج هاتفه من جيبه، وبيضع ضغطاتٍ سريعة على شاشته، فتح
مقطع فيديو، يبدو أنه مُصوَّر ليلاً، في الخفاء، ودون إضاءة جيّدة،
وبيدٍ غير خبيرة.

ضغط زرَّ التشغيل، وتركني أشاهده في صمت.

رجل نحيل يقف وسط الظلام، أمام البحر، مُتحدِّيًا الظلام الدامس

والهواء البارد، لا يبدو عابثًا بالريح التي تدفعه حتى تكاد تُحرّكه من مكانه، أو بالظلام الذي يكتنفه وكأنه كفن مُظلم، أو بالبحر العالي الأمواج الذي يُهدّد بابتعاده.

لا يتحرّك من مكانه، وكأن رياح الكون غير قادرة على تحريكه من مكانه قيد أنملة.

لا تهتزّ منه شعره، وكأن ظلام العالم غير قادر على إثارة ذرّة من الخوف في قلبه.

لا يرمش له جفن، وكأن اتّساع بحار ومُحيطات العالم غير قادرة على إصابته بالترّد ولو للحظة.

يقف مُباشرة أمام ظهر الحوت، ينظر إليه للحظات طويلة، وكأنه يبحث عن شيء .. شيء كان يُزيّن ظهر الحوت، قبل أن يختفي في ظروف غامضة، ودون أن يترك أثرًا.

شيء زبما .. زبما تركه هو هناك بيديه قبل أن يختفي!

طالت اللحظات، وطال وقوفه، وصمته، وثباته .. وقصرت حركته، وتوثره، وارتعاداته.

فجأة .. التفت ونظر إلى الكاميرا مُباشرة .. اهتزّت الكاميرا في يد المصوّر وهو يختبئ ويُعدّل من وضعه ليخفي نفسه عن أعين الرجل النحيل، الذي رغم الظلام، ورداءة التصوير، بدا وكأنه يبتسم.

نظرتُ إليه وسألته: «هو دا .. ؟»

أجابني: «هو .. الراجل الغامض اللي في الشاليه البعيد».

«أستاذ خليل؟»

«هو اسمه خليل؟»

«حضرتك متعرفش؟»

«هعرف منين يا سعيد؟ ما هو قافل على نفسه ومش بيتعامل مع حد، غير العيال الديليفريّة وبس؟»

«هو اسمه خليل حاتم، بس معرفش عنه أي حاجة».

«طيب قولّي .. مفيش حاجة لفّتت نظرك في الفيديو؟»

فكّرت للحظة قصيرة قبل أن أجيبه: «ظهر الحوت!»

ابتسم وقال: «الله يفتح عليك .. ظهر الحوت! تفتكر ضدفة بعد ظهور الجئة بكام يوم، يخرج من غزله .. ويروح يقف في نفس المكان اللي كانت فيه الجئة؟»

أجبتة بقليل من التردد: «يمكن ضدفة يا أستاذ حسام، مين عارف؟»

قال بغضب: «يا ابني ضدفة إيه؟ دي لو اتحطت في فيلم بالضدفة محدّش هيصدقها». صمت للحظة ثم أضاف: «مفيش حاجة بتحصل في الكون ضدفة يا سعيد، كله متقدّر ومكتوب .. ولو عندك شك في دا تبقى لا مؤاخذه يعني ..».

«عبيط».

«مش قصدي لا سمح الله لأ».

«بس حضرتك عندك حق! هي مش ضدفة! أصل الراجل دا بقاله فوق السنة هنا .. إشمعنى الليلة دي تحديدًا يخرج ويُقف على البحر؟ وفي جوّ زي دا؟ وفي مكان زي دا؟»

لمعت عيناه في حمائس وهو يقول: «صح؟»

هزّزْتُ كتفي وأنا أقول: «عند حضرتك حق».

نظر إليّ وقال: «قولّي .. مفيش حاجة جديدة عن موضوع القتل؟»

أجبتّه: «لأ، لشه مش عارفين حاجة».

لم أخبره بالتفاصيل الجديدة، لا أريد حرق كلّ التفاصيل، لا أريد تحذير القاتل لو كان لا يزال موجودًا بين أسوار قرينتنا الحبيبة. لذا اكتفيت بإجابتي المُقتضبة، محاولًا ستر بقية أسرار الجريمة التي اكتشفناها أنا وكريم بيه.

نظر للبحر للحظة قبل أن يسألني: «تفتكر البحر بلعه؟»

أجبتّه: «يمكن .. ليه لأ!» ثم سألتّه: «هو حضرتك تفتكر إنه أصلًا مات في حُتّة تانية والبحر جابه هنا وبلعه تاني؟»

فكّر للحظة، قبل أن يقول: «أعتقد لأ، دي فكرة بعيدة شوية، يعني أنا أصدّق إن المية بلعته .. مقبولة شوية، لكن جابته .. وبعدين بلعته؟ في ساعة زمن؟ لأ .. بعيدة شوية دي».

غرقْتُ في أفكاري وأنا أقول: «عند حضرتك حق».

أوما برأسه للهاتف، الذي لا أزال أمسكه بين أصابعي، وسألني:
«بس بقولك إيه؟ إيه رأيك في التصوير؟ لسه جامد زي ما أنا ..
صح؟»

تذكرت الكادرات المعوجة، واليد المرتعدة التي تحمل الهاتف،
سوء الإضاءة، وارتفاع صوت أنفاسه المزعج الذي سيؤدي أذنّي كل
من سيُشاهد الفيديو. ثم وجدت أن الكذب أحيانًا ما يكون أسهل
طرق الهروب.

لذا أجبت: «طول عمرك نجم يا أستاذنا».

ابتسم، مُعتدًا بنفسه، قبل أن يقول وقد شابَ كلماته بعض الغرور:
«تعرف زمان، كنت بختار حتى زوايا التصوير في أفلامي، دا اللي
خلّى أفلامي كلها تنجح كدا على فكرة». صمت للحظة، رحل فيها
الغرور، وحلّت المرارة محلّه، وهو يستكمل حديثه: «لحد ما ابن
الحرام دفع فلوس للجرايد والنقاد يقولوا إني بتدخل في كل كبيرة
وضغيرة في الأفلام، وإني ديكتاتور في شغلي، ودا اللي خلّى الناس
تهرب مني».

صمت للحظة ونظر أرضًا، قبل أن يقول: «تعرف .. أنا لسه
عندي كتير، جوايا أفكار وإيفيهات وحبكات، وطاقة تشغل عشر
مخرجين .. بس زي ما انت عارف بقي، أجري بقي عالي عليهم».

ابتسمت مُجاملاً، وقلت: «حضرتك هتقولّي؟ ما أنا عارف».

رَبّت على كتفي وقال: «جدع يا ض يا سعيد».

مدّ يده ليُمسك بهاتفه، كدث أعطيه له، قبل أن أتردّد للحظة،

وأسأله: «هو أنا مُمكن أشوف الفيديو مرّة كمان بعد إذنك يا أستاذنا؟»

ابتسم وقال مازحاً: «ماشي يا سيدي، على الله نخلص».

رفعت الهاتف أمامي، ومددت يدي لأضغط زر التشغيل، لكنني - وعن طريق الخطأ - حرّكت إصبعي على الشاشة، فاختفى الفيديو، وظهر أمامي الفيديو التالي.

تأملته للحظة، غير مُصدّق لما أراه، وبصعوبة .. استطعت تحريك عيني عن شاشة الهاتف، نظرت إليه للحظة، ورأيت الارتباك يظهر جلياً على وجهه، وهو يمدّ يده ليستعيد هاتفه، الذي أبعدته عنه.

وسأله بحزم: «إيه دا؟»

(١٧)

أمام عيني، ظَهَر مَقْطَع فيديو آخر، لَكِنَّهُ مُخْتَلِفٌ تَمَامًا .. فِي كُلِّ شَيْءٍ! فَجُودَةُ التَّصْوِيرِ أَعْلَى، وَالكَامِيرَا أَقْرَبَ، وَالْإِضَاءَةُ أَفْضَلَ.. لَكِنَّ الأَهمَّ، أَنَّ أَبْطَالَ هَذَا المَقْطَعِ مُخْتَلِفُونَ تَمَامًا!

فَأَمَامَ عَيْنِي، وَقَفْتُ أَنَا وَمِسْ مَرِيَمُ وَكَرِيمُ بِيهِ. حَاولِ الأَسْتَاذَ حُسامَ الإِمْسَاكِ بِهَاتِفِهِ مَرَّةً أُخْرَى، وَبَدَأَ مُرْتَبِكًا بِشِدَّةٍ، أَبْعَدْتُ الهَاتِفَ عَنْهُ وَسَأَلْتُهُ بِغَضَبٍ امْتَزَجَ بِبَعْضِ الدَّهْشَةِ: «إِنْتَ بِتَصَوِّرُنَا؟»

قَالَ بَارْتَبَاكَ: «لَا، هُوَ أَنَا .. اسْتَنِي .. هَفْهَمَكَ ..».

صَحْتُ فِيهِ بِصَوْتٍ عَالٍ: «هَتَفْهَمْنِي إِيَّاهُ؟»

وَيَبْدُو أَنَّ صِيحَتِي أَفَاقَتْهُ مِنْ ارْتِبَاكِهِ لِلْحِظَّةِ، أَدْرَكَ فِيهَا أَنَّهُ مُمَثِّلٌ شَهِيرٌ، وَأَنَّنِي مُجَرَّدُ فَرْدٍ أَمِنَ (غَلْبَانُ)، فَسَأَلَنِي مُسْتَنكِرًا بِغَضَبٍ: «إِنْتَ هَتَزَعَقَلِي يَلا وَلَا إِيَّاهُ؟»

وَيَبْدُو أَيْضًا أَنَّ صَرَخَهُ أَفَاقَنِي مِنْ غَضَبِي لِلْحِظَّةِ، فَارْتَبَكْتُ بِدَوْرِي وَقُلْتُ: «لَا عَشْتُ وَلَا كُنْتُ يَا أَسْتَاذَ حُسامِ! بَسْ حَضَرْتُكَ عَايِزْنِي أَعْمَلُ إِيَّاهُ يَعْنِي لَمَّا أَلَاقِيكَ مَصَوِّرُنِي مِنْ غَيْرِ مَا آخُذُ بِأَلِي بِالشَّكْلِ دَا؟»

قَالَ بِغَضَبٍ وَهُوَ يُحَاوِلُ الوُصُولَ لِهَاتِفِهِ مُجَدِّدًا: «وَأَنَا هَصَوِّرُكَ إِنْتَ لِيهِ يَا جَرِبَانَ إِنْتَ؟»

اِثْسَعَتْ عَيْنَايَ فِي دَهْشَةٍ وَأَنَا أَقُولُ: «يَعْنِي إِيَّاهُ؟ يَعْنِي حَضَرْتُكَ بِتَصَوِّرِ مَرِيَمَ؟ حَضَرْتُكَ بِتَصَوِّرِ البَنَاتِ؟ دِي آخِرُ حَاجَةٍ كُنْتُ

أتوقعها منك يا أستاذ حسام!

خطف هاتفه من يدي وهو يقول: «بنات إيه اللي هصورهم يا بني آدم إنت! إديني فرصة أفهّمك، اسكّت شوية وسيبني أتكلّم .. جتك البلا!

قلت له بقليل من التحدي: «اتفضّل .. أنا سامعك».

رفع الهاتف أمامي، وضغط زر التشغيل، وهكذا بدأ مقطع الفيديو، وميّزت الحدث من فوري، ففي نهاية المطاف، لقد كنت هناك! أسرّت عدسة الكاميرا لحظة مُكالمة كريم بيه مع شيمو، عندما أخبرتنا بتلك (النقّة) عن ميري وشيري، وأخبرتنا بمشاكل كيكي مع زوجها الراحل.

لم اذا لا يملك أولئك البشر أسماء عادية؟ أين ذهب كل الـ (محمد) والـ (أحمد) والـ (سيد) الذي عجت بهم شوارع مصرنا الحبيبة يومًا؟ متى تحوّلنا إلى كيكي وشيري وكراميل وكوكي وكل هذا الهراء؟

وإن حاولت التشبّه بهم يومًا، كما أنوي، هل سأكتفي بتغيير بعض الأشياء في مظهري وطريقة تحدّثي فقط، أم سينبغي عليّ تقلّد مثل هذه الألقاب، وبصفتي (سعيد) .. هل سأتحوّل إلى سوسو أو ساسو؟ وماذا سيفعل أهلي عندما يكتشفون أن ابنهم سعيد قد تحوّل إلى ساسو؟ وهل ستقبّل ليلى التعرّف عليّ بصفتي ساسو؟ وماذا عن جدّي الأكبر؟ اللوا؟ هل سيقبّل أن يحمل حفيده لقب ساسو؟ ساسو اللوا؟

«إنت يا ابني؟»

أفقت من أوهامي على صوته يزجرني لأن مقطع الفيديو انتهى،

وأنا لا أزال أصدق في شاشة هاتفه كالأبله، تأملت انعكاسي في شاشة الهاتف للحظة، قبل أن يسألني: «فهمت حاجة؟»

والمصحف لأ.

سألته: «حاجة إيه؟»

أجابني في استنكار: «من اللي قلته! إنت مكتتش مركز معايا أصلاً؟»

أجبتة: «لا، كنت سامع حضرتك، بس ممكن تقول تاني عشان أفهم أكثر؟»

نظر لي لوهلة قبل أن يُقرّر أنه لا بأس من تكرار ما قال، لذا أخذ نفساً عميقاً وقال: «أنا مُشكِتي مش معاك، ولا مع مريم .. لا، بصراحة عندي مُشكلة مع مريم، بس لكل حدث حديث، خلّيني في المُشكلة الأساسية دلوقتي، أنا مُشكِتي الكبيرة مع كريم».

سألته بدهشة: «كريم بيه؟ ماله؟ دا راجل زي الشكرا!»

رفع حاجبيه في استنكار، وسألني: «وأنا يعني اللي مُفتري؟»

أجبته بقليل من الارتباك: «لا، لا سمح الله، مش قصدي أكيد، طيب كَل .. أنا سامعك».

تأملتني للحظة، ثم أكمل حديثه قائلاً: «هو راجل زي الفل وكل حاجة، بس بيستغل الضدفة والقدر اللي جمعنا في قرية واحدة، إني أنا وهو مُلاك في نفس القرية، وبيستغل دا عشان يشقّط بنات ويوظد علاقته بيهم على حسابي».

انعقد حاجبائي في دهشة وسألته: «إزاي يعني؟»

رمقني باشمئزازٍ لدهشة، وقال: «شكك غبي وهتتعبني معاك». ثم أخذ نفسًا عميقًا وقال: «دلوقتي هو لقا بيكلّم أي بنت بيقولها إنه صاحبي، ودي مش حقيقة، إحنا يدوب جيران في القرية مش أكثر. والبنات الكثير اللي بيقعد يكلمهم طول الوقت دول من المفجبات بتوعي، بس هو سرقهم مئي، وبيكلّمهم على جس إنه صاحبي بقى وبتاع».

شعرث بالقليل من الضباب يخيق فهمي، فسألته في غباء: «يعني دول كانوا بيكلّموا حضرتك وهو خدهم منك؟»

نفخ صدره في زهو زائف، وقال بغرور: «لا، دول يدوب يحلموا يكلموني، إنما الوصول ليّا بيفضل حلم عند الناس دي، مش أي حدّ يقدر يوصلني ويكلمني يعني».

أجبته بالطريقة التي تليق بغروره وثرصيه: «أكيد، هو حضرتك أي حدّ برضه؟»

ابتسم وتابع حديثه: «يعني لولايّا .. مكانش وصل للبنات دول وكلمهم أصلاً. أنا السبب في كل علاقاته وكل صداقاته دي، الراجل دا باني دايرة علاقاته كلها على معرفته بيّا .. بس!»

راودتني فكرة، لكنني ترددت للحظة في الإفصاح عنها، ويبدو أنه تمتع بالذكاء الكافي لي ليدرك أن هناك ما يعتمل بداخلي، لذا رفع أحد حاجبيه وسألني: «عايز تقول إيه؟»

اعترانني المزيد من التردد، لذا ابتلعت فكرتي، وقزرت وأدّها في

مهدّها، لكنّه صاح بلهجة آمرة: «اخلّص!»

حسمت أمري، وعَرَفْتُ أنّه لا فرار من قبضة فضوله، لذا أخذت دقيقة رُتَبْتُ فيها أفكاري، ثم قُلْتُ: «سامحني يعني، بس هو مضربهمش على أيدهم، يعني اللي مش عايزة تكلمه منهمش هتكلمه، ولا حضرتك شايف إيه؟»

ابتسم، وهو ردّ فعل لم أتوقّعه منه، وقال بهدوء: «عندك حق، بس خط في اعتبارك شيء مُهم .. البنات دي مكانتش هتكلمه لولا شايفين إنه طريق للوصول ليا، يعني من الآخر .. هو مش أكثر من سلّمة! وقولي إنت بقى .. مين أهم وأغلى؟ الشقّة ولا السّلْم؟»

لم أفهم المغزى من سؤاله، هل يقصد أنه شقّة؟ وأن كريم بيه هو السّلْم؟ يعني إيه؟ ماذا يقصد؟ ما الهدف من هذا التشبيه العجيب؟ أجبتّه: «فهمت قصد حضرتك آه».

لكنني لم أفهم قصد حضرته للأسف! بل أردت إسكاته قبل أن يُمطرني بالمزيد من تلك التشبيهات المليئة بالغُمق الزائف، ويبدو أنني نجحت في إقناعه بذلك لأنه قال: «دا طبعا غير إنه عشان يقنعهم بالكلام الفاضي بتاغه دا بيضطرّ يقولهم أسرار من أسراري الشخصية».

لم أفهم قصده، انعقد حاجباي مرّة أخرى، هل أنا غبي؟ أم أنه يُعاني من صعوبات في تفسير مقصده؟

سألته: «وهو عرف أسرار حضرتك الشخصية مين؟»

نظر لي بجديّة شديدة وقال: «هو دا تحديداً اللي كُنت جايلك

عشانه».

سألته: «يعني حضرتك مكنتش جاي عشان موضوع أستاذ خليل؟»
سألني بدهشة: «خليل مين؟» ثم بدا وكأنه تذكره، فقال: «آه، لا ما
عشان كدا برضه».

هزئت رأسي، هذا رجل لا يعرف شيئًا، تتصارع العديد من أفكاره
في رأسه كأنها لعبة السيارات الفتصادمة الموجودة في كل الملاهي
الشهيرة، فكّرت في سؤاله عن أي شيء، لكنني قررت الالتزام
بالصمت، وتركه يستكمل حديثه العشوائي المليء بالاتهامات
والبارانويا والزيّف والتظاهر بالعمق!

تلّفت حوله وكأنه يطمئن إلى أننا غير مراقبين، قبل أن يقول
بهمس: «من كام سنة، فيه ناشر مُهم في البلد، كلّمني عشان ينشر
مذكراتي، إنت عارف يا واد يا سعيد إني غيّرت مسار السينما في
مصر، ودي تجربة مُهمّة عشان الأجيال الجاية تعرّف أهميّة السينما
وإزاي مُمكن حدّ واحد عبقرى زي يغيّر مسار صناعة مُهمّة زي
السينما. وفعلًا كتبت المذكرات دي، وكتبت فيها أسرار كثير بتفضّح
ناس مُهمّين وثقال في البلد، وخلاص كنت على وشك أبعثها للناشر،
بس فيه مُشكلة واحدة بس!»

سألته بفضول: «مُشكلة إيه؟»

أخذ نفسًا عميقًا، ثم قال: «مذكراتي اتسرقت، واللي سرقها حدّ من
اتنين، يا كريم بيه بتاعك دا .. عشان يستخدم أسراري في التعرّف
على بنات أكثر .. يا مريم المُمرضة .. عشان تبتزّني وتطلبّ مني

فلوس».

رمقته بدهشة، أحاول العثور على كلمات مُناسبة لأقولها، لكن قبل أن أجدها، قال: «ومفيش قُدامي غيرك، يا هتعرّف مين اللي سرق المذكرات وترجّعها لي .. يا هبلُغ الشرطة، وأعتقد مش من مصلحتك لا إنت ولا مُدِيرك إن الشرطة تيجي القرية في وقت زي دا». صمت للحظة، ثم سألني بلهجة ذات مَغزى: «فاهمني طبعا؟»

المُشكلة .. أنني كُنْتُ أفهمه!

جيدًا!!

ألقى بحجر تهديده في بركة هدوئي الراكدة، ثم تركني ورحل بعدما أثار بداخلي الكثير من المشاعر، تركني حائرًا بين الذهاب إلى المستر خالد وطلب نصيحته، لكنني سأخاطر بإثارة المزيد من الأسئلة حول ما كنتُ أفعله عند كريم بيه؟ وبالتالي سأخبره أنني لا أزال أحقق في جريمة القتل الغامضة التي حدثت في القرية، والتي أشتبه فيه بارتكابها، ولو صدق حدسي .. وكان هو القاتل .. فربما أكون ضحيته التالية.

وربما أنجح في خداعه، ولا يدرك حقيقة ما أفعله سرًا بجانب عملي كفرد أمن في القرية، وبالتالي سينصحني نفس النصيحة التي نصحني إياها حين اشتبه أستاذ حسام في سرقة حسن لبعض المال منه، أن أتماشى معه وأتظاهر بالتحقيق في الأمر حتى يمل من هذه القضية، ويبدأ في الشك أن شخص آخر قد سرق منه شيئًا آخر.

قررت الاكتفاء بالحل الثاني، سأتظاهر بالتحقيق في سرقة مذكراته حتى يمل ويتظاهر بأن شيئًا آخر سرق منه، وشرعان ما سيحل الصيف وتمتلئ القرية بالمصطافين، وسينسى تلك الخيالات وينخرط في الاستمتاع بصيفه مع بقيتهم، وعندما يحل الشتاء القادم (يحلها الحلال)!

حسنًا، هذه فكرة عبقرية ولا بأس بها.

كنت في طريقي إلى شاليه كريم بيه، الذي يقبع على أطراف القرية، عندما لمحث خليل حاتم، الغريب الأطوار، وهو يخرج من

شاليهه، يُمسِك في يده بكيس من الخيش، ويُسرِع لإلقائه في صندوق القمامة.

شيء طبيعي، ومُعتاد، ويحدث كل يوم.

صحيح؟ لا!

لأنه تجاهل صندوق القمامة الصغير الموجود أمام شاليهه، وخرج من الشاليه متجاوزًا إياي دون أن يُعيرني انتباهًا، وكأنني شفاف لا أعنيه، وهو شيء مُعتاد منه، إذ يبدو مُنعزلًا لا يُجب الاختلاط أو التعامل مع البشر، ليس الفقراء منهم، بل كلهم بجميع أطياهم وأنواعهم ودرجاتهم وطبقاتهم.

بفجَرْد مروره بجواري، شعرتُ بشيء غامض، تحرَّكت حاستي الأمنيَّة، وشعرتُ بأن هناك ما يُخفيه.

وهكذا قرَّرتُ أن أتبعه دون أن ينتبه لي، سلكتُ طريقًا مُختلِفًا، بحيث لا يغيب عن عيني، وفي نفس الوقت .. لو انتبه لي، سأُتظاهر بأنني سأذهب إلى مكانٍ آخر، دون أن يُدرك ما يحدث.

وبالفعل، سار بخطوات سريعة حتى وُصل إلى صندوق قمامة عمومي، وقف أمامه للحظة، ثم تَلَفَّت حوله وكأنه يتأكَّد أن أحدًا لم يتبعه، وألقى بكيسه الخيشي في صندوق القمامة المعدني، وتَلَفَّت حوله مرَّةً أخرى، دون أن ينتبه لي، وعاد بخطوات سريعة إلى شاليهه.

تحرَّكتُ من مكاني، بعدما تأكَّدتُ أنه قطع مسافةً لا بأس بها إلى هناك، وذهبتُ إلى صندوق القمامة، سددتُ أنفي بسبب الرائحة

الكريهة المُنبِعة من هذا الصندوق، رغم قلة المُلقِيّات بداخله، يبدو أنه بحاجة إلى النظافة، مثل كثير من نفوس البشر هذه الأيام.

مددت يدي، مُتغلّبا على اشمئزازي، وأمسكت بالكيس الخيشي، وبفجّر أن أدرته رأيت شيئا جعلني أتجمّد في مكاني، بقعة دماء.. تبدو طازجة.. تلوّث هذا الكيس!

لم أستطع التحرك من مكاني قيد أنملة، أو حتى فهم ما يحدث، وشعرث بالذماء تتجمّد في عروقي، ابتلعث ريقِي بصعوبة، ومددت يدي، مُتجاهلا الرعدة الخفيفة التي اعترت يدي، وفككت وثاق الكيس.

ألقيت محتوياته داخل صندوق القمامة، تأملتُها لدهشة، غير قادر على فهم ما رأيته.

كتاب قديم، أوراقه صفراء مُهترئة، وغلافه سميك من الجلد الأسود. وشموع غريبة الشكل. وقطعة قُماش بيضاء كبيرة ملوّثة بالذماء، وهي السبب في تلوّث الكيس الخيشي بتلك الذماء التي رأيثُها.

فكرت للحظة، لكنني لم أفهم شيئا، لذا جمعت الحاجيات في الكيس الخيشي مرة أخرى، وقزّرت وضعها في عُرفتي بشكل مؤقت لحين التوصل لشيء يُمكنني فعله بخصوص هذه الأشياء.

أحكمت إغلاق الكيس، وعُدت به إلى عُرفتي. أحكمت إغلاق الباب خلفي، وفردت محتويات الكيس على منضدة صغيرة، وبدأت في تفحصها بشكل أكبر.

الكتاب لا جديد فيه، يبدو كما رأيته، باستثناء غلافه الأسود الذي بدا لي مصنوعًا من جلد غريب من نوع ما، قرَّبته من أنفي وشممته، ممممم .. رائحته عادية، لكنها ليست رائحة الكتب المعتادة أبدًا.

أما الشموع، فكانت مُختلِفة .. تمامًا!

فبفجَرَد أن أمسكُها، حتى تجعَد أنفي، فرائحة كريهة فاحت منها، تبدو أشبه برائحة .. برائحة الموت، كما أنها تبدو لزجة نوعًا ما، تركتها في مكانها وأنا أنظر لها باشمئزازٍ غير طبيعي. أما قطعة القماش البيضاء الملوَّثة بالدماء فكانت نظيفةً يومًا ما، قبل أن يُرسم عليها نجمة عجيبة الشكل، تُزيِّنُها حروف غريبة، وبداخلها قطعة قماش أخرى ملوَّثة بالدماء، تبدو وكأنها قد استُخدِمت لكتَم نزيف جرح ما.

هل .. هل هذا سحر؟ عَقَل؟ أَلقيث بالقماش على الطاولة وتراجعث خطوةً للخلف، قبل أن أتمالك شتات نفسي، وأَجْمَع الموجودات في كيسها مرَّة أخرى، تردَّدت للحظة قبل أن أمسك بقطعة القماش المنقوعة في الدماء بأطراف أصابعي وأعيدُها إلى الكيس.

تركث كُلَّ شيءٍ على الطاولة، وقَرَرْتُ الخروج لاستكمال رحلتي إلى شاليه كريم بيه، بحقًا عن إجابتي المفقودة، وبالفعل .. كُنْتُ في مُنتصف رحلتي إلى هُناك، عندما سَمِعْتُ مِس مريم، المُمرضة الجميلة، تصرخ بهلع: «إزاي تتهَجِّم عليَّا بالشكل دا؟»

ومن فوري .. هرعْتُ إلى هُناك دونما تفكير!

قادتني قدماي إلى مصدر الصوت دونما تفكير، لم أعرف أين أذهب أو ما الذي يحدث، كل ما فهمته أن هناك من يُحاول التهجم على مس مريم، بطريقة دفعتها للصراخ بمثل هذه الطريقة.

ما الذي يحدث في قرية ظهر الحوت؟ ما الذي أصاب قريتنا الهادئة هذه الأيام؟ إنها لعنة القتل .. لعنة الغدر .. لعنة الخيانة! أم تراها لعنة طلوع الروح؟ قالت لي جدتي يوما أن الروح لو طلعت في مكان، يظل منقوعا في الحزن والهم لحين مغادرة الروح منه.

وعندما سألتها: «وإزاي تغادره الروح يا سئي؟»

لمعت عينها وقالت: «لما السبب ينزال، لو ميت غدر .. يبان الحق، ولو ميت سر .. ينكشف، ولو ميت مظلوم .. ياخذ حقه».

ربما هذا ما حدث هنا، ربما تأبى روح الدكتور النفسي مغادرتنا دون إثارة العديد من المشاكل، ربما تُحل قضيته، لكن هل يعني هذا أن الروح مُعلقة في عنقي؟ وأن علي حل القضية وإلا ظلت تُعير المشاكل والمتاعب هنا؟

وصلت إلى شاليه مدام شاهينان، وأريث الأستاذ حسام يقف أمام مس مريم، التي تقف أمامه بشجاعة رغم الخوف الذي يسكن عينيها، وتُحاول منعه من اقتحام الشاليه، بينما يتقمص هو روح خرتيت غاضب ويصير على الدخول مهما كلفه الأمر.

اقتربت منهما، ولمحت شيئا يتغير في عينيها بفجأة رؤيتي، لكنني لم أحظ بالوقت الكافي لأتبين ماهيته، أهو ارتياح لرؤيتي؟ أم قلق

عارم لوجودي؟

وقفت بينهما، ورأيت أسارير أستاذ حسام تتهلل لرؤيتي، الذي قال بحماس لم يفتر: «كويس إنك جيت يا سعيد!»

اثسعت عيني مس مريم عندما شعرت لوهلة أنني في صفه. ثم انتصر التحدي على معركة المشاعر التي دارت في عينيها، وأعلن وجوده الآن، إذ رمقتني بنظرة نارية، وهي تقول: «آه، كويس إنك جيت يا سعيد!»

وهكذا، وجدت نفسي بين نارين، أو خلوتين .. أحلاهما مرا شرعان ما وجدت الحل، وسألتهما: «لحظة واحدة، إيه اللي بيحصل؟»

بدأ يتحدثان معًا، في آن واحد، فلم أتمكن من تمييز كلمة مما قيل، لذا أشرت لهما بالتوقف، لكن حماسهما واندفاعهما كان أقوى وأشد من إشارتي، لذا لم يتوقفا، لذا صرخت بصوت عال: «لحظة واحدة». صمنا ونظرا لي، مس مريم بدهشة، وأستاذ حسام بغضب. اضطررت للتدخل قائلاً: «إيه اللي بيحصل؟» وقبل أن ينبس أحدهما ببنت شفة، أضفت: «ومعلش، بعد إذنك يا أستاذ حسام، خلي مريم تتكلم الأول».

رمقتني بغضب، لكنه لم ينطق بكلمة، سامحاً لها بالتحدث، وهي الفرصة التي استغلتها من فورها، فقالت بصوت منقوع في الغضب: «أنا كنت قاعدة في حالي، براعي مدام شاهي، لقيت الباب بيخبط بهستيريا، لدرجة إني مفهمتش إيه اللي بيحصل، جريت زي

المجنونة فتحت الباب، ولقيت البيه عايز يدخل غصب عني! ولما حاولت أمنعه أو حتى أفهم منه إيه اللي حصل، صقم يدخل غصب عني، ينفع طيب؟»

بشكل لا إرادي، وجدت نفسي أجيبها: «لا مينفعش».

رفع حاجبيه بدهشة، واثسعت عيناه غضبًا، ثم سألني بصوت غاضب: «هو إيه اللي مينفعش؟»

ورغم التحدي الذي ظهر جليًا في صوته، إلا أنني وجدت نفسي أجيبه: «مينفعش حضرتك تدخل بيت فيه اتنين سيئات لوحدهم، مش أصول برضه، ولا إيه؟»

لم يكن سؤالي الأخير سؤالًا حقيقيًا، أو حتى بلاغيًا، وإنما كان تذكيرًا بالأصول التي لا يجب على أيّنا تجاوزها .. مهما حدث! فنحن (أولاد بلد) كما يقولون، ونعرف الصح من الغلط، لا شك في ذلك.

ويبدو أنه فهم التلميح، لأنه قال: «بس أنا مش مجنون عشان أتهم على شاليهات الناس، أنا بس عايز حاجتي وهمشي من هنا على طول، ويا دار ما دخلك شر».

سألته مريم بتحدّ: «حاجة إيه بقى إن شاء الله؟»

وهكذا وجدت نفسي ملزمًا بسؤاله: «أيوه حاجة إيه بقى إن شاء الله؟»

أجاب ببديهية: «مذكّراتي».

وهكذا وجدت نفسي أيضًا ملزمًا بإجابة سؤالها: «مذكّر ..». ثم

نظرت إليه ببلاهة وسألته: «مذكرات إيه؟»

أجابني ببديهة تامة: «مذكراتي اللي قُلتك إنها اتسرقت».

سألته مريم بغضبٍ شديد: «مذكرات إيه اللي اتسرقت؟ ومين هيسرق مذكراتك هنا؟ أنا ولا الست الغلبانة اللي جوا دي؟»

قال بغضبٍ مُماثل: «الست المشلولة؟ ليه وأنا عبيط؟ إنت أكيد اللي سرقتيها!»

اتسعت عيناها بشدة، ورأيث نيران الغضب تتأجج بداخلها وهي تصرخ: «وهسرقك ليه يا بني آدم؟ هعمل إيه بمذكراتك أصلاً؟ إنت فاكر نفسك مين؟»

اندفع نحوها، حتى اضطررت لمنعه بيدي برفق وهو يصرخ: «هتسرقيني عشان تذي المذكرات لشريكك، عشان يكلم بيها بنات، عرفتني هتسرقيني ليه؟»

نظرت لي لوهلة، ورأيث عشرات الردود في عينيها، قبل أن تنطفئ جذوة حماسها لاستكمال المعركة، وثنكس رأسها وهي تهزّه ببطء، قبل أن تأخذ نفساً عميقاً وتقول: «خُده وامشي يا سعيد لو سمحت، وفهمه إنه لو خبط عليا تاني .. هبلغ الشرطة».

ودخلت الشاليه وأغلقت الباب خلفها، لكن قبل أن تغلق الباب لمحت شاهيناز هانم خلفها، على كرسيها المُتحرك، تنظر لي بعينين واسعتين، مليئتين بالفرع، وتهز رأسها .. مسكينة، خافت من هجوم هذا الرجل المخبول، الذي أصابه انحسار الشهرة بالجنون المؤقت.

تأمل الباب المغلق للحظة، ثم قال: «شفت .. عشان تصدقني!»

أَمْسَكْتُهُ مِنْ مَرْفَقِهِ، فَسَارَ مَعِيَ دُونَمَا مُقَاوِمَةً، ابْتَعَدْنَا عَنِ الشَّالِيهِ قَلِيلًا، سَأَلْتُهُ بِرَفْقٍ: «يَنْفَعُ كَدًا؟»

أَجَابَنِي: «هِيَ الَّتِي سَرَقْتَنِي، أَنَا مُتَأَكِّدٌ».

سَأَلْتُهُ: «وَعَرَفْتَ مَنْ يَنْفَعُ؟»

أَجَابَنِي: «شَفَّطَهَا رَاجِعَةً مِنْ شَوِيَّةٍ مِنَ النَّاحِيَةِ دِي، نَاحِيَةِ شَالِيهِ كَرِيمٍ، أَكِيدُ كَانُوا يَتَّفَقُوا عَلَيَّ».

ابْتَلَعْتُ رِيْقِي بِصُعُوبَةٍ، عَجَبًا .. تَبْدُو مُهِمَّةٌ انْتِقَاءُ الْكَلِمَاتِ الْمُنَاسِبَةِ صَعْبَةٌ لِلْغَايَةِ فِي مَوَاقِفِ كَهَذِهِ، لَكِنَّهُ أَمْرٌ ضَرُورِيٌّ، لِذَا قُلْتُ: «مِنْ فَعَشٍ نَثَمُ النَّاسُ بِحَاجَاتِ زِي دِي مِنْ غَيْرِ دَلِيلٍ يَا أَسْتَازَ حُسَامٍ».

قَالَ: «بَسَ أَنَا ..».

قَاطَعْتُهُ قَائِلًا: «حَضْرَتُكَ دَا مَشْ دَلِيلٌ، مُمَكِّنُ تَكُونِ كَانِتٍ فِي أَلْفِ مَكَانٍ أَصْلًا غَيْرِ شَالِيهِ كَرِيمٍ بِيهِ، وَحَتَّى لَوْ كَانِتَ عِنْدَهُ .. دَا مَشْ مَعْنَاهُ إِنَّهَا سَرَقَتُكَ، مُمَكِّنُ كَانِتٍ بِتَزْوَرِهِ أَوْ بِتَطْلُبِ مُسَاعَدَتِهِ فِي أَيِّ حَاجَةٍ».

رَفَعَ حَاجِبِيهِ بِدَهْشَةٍ وَسَأَلَنِي: «حَاجَةُ زِي إِيهِ؟ وَلِيهِ مَطْلِبَتُهُاشْ مَنَّكَ؟»

سُؤَالٌ وَجِيهِ مِنْ شَخْصٍ مَجْنُونٍ!

أَجَبْتُهُ: «يُمْكِنُ رَاحَتُ تَشْرَبِ مَعَاهُ شَايٌ وَلَا حَاجَةَ».

قَالَ: «وَسَابِتُ الشَّتِّ الْمَشْلُولَةِ لَوْحْدَهَا؟ مِنْ غَيْرِ لَا أَدْوِيَّةٌ وَلَا حَاجَةُ؟»

أجبتة: «يَمَكِن كَانِت نايمة!»

لم يقتنع بإجابتي، التي لم أقتنع بها بدوري، وإنما أجبته بها (سد خانة) لا أكهرا

صمت للحظة، ثم قال: «بس أنا دلوقتي بقيت شبه مُتأكّد إن هي اللي سارقاني، وإلا اتفضل فسر لي بقى هي مش عايزاني أدخل الشاليه بتاعها ليه؟»

أجبته بقليل من الجدّة: «عشان مش من حقك تطلب حاجة زي كدا أصلاً يا أستاذ حسام، وأصلاً لو هي سرقتها منك .. هتخليها جوا الشاليه؟ معتقدش إنها غبيّة بالشكل دا، أكيد مخبّيها في مكان ثاني».

سألني بفضول: «تفتكر؟»

عرّفت أنني قد نجحت في شدّ انتباهه، لذا قلت: «حضرتك بتوق فيّا؟»

صمت للحظة، ورأيت النفي في عينيّ، لكن لسانه كذب حين قال: «أكيد يا سعيد».

ابتسمت له وقلت: «يبقى تسيبني أحقق في الموضوع، وأوعدك يتحل، ثِق فيّا».

تأمّلتني بشكّ للحظة، وقال: «هيق فيك».

ثم تركني ورحل نحو شاليهه دون أي كلمة أخرى.

لكنه لم يدرك أن فعلته، وإن اتّسمت بالحماسة الشديدة، قد نبّهتني

لشيءٍ مُهم .. شيء يتعلّق بكيس الخيش الذي وجدته في القمامة
منذ قليل!

وهكذا تحرّكت بخطواتٍ سريعة إلى عُرفتي مرّة أخرى، وقد
حسمتُ أمري!

(٢٠)

طرق الباب وانتظرت لحظة، طالت فنقد صبري، فطرقه ثانية حتى سمعت صوت خطوات بطيئة من خلف الباب، انتظرت لحظة أخرى، وكدت أرفع يدي لأطرقه مرة ثالثة، لكنه فُتح.

تأملني للحظة، ثم نظر إلى يدي المرفوعة، ثم خطا خطوة أخرى ونظر خلفي، تلقت حوله يمينًا ويسارًا وكأنه يبحث عن شخص آخر، أو شيء لم يحدث. ثم نظر لي مرة أخرى وقال: «نعم؟»

ابتسمت نصف ابتسامة، وأنا أنظر إليه، يرتدي الروب الخاص به، ويُغلقه بحزام بنفس اللون يلتف حول خصره كأناكوندا تعتصر فريستها، وسألته: «هو حضرتك مستني حد؟»

تلقت حوله مرة أخرى، وبدا وكأنه ينتظر أحدًا فعلًا، قبل أن يقول: «نعم؟»

لكن إحقاقًا للحق، قالها بطريقة مُختلفة عن سابقتها، لكنه ظل يتلفت حولنا وكأنه ينتظر أحدًا، وهو شيء مؤثر للغاية، سألته: «ممكن أدخل؟»

نظر لي للحظة، طالت حتى ظننت أنه لم يسمعني، وأخيرًا قال: «خير؟»

يلتزم هذا الرجل بقاعدة خير الكلام ما قل ودل حتى الرمح الأخير!

سألته مرة أخرى: «ممكن أدخل؟ محتاج أتكلّم مع حضرتك شوية».

تلّفت حوله ثانية، قبل أن يسألني: «بخصوص إيه؟»

سألته: «مش نتكلّم جوا أحسن طيّب؟»

نظر لي للحظة وقال: «بخصوص إيه؟ معتقدش فيه بيننا مجال لأي كلام أصلاً!»

أخرجت الكيس الخيشي من خلف ظهري، ورفعته أمامه ليواجهه، تأمله للحظة، قبل أن يجذبني من يدي للداخل، ويخرج برأسه من الباب مرّة أخرى ليتلّفت حوله مُجددًا، قبل أن يدخل ويُغلق الباب خلفه.

إضاءة مُعتمة، ليست مُظلمة بما يكفي لثخفي أسرار الموجودات، ولا مُضيئة لتكشف عن ستارها، بل مُعتمة بالدرجة الكافية لتمرح الظلال في ثناياها.

ورائحة مكتومة، خليط بين عدّة أشياء، خليط من قلة النظافة والمعيشة الذكوريّة، عرق سكن بعض الملابس القديمة حتى فاح، وعطن من عدم تهوية المكان بما يكفي.

وقشعريرة .. قشعريرة لا سبب لها اعترت جسدي بأكمله، خصوصًا عمودي الفقري بالكامل، شعرث بالشّعيرات الصغيرة التي تملأ ذراعي تنتصب، وجسدي يرتجف، والعرق البارد يملأ جبيني وجلدي بشكل غير معهود.

ومن خلفي، شعرث بحركة بسيطة، كادت تكون غير ملحوظة، التفث بشرعة ونظرث خلفي، ورأيته .. الأستاذ خليل حاتم. تبًا، لقد نسيته للحظة!

أوماً برأسه نحو الكيس الخيشي وسألني: «جبت الحاجة دي منين؟»

حاولت تماك أعصابي، والتظاهر بالثقة، وأنا أقول: «مش دا السؤال الصح .. السؤال الصح هو حضرتك رميت الحاجة دي ليه؟»
سألني بعصبية: «وهو فيه حاجة تمنع واحد يرمي شوية زبالة؟»
ابتسمت وفتحت الكيس وأخرجت القماشة المنقوعة في الدماء،
وسألته بثقة: «ودي برضه زبالة؟»

ورغم الإضاءة الخافتة، رأيته يرتعد، لكنها لم تستمر طويلاً، لأنه شرعان ما استعاد ثقته بنفسه وثباته وقال: «ولنفترض .. مش يمكن دايح؟ دايح فرخة أو خروف؟ مش يمكن اتعورت وأنا بنصّف؟»
فردتها بأطراف أصابعي، وسألته: «واللي بيتعور بيرسم حروف وطلاسم برضه؟»

سألني بجديّة: «إنت عايز إيه؟»

أجبتّه: «عايز أعرف إيه دا؟ عقل؟»

تأملني للحظة، ثم ابتسم ابتسامة اختفت بسرعة، وكأنه حرّمها على شفّتيه، قبل أن يقول: «عقل؟ هو إنت مفكرني إيه؟ دجال؟ ولا فاكر إني قتلت حد؟»

أصابت الكلمة الأخيرة شكوكي في مقتل، فسألته بسرعة: «ليه؟ هو حضرتك قتلت حد؟»

قال بعصبية: «إنت أكيد مجنون!» صمتٌ للحظة، ثم أضاف: «لو

عندك شكّ إني قاتِل حد، روح بَلِّغ الشرطَة، وساعتها هتكلّم معاهم،
لكن إنت .. هتكلّم معاك ليه؟»

أجبتّه: «أنا مش عايز حضرتك تتكلّم معايا! أنا عايز أعرف حضرتك
بتعمل إيه بالحاجات دي، وليه رميتها وخلصت منها؟»
أخذ نفسًا عميقًا، ثم قال: «هواية».

سألته: «نعم؟»

كزّر كلمته: «هواية، دي مُجَرَّد هواية! أنا بحب أقرأ في السحر،
وبحب أقرأ عن الحياة بعد الموت».

سألته بدهشة: «وهو فيه حياة بعد الموت؟»

قال وهو يرفع كتفيه: «عندك دليل إن مفيش؟»

أجبتّه: «لا، السؤال الصح، حضرتك عندك دليل إن فيه؟»

أوما برأسه إلى الكيس، وقال: «أديني بحاول وبجُزّب».

لم يُقْنِعني الكلام، لأنني أعرف يقينًا أنه لا حياة بعد الموت،
فالكلمتان مُتضادّتان، والتضاد واضح .. لا ريب فيه! لكنني رأيت
غرابَة أطواره، ورأيت الدماء على منديله، وكتاب السحر الذي ألقاه،
لذا قَرَرْتُ التظاهر بأنني أصدّقه، ولم أحاول مُجادلته، فلا أعتقد أن
مُجادلة غريبِي الأطوار شيء يجب فعله.

سألته: «وحضرتك بالحاجات دي قدرت توصل لحاجة؟»

ابتسم ابتسامة غامضة وقال: «دي حاجات مبتتحكيش، يعني لو
قُلتك إني عملت طريقة للتواصل مع حدّ ميّت، ونيّمت حلمت بيه،

يبقى جالي عشان الطريقة دي نجحت؟ ولا عشان عقلي الباطن مشغول بيه وبالتالي جالي في أحلامي؟»

فكرت فيما قاله للحظات، قبل أن أقدر أن الأمر يفوق مستوى قدراتي، وربما هذا مقصود تمامًا كي يُربكني ويشتت أفكاري، لكن قبل أن أستجمع شتات نفسي، سألني: «بتسأل ليه؟ عندك حد ميت عايز تتواصل معاه؟»

نظرت له للحظة، ثم قلت: «ومين فينا الموت مخدش منه عزيز؟» أخذ نفسًا عميقًا وقال: «بس عزيز عن عزيز يفرق، فيه عزيز ديته شوية زعل ونسيان، وفيه عزيز بيسيب جوانا جرح مبيدبلش».

تأملتني للحظة، ثم قال: «واضح إنك غاوي مُسلسلات عربي».

سألته: «ولو ليّا عزيز .. أقدر أكلّمه بعد ما يموت؟»

أشار بإصبع نحيل إلى قطعة القماش، وقال: «لازم يبقى بينكم صلة، ويُسْتَحْسَن تبقى دم عشان تقدر توصل له».

بضيت لقطعة القماش وسألته: «يعني دا دمك؟»

جذب كمّ الروب بعيدًا عن معصمه، كاشفًا عن جرح مُضَقَّد وقال: «ممكن». ثم أعاد كمّه إلى مكانه قبل أن يتسنى لي النظر إليه بترؤ.

سألته: «حضرتك كنت بتحاول توصل لحد من دمك، حد ميت، وعملت كل دا عشان توصله، صح؟»

أخذ نفسًا عميقًا، ثم قال: «ولو صح .. هيفرق معاك في إيه؟»

أجبت: «مش هيفرق معايا في حاجة، بس ممكن يفرق مع حضرتك

لو حكيت».

سألني: «تفتكر لو حكيت .. حاجة هتتغير؟»

«ممكن، وممكن لأ. بس الأكيد إن حضرتك مش هتخسر حاجة».

سار حتى نافذته، فتحها سامحًا لضوء الشمس بالتسلل إلى شاليهه
المُظلم، ونظر إلى البحر القريب، وقال: «هناك .. عند ظهر الحوت».

اقترب منه، ونظر ث إلى ظهر الحوت من فوق كتفه، وفكر ث في
سؤاله، لكنني شرعان ما قرّرت أن أتّك له مساحته ليشغر بالراحة،
وهذا ما حدث، لأنه قال: «من كام سنة، كنت هنا مع مراتي وبنتي،
وغفلت عن بنتي ثانية .. الموج كان عالي، والسحب كان أقوى منها،
المية سحبتها في ثانية، ومشفتش لها أثر، دؤرنا كثير .. وعملنا
كل حاجة .. بس خلاص، اللي البحر بيكلبش فيه، مبيسيبوش غير
بالموت».

سألته بهدوء: «ملقيتوهاش؟»

هزّ رأسه، ومدّ يده ليمسح دمعة لم أرها لأنه يوليني ظهره، وقال:
«مقدرتش أتخطي، بس مراتي قدرت، وسابتني لما لقتني واقف
مكاني، مكنتش قادر آجي هنا .. قعدت عشر سنين مش قادر .. لحد
السنة اللي فاتت، قدرت آجي تاني، وأفّتح الشاليه، وأقعد فيه».

أخذ نفسًا عميقًا، ثم قال: «إمبارح كانت سنويتها العاشرة، ومن
غير ما أحس لقيت رجلًا خدّني لهنّاك .. عند ظهر الحوت .. وقعدت
أتكلّم معاها، ساعة كاملة بتكلّم، ورجعت عملت اللي إنت شايفه دا،
ونمت».

سألته: «وحلمت بيه؟»

دار ورأيث عيتيه، مليئتين بالحزن، مسح دموعه وقال: «أول مرة أحلم بيه من عشر سنين!»

ابتسمت وقلت: «يعني الطريقة نجحت؟»

هز رأسه وقال: «معرفش .. معرفش صدقني .. بس كانت واحشاني أوي».

اقترب منه وحاولت احتضانه، لكنه أبعدني عنه برفق وقال: «ممكن تسبني لوحدي؟»

سألته: «مُتأكّد؟»

مسح دموعه في كم روبه، وقال: «سبني لوحدي».

اتجهت نحو الباب، لكنه أمسك بالكيس، وقال: «سب دا».

نظرت للكيس للحظة قبل أن أتخلّى عنه، وأنا أسأله: «مُتأكّد؟»

قال: «وحشتني .. وحشتني أوي».

ترك الكيس وفتح الباب وخرجت، خرج خلفي، وناداني قائلاً: «سعيد».

نظرت له، فقال: «شكراً، بس اللي حصل هنا ميخرجش من هنا من فضلك، مش عايز حد يعرّف عني حاجة».

ابتسمت وهزرت رأسي، لكنني لم أنبس ببنت شفة، لأنني لو نطقت حرفاً واحداً .. لبكيث دهرًا طويلاً!

أخذت نفسًا عميقًا وتحركت قبل أن أبكي أمامه، وقزرت .. قزرت
أن أتركه لأحزانه وألا أزعجه مُجددًا!

فالرجل فيه ما يكفيه!

وهكذا تركته وانطلقت، سمعت صوت إغلاق الباب من خلفي،
لكنني لم أهتم، فقد كنت في طريقي إلى غرفتي.

أحتاج للانفراد بنفسي قليلًا!

قرّرت أن أبدأ يومي بوجه حسن، لذا عندما استيقظت من نومي، ارتديت ملابس بشرة، وخرجت تاركا قدماي تقوداني إلى وجهتي دون كثير من التفكير، طرقت الباب وانتظرت للحظة، هذه المرة لم أشعر بالاستعجال لأطرقه مرة أخرى، وهكذا انتظرت حتى سمعت صوت الخطوات المكتومة من خلف الباب.

ابتسمت لما رأيته، فتهللت أساريري لرؤيتها، قالت: «إزيك يا سعيد؟ إيه الزيارة اللطيفة دي؟»

ابتسمت وقلت: «إزيك يا مس مريم؟ عاملة إيه؟ قلت آجي أتطمّن عليكى وعلى مدام شاهيناز».

«إحنا تمام والله، هي لشه نايمة، الأدوية بتخليها تصحى متأخر شوية، بس هي تمام الحمد لله».

«الحمد لله، ربنا يطمّنك عليها ويجازيكى خير».

ابتسمت بخجل وقالت: «على إيه بس؟ دا شغلي».

«الله يجازيكى خير».

اكفهر وجهها لحظة، قبل أن تقول: «إوعى تكون جاي عشان الراجل المخبول دا؟»

ابتسمت لوصفها، قبل أن أقول: «هو آه، بس مش زي ما انت فاهمة».

ذهب لطفها أدراج الرياح وهي تسألني بجدية غير مناسبة لبراءة

ملامحها: «أمال فيه إيه؟ قلقتني!»

اثسعت ابتسامتي في محاولة خرقاء للتهدة من روعها، وقلت: «هو أنا جاي أعتذر لك ولمدام شاهيناز عن اللي حصل، وأوعدكم إنه مش هيتكرّر تاني».

قالت بغضب: «دا راجل مجنون، مذكّرات إيه اللي هسرقها منه؟ قسّمًا بالله لولا مدام شاهيناز مش حمل قلق كنت طلبت له الشرطة، ونروح هناك بقى نشوف هل فعلاً فيه مذكّرات واتسرقت، ولا هو كان عايز يتهجم على اتنين ستات عايشين لوحدهم».

تردّدت للحظة، ثم قلت: «هو عنده مشكلة إنه تقريبًا بينسى أو حاجة، لأن دايقًا فيه حاجات بتختفي من الشاليه بتاعه، وهو عنده مشاكل قديمة مع المُعجبين، عشان كدا موسوس شويّة».

قالت في شموخ: «لا، المفروض يبقى عنده نظرة هو بيكلّم مين وبيكلّمه إزاي».

«هو مش قصده والله، بس حضرتك عارفة إن اللي إتلسع من الشورية بينفخ في الزبادي يعني».

أجابتنني فورًا: «لا، هو أي حدّ بينفخ في الزبادي مجنون، حتى لو كان إتلسع من الشورية قبلها، وحتى لو كان عنده مشاكل .. فإحنا مش مُجبرين نتحقّلها ولا ندفع تمنها أبدًا».

قلت في اقتناع: «عندك حق، بس هو الموضوع مش كدا والله، هو بس أنا اتكلّمت معاه وفهمته إن أي حاجة بعد كدا هيكلّمني أنا، وأنا هتصرّف».

وضعت يديها في خصرها بتحد، وقالت: «وانت هتتصرف إزاي بقى؟ هتحقق معايا؟ ولا عايز تدخل تدور إنت كمان؟»

أشرت لها بيدي كي تهدأ قليلاً، وقلت: «حلمك عليا بس يا مس مريم، مش قصدي والله أبداً، أنا اتكلمت معاه بعد ما مشينا من عند حضرتك، وقلت له إني هدور له على مذكراته، لأنها غالباً ضايعة هنا ولا هنا زي كل مرة، وخذت منه وغد إنه مش هيتعرض لحضرتك ثاني خالص».

سألتني، وقد هدأت قليلاً: «هو متعود على كدا؟»

أجبتها: «مش موضوع متعود، بس هو كل فترة بيضيع حاجته ويقعد يدور عليها».

سألتني بدهشة: «وانتم بتعملوا إيه في الموضوع دا بقى؟»

أجبتها: «بنفتح تحقيق في الموضوع، ونفضل نحقق لحد ما يلاقي حاجته، وخلص على كدا».

سألتني: «ومفيش ولا مرة دخل الشرطة في الموضوع؟»

هزئت كتفي وقلت: «لا، كل مرة بتنتهي ودي، بس هو المرة دي مهدد هيكلم الشرطة».

قالت بغضب: «يعمل اللي عمله بقى». ثم فكرت للحظة، قبل أن تقول: «بس رأيي، إن طالما الموضوع بيتكرر، مالوش داعي ندخل الشرطة في الموضوع». صمتت للحظة، ثم أضافت: «على الأقل دلوقتي».

أجبثها: «أنا برضه رأيي من رأيك، وقلت آجي أطمّنك إنه إن شاء الله مش هيتعرّض لحضرتك ولا لمدام شاهيناز مرّة ثانية».

«يُستحسن، لأن المرّة الجايّة مش هفوّتها».

ابتسمت وقلت: «متقلقيش خالص، بعد إذنك».

واستدرت مُستعدّا للرحيل، لكنها نادتنى بلهفة: «سعيدا»

استدرت ونظرت إليها مرّة أخرى: «إيه يا مس مريم؟ حضرتك محتاجة حاجة؟»

ابتلعت ريقها بصعوبة، ورأيث اللون الأحمر يزحف ليحتلّ وجهها، وهي تُحاول تجميع الحروف اللازمة لتكوين كلمات، ثم ترتب الكلمات المطلوبة لإنشاء جمل، قبل أن تقول بصوت مُختنق: «أنا آسفة».

شعرت بالدهشة، فسألتها: «على إيه؟»

تردّدت للحظة، ثم قالت: «عشان كلّمتك بطريقة مش كويسة يوم قطع الكهرباء، أنا عارفة إن ملكش ذنب في أي حاجة، أنا بس ..». صمّت للحظة، قبل أن تُضيف: «أنا بس كنت قلقانة على مدام شاهي، عشان كذا كنت متوتّرة أوي».

ابتسمت لها وقلت: «ولا يهملك، أنا مقدر جدًا».

لمست كتفي وهي تقول: «أتمنى متكونش متضايق مني والله».

ارتعد جسدي للحظة للمستّها، وأنا أقول، محاولًا التظاهر بالعبات: «والله لا، أنا كنت ناسي أصلًا».

ابتسمت لي ثم عادت للشاليه، وقبل إغلاق الباب، قالت: «شكراً يا سعيد».

استغرقني الأمر بضع لحظات ليستعيد مُخي قدرته على ضخ الدم في بقية أعضاء جسدي، ومقدرته على إرسال الأوامر لأطرافي، قبل أن أتحرك من مكاني، وأتحرك بشكل تلقائي، دون أن أستعيد عافيتي الذهنية بشكل كامل.

وصلت إلى شاليه كريم بيه، الذي جلس، كعادته، في حديقته، وهو يضغط أزرار اللاب توب الخاص به بسرعة وإتقان، وقفث بالقرب منه وتنحنحت لأجلو خلقي، فانتبه لوجودي، رفع عينه عن الشاشة ورآني، فقال: «أهلاً سعيدة، تعالى ادخل».

دخلت وجلست أمامه، دون إذن هذه المرة، إذ أعتقد أن علاقتنا قد توطدت بما يكفي، مع حفظ المكانة والفارق طبعا، ابتسم وسألني: «أي رياح طيبة جاءت بك يا فتى؟»

تلثت حولي، ثم قلت: «لا، أعتقد الجو النهاردة حلو شوية، مفيش رياح ولا حاجة يعني».

قهقه ضاحكاً وقال: «والله دمك خفيف، إوعى تتغير».

لم أفهم مقصده، لكنني تظاهرت بالابتسام بدوري، وجلست في صمت، عاد للعمل على جهازه لعدة دقائق، وهو يقول بغير تركيز: «ثواني وهبقي معاك».

تمتمت بصوت مكتوم: «ولا يهملك، خد وقتك يا كريم بيه».

مرت دقائق بطيئة، قبل أن يُغلق شاشة جهازه ويقول: «قعدتك

بتقول إنك عايز حاجة، قول يا بطل».

توثرث قليلاً، قبل أن أقول: «هو يعني .. الموضوع .. بُص .. أنا بس عايز أقول .. هو الموضوع ..».

ابتسم وقال: «متفكرش، قول اللي في قلبك على طول».

أجبتة: «هو بس .. أنا نفسي أبقى زي حضرتك».

رفع حاجبيه في دهشة وسألني: «تبقى زي إزاي يعني؟»

أجبتة: «يعني أتكلم وألپس زي حضرتك، ويبقى ليا أصحاب بنات كتير، وأبقى حد الناس بتحترمه».

ابتسم وقال: «معنى كلامك إن حصل حاجة فيها قلة احترام ليك، تجب تحكيلي؟»

قصصث عليه كل شيء، بدءاً من الإضافات العشوائية وحتى المنشور القاسي الفسيء، فابتسم وقال: «بُص .. دا مش معناه أبداً إنك حد قليل أو مش مُحترم، بالعكس تماماً، فيه بعض الناس بيبقى معاهم فلوس ووجاهة ووضع اجتماعي لكن مفيش عندهم لا ذوق ولا أخلاق، وخليك عارف كويس أوي إن الناس دي منظر وفلوس على الفاضي، في الآخر .. السيرة اللي بتبقى».

احتقن وجهي وقلت: «بس أنا حاسس بإهانة كبيرة، خصوصاً يعني إن ليلي مُمكن تشوف المنشور يعني».

أجابني: «هو مش مُمكن، هي أكيد هتشوفه، بس هي لو بتحبك زي ما إنت بتحبها، أو على الأقل فيه مشاعر .. هتضحك على سطحية

اللي كاتّب البوست، الفهم يعني .. أنا مش عايزك تشغل دماغك بالموضوع دا خالص».

سألته: «هل فيه طريقة مُمكن نشيل بيها المنشور دا؟»

قال: «فيه طريقتين، أولاً مُمكن نعمل Remove Tag من البوست عشان الاكونت بتاعك يتشال منه، وبعدين مُمكن تعمل Report على الصورة، وتقول إن الشخص دا مستخدم صورتك بدون إذنك، وكام يوم وهيتشال، الموضوع بسيط أوي يعني».

همست له: «الله يريّح قلبك». ثم تأملت هاتفى للحظة، قبل أن أقول: «طيّب مُمكن ..».

مذّ يده وأمسك الهاتف قائلاً: «مُمكن جدّاً». انهمك في الضغط على عدة أشياء، وكتابة بضع كلمات، قبل أن يُعطيني الهاتف ويقول: «يومين، وكل حاجة هتبقى زي الفل».

شكرته بإيماءة من رأسي، وبضع كلمات غير مفهومة قيلت بصوت غير مسموع، قبل أن أقول: «طيّب ومُمكن حضرتك تعلّمني أبقى زيّك؟»

ابتسم وقال: «هي مش حاجة حدّ بيتعلّمها، بس مُمكن أقولك شوية نصايح يعني، بُص يا سيدي ..».

تركته ورحلت، مُحَمَّلًا ببعض النصائح والتعليمات، ومُثَقَّلًا بضرورة التحدث مع ليلي في موضوعات مُعَيَّنة، بعد أن نَبَّهني لعدَّة ملاحظات، مثل أهميَّة عدم استباق الأحداث، أو الإفراط في التحدث عن أمور شخصيَّة للغاية، أو عدم إبداء الاهتمام الكافي، وكذلك ضرورة تركها تتحدث حتى تكتفي، وأن أكون مُستمعًا جيّدًا وأنصت لكل ما لديها من كلام.

سِرْتُ في أروقة القرية، أثناء تنفيذي لروتيني المعتاد، الذي كُنْتُ قد انشغلت عنه خلال الأيام الماضية، بعد أن أثقل التحقيق في الجريمة كاهلي، فقَرَرْتُ اليوم التجوّل بين الشاليهات وفي شوارع القرية في محاولة للتفكير بشكلٍ كافٍ، وفي نفس الوقت إراحة ضميري بتلك الجولة القصيرة، قادتني قدماي إلى ذلك الشاليه ذي النافذة المُضيئة، الذي لفت نظري يوم اكتشاف الجُثَّة.

ولأنه شاليه على أطراف القرية من الناحية الأخرى، بعيد كل البعد عن الشاليهات المأهولة والمسكونة، فلم يَكُن حوله أي شاليه من أي ناحية فيه أي ساكن من أي نوع، ويبدو أن عقلي - الغارق في التفكير - انتبه لتلك الملحوظة الهامة، فأُتي بي إلى هنا.

لكن المُهم الآن، أن كل الأفكار توارت جانبا، وأبَت الظهور مرَّة أخرى، في اللحظة التي تسَلَّت فيها تلك الرائحة الكريهة إلى أنفي، لم تَكُن رائحة عفن، أو قَلَّة نظافة، أو أي شيء من هذا القبيل.

بل كانت رائحة الموت!

انقبض أنفي، حتى إنني مددت يدي بشكلٍ تلقائيٍّ لأسدّه، في محاولةٍ بائسةٍ لكتم أنفاسي، أو لمنع تلك الرائحة من التسلّل إلى روحي، فكلّ الروائح تزور الأنوف .. إلا رائحة الموت، تلوّث النفوس والأرواح.

اقتربث من الشاليه، وأنا أرفع كوفيّتي الصوف الحمراء إلى أنفي، ذرت حوله، متأملاً نوافذه المغلقة وستائرهما المُسدّلة، حتى وجدت نافذة عارية، بلا ستارة أو غطاء يسرّ الموجودات خلف زجاجها.

اقتربث، مُقاوِماً الرائحة الكريهة، ونظرث منها، وأمام عيني.. وجدت الشاليه يعجّ في حالةٍ من الفوضى. وكأنه عبارة عن لعبة صغيرة، انتهى طفل مُصاب بفرط الحركة من اللعب بها. فلا شيء في مكانه، ولا شيء في موضعه.

الأرائك مقلوبة رأساً على عقب، منهوشة الأحشاء، وقطنها مُتناثر حولها بشكلٍ عشوائي. أما طاولة الطعام فساقطة على جانبها، وزجاجها مُتهشّم بغُف. ناهيك عن المزهريات والفايزات التي تهشّمت وتناثرت ورودها - الطبيعية منها والصناعية - في أرجاء الغرفة.

كما رأيت مجموعة من الأخشاب المُهشّمة متكومة فوق بعضها البعض؛ وأدركت بعد نظرة سريعة أنها كانت طاولة قهوة سيئة الحظ. ناهيك عن لاب توب - من ماركة شهيرة باهظة الثمن - انقسم إلى قسمين مُنفصلين تماماً. وكذلك سقطت الثريّا أو النجفة المُعلّقة بالسقف لتتهشّم أرضاً.

لكن كلّ هذا لم يكن الشيء الذي جعل قلبي يتوقّف عن النبض للحظة، بل شيء آخر.

فرغم تلك الفوضى العارمة، والأشياء الفتنائية، وكل شيء .. إلا
أنها كانت الشيء الوحيد الذي نجح في سلب لُبي وجذب انتباهي،
حيث استلقت وسط الصالة، وكأنها نجمة هذا العرض الفوضوي من
الخطام، بلا حراك!

وسط كل شيء .. استلقت جُتّة!

لكنها لم تكن جُتّة الدكتور المفقودة .. بل جُتّة سيّدة!

سيّدة مجهولة!

فكّرت في الذهاب إلى المستر خالد من فوري، لكن عقلي شرعان ما
أمرني بالتروّي قليلاً، إذ إنني لم أتأكد بعد من حقيقة إخفائه للجُتّة
الأولى، ومن المُمكن أن أخبره، فيُرسّلي للقيام بشيء ما، ثم أعود
لأجد الجُتّة قد اختفت مثل سابقتها تمامًا.

لكن حقيقة كهذه أكبر من قُدرتي على الاحتمال، ولا يُمكنني
الاحتفاظ بها لنفسِي، لذا فكّرت بسرعة فيمن يُمكنني الذهاب إليه
بمثل هذه المُصيبة السوداء، وهكذا بدأت أحضر اختياراتي..

- الأستاذ حُسام كامل، المُثُل، الذي هَدّني من قبل بالمعلومات
التي أخبرته بها.

- مس مريم، لكنها أرقّ وألطف من معرفة مثل هذه الحقيقة.

- الأستاذ خليل حاتم، أعتقد أن الحزن أثقل كاهله بما يكفي لأثقله
بمثل هذه الحقيقة.

وتركني هذا أمام اختيار واحد، الشخص الوحيد الذي أثق فيه بالدرجة الكافية لآتمنه على هذا السر، لذا أسرعث إلى شاليهه دون لحظة أخرى من التفكير، وما إن وصلت، حتى لاحظ أنني لست على ما يُرام.

ابتسم بقلق وسألني: «مالك يا سعيد؟ حد ضايكك تاني؟»

حاولت الإجابة على سؤاله، لكن حلقي الجاف منعني من التحدث بأي لغة مفهومة، لذا حاولت مرة أخرى: «لا، بس فيه مُشكلة».

سألني بمزيد من القلق: «مُشكلة إيه؟ خير؟»

ترددت للحظة، ولم أقوَ على الإجابة، فتابع قائلاً: «ثِق فيا شوية، قولِي».

أخذت نفساً عميقاً، قبل أن أقول: «لقيت جُثة».

قهقه وقال: «ما إنت حكيّلي يا سعدة قبل كدا! إيه؟ نسيّت ولا إيه؟»

ابتلعت ريقِي بصعوبة وقُلت: «لا .. جُثة تانية».

نهض من مكانه بدهشة، واثسعت عيناه بشدة وهو يقول: «إيه؟ جُثة تانية؟ فين؟»

ابتعد عن النافذة وهو يُغلق أنفه بشدة، وقال: «دي جُثة فعلاً، ومن منظرها كدا .. بقالها كام يوم أصلاً».

سألته: «يعني ماتت يوم الجُثة التانية؟»

هز كتفيه وقال بصوت مكتوم: «حقيقي معرفش، أنا مش دكتور شرعي، والجئة مش أدامي عشان أحكم، بس هي باين إن بقالها كام يوم فعلاً».

«طيب حضرتك تقترح إيه؟»

«أقترح إيه؟ إنت بتهزّر؟ إحنا لازم نبّلع الشرطة!»

أجبتة بقلق: «بس عشان نبّلع الشرطة، لازم أقول للمستتر خالد الأول، و حضرتك أكيد فاكر اللي حصل أول مرّة».

«تفتكر هيخبّي الجئة دي كمان؟»

«تفتكر لأ؟»

«طيب والعمل؟ مينفعش نسكت على وجود جثتين يا سعيد!»

فكرت للحظة، ثم قلت: «طيب بس المرّة دي الوضع مُختلف، الجئة جوا شاليه، فممكن حضرتك تديني يوم ولا حاجة أعرف اسم صاحب الشاليه».

«وبعدها هتبّلع الشرطة؟».

«غالبًا لأ، بس بعدها هعرف إزاي هتصرف».

«إنت مجنون؟ إنت كدا هتوّدّينا كلنا في داهية يا بني آدم».

فكرت للحظة، ثم قلت: «حضرتك عندك حق، بس أنا عندي فكرة».

صاح بي: «فكرة إيه؟ إنت لسه هتفكر وتقول أفكار؟»

«أنا عايز حضرتك تحق فيّا وتسمعني، وبعدها قرّر هتعمل إيه».

«إتفضل .. قول».

«ينفع أطلب منك حاجة صعبة شويّة؟ بحكم شغلك يعني .. أظن
إنك هتبقى قادر تعملها بسهولة».

نظر لي بدهشة للحظة، ثم سألني: «إنت بتفكر في إيه؟»

أخذت نفسًا عميقًا وأجبته: «هقول لحضرتك».

وبدأت أشرح له كل شيء.

طرقْتُ على باب غرفة المُستَر خالِد برفق، وانتظرتُ قليلاً.

عَرِفتُ أنه سَمِعني لأنني أراه بوضوح، مثلما يراني، عبر باب مكتبه الزُّجاجي الشَّفّاف. جلس خلف مكتبه، مُنهمكاً في مُراجعة بعض الأوراق، وحساب بعض الفواتير، وكتابة بعض الملحوظات في دفترٍ خارجي.

انتظرتُ للحظة أخرى، ثم طرقْتُ الباب مرّة أخرى، فصاح في نفاذ صبر: «لحظة واحدة».

انتظرتُ حتى انتهى من الكتابة، وأخذ نفساً عميقاً، ثم قال: «ادخل».

بفجَرْد أن وطئت قدمي أرض مكتبه، حتى صاح بغضب: «إيه يا بني آدم؟ مش شايفني مشغول؟»

قُلْتُ مُعتذراً: «أنا آسف والله، بس الموضوع مُهم ومينفعش يتأجل».

قال بغضب: «ما هو آه، وإنت يعني هتجيلي بخبر حلو؟ ما أكيد هتجيلي بفُصيبة ثانية».

أجبتُه بصوتٍ خافت: «هي فعلاً مُصيبة، بس مش عايز حضرتك تقلق أو تتخَض من فضلك».

ضرب بيده على سطح مكتبه، وقال بغضب: «إخلص يا ابني، أنا مش ناقصك».

أشرت له أن يهدأ قليلاً، وأنا أقول: «ممكن حضرتك تهدأ شوية، وتأخذ دوا الضغط الأول؟»

وقف في مكانه وهو يقول: «هو بونبوني هأخده في أي وقت؟ ما تخلص يا بني آدم!»

أجبتة: «ممكن حضرتك تهدأ وتتقعد طيب وأنا هشرح لك كل حاجة؟»

جلس وهو يزفر بضيق وقال: «اللهم اخزيك يا شيطان، أديني قعدت أهو، لقا أشوف آخرتها معاك».

أخذت نفساً عميقاً، وقُلت: «هو أنا كنت بلف في القرية، عشان أتابع الدنيا يعني، وبعدين ..».

سألني بنفاد صبر: «وبعدين إيه؟ إخلص؟»

«وبعدين لقيت جُتة تانية، جُتة ست المرة دي، في شاليه من الشاليهات الفاضية».

«نهار أبوك أسود! أنهي شاليه فيهم؟ وعملت إيه؟»

«الشاليه رقم «١١»، وجيت أقول لحضرتك على طول».

«حد تاني عرف بالمُصيبة دي غيرك؟»

«الصراحة ..».

دفن وجهه بين كفيه، وتنهد للحظة وقال: «قُلت لمين تاني؟»

أخذت نفساً عميقاً، قبل أن أقول: «كريم بيه».

قاطعني بضيق: «كريم بيه مين؟»

أجبتة: «كريم بيه الحانوتي!»

سألني بدهشة: «حانوتي؟ قصدك أستاذ كريم رجل الأعمال؟»
«آه، هو».

«خليته حانوتي؟ وبعدين .. مش وقته، مش وقته! قُلتله ليه؟»

«حشيت إني عايز أقول لحد، ويمكن مفكرتش كويس من الخضة
بس».

«وبعدين؟»

«ولا قبلين!»

«يعني إيه؟ قُلتله وسلمتوا على بعض وكل واحد راح لحاله؟ إنت
عبيط يا ابني؟»

أجبتة: «لأ مش قصدي، قصدي قُلتله وكان عايز يبلغ الشرطة،
بس أقنعه يديني يوم أو اتنين لحد ما نعرف صاحب الشاليه بس
وبعدين نتصرف».

«وهو وافق على الفكرة العبقريّة دي؟»

أجبتة بدهشة: «آه».

دفن وجهه بين كفيه مرّة أخرى، وقال: «متخلف!»

سأله ببراءة: «كريم بيه؟»

أجابني بغضب: «لأ إنت! إنت! أنت متخلف!»

شعرتُ بالدهشة، لأنني لم أفهم قصده من الوهلة الأولى، لذا سألته:
«طيب ليه؟ مُمكن حضرتك تفهمني؟»

نظر لي بدهشة للحظة وقال: «إنت عشان اتكلمت معاه شوية
بقيت صاحبه خلاص؟ يا ابني فوق لنفسك! الناس دي مش شبّهنا!
ولا غمرك هتبقى شبّههم! إنت غلبان يا سعيد .. غلبان ومش شبّههم
ولا زئهم عشان يخافوا عليك ويحموك!»
أجبت بدهشة: «بس كريم بيه ..».

قاطعني بضربة قويّة على سطح المكتب وصاح: «يا ابني إفهم!
إنت بالنسبة لهم نمرّة .. فقرة .. بيتسلّوا بيك! إوعى تصدّق إنك
صاحبه أو إنه صاحبك! إنت يدوب فرد أمن غلبان .. وغالبًا هو اللي
قتلهم وبيستغلّ سذاجتك عشان يلبّسك اسود».

«يعني إيه؟»

«يعني هيفيّر مكان الجئة دي، بالظبط زي ما عمل مع اللي قبلها،
وبعدين هيقتلك .. أو هيخط الجئة في أوضتك ويبلغ عنك يا
حبيبي! إنت كدا خلاص .. زحت مع اللي راحوا».

اعترتني الدهشة، وشعرتُ بالخوف يُحكّم قبضته القويّة على قلبي
الوجل، ارتعدتُ قليلًا وقُلت بصوت مُنكسر: «بس .. لأ .. كريم بيه
غمره ما يعمل فيّا كدا .. لأ!»

«إنت هتعمل فيها صاحبه؟ يا ابني فوق لنفسك بقي!»

«طيب حضرتك شايف إيه؟»

قال وهو ينهض من مكانه: «تعالى .. هنروح للمكان، وأعتقد ..
أعتقد إننا هنروح مش هنلاقي الجُفَّة برضه!»

تمتمت بصوت مكتوم: «إن شاء الله لأ».

قال: «إذيني ثواني، هدخل الحَقَّام وبعدين نتحرَّك على هناك على طول».

سألته: «طيب مش هنبَلِّغ البوليس؟»

أجابني وهو يتجَه نحو دورة المياه الفُلحقة بمكتبه الصغير: «مش
لو رُحنا ولقينَا الجُفَّة؟»

دخل دورة المياه وأغلق الباب خلفه، وما إن تأكَّدت من إغلاق
الباب حتى تحرَّكت لدفتر بعينه، فتحتُه وبحثت وسط محتوياته
للحظة، حتى عثرت على مُبتغاي، سَمِعَتْ صوت مياه الطرد، فأغلقْتُ
الدفتر وأعدته إلى مكانه، وغدت بدوري إلى مكاني.

أغلق سَحَاب بنطاله، وقال: «يلاً بينا؟»

ما إن اقتربنا من الشاليه رقم «١١» حتى رأينا كريم بيه يقترب من
الشاليه، يتلَقَّت حوله كاللصوص، مُلْتَم بقناع أو كِمَامَة سوداء، ويرفَع
قبعة شترته الـ (هودي) لِيُغْطِي بها رأسه، يُمَسِّك بيده حقيبة صغيرة
بها عدَّة أشياء لم نعرف كُنْهها من هذه المسافة البعيدة.

أَمَسَّكَ الْمُسْتَر خَالِد بيدي وقال هامساً: «شفت .. مش قُلتك
هيليْبَسْكَ!»

ابتلعت ريقى بصعوبة، وكدت أعتري له أن كريم بيه لم يفعل شيئاً سوى مُساعدتي، فقد طلبت منه مُساعدتي عن طريق نقل الجُثة من مكانها بشكل مؤقت، إلى مكانٍ لا يعلمه سوانا، أنا وهو، خوفاً من اختفائها هي الأخرى.

لكن لماذا لم يستجب كريم بيه لطلبي على الفور؟ لماذا تأخر لهذه الدرجة؟ وماذا تحتوي تلك الحقيبة الصغيرة التي يقبض على مقبضها بأصابعه؟

هل يُخطط لشيء آخر لم يُريدني أن أعرفه؟ أم ثراه يُخطط لوضع بصماتي أو شيء من حاجياتي بجوار الجُثة؟

أعرف أنني من طلب منه تحريك الجُثة، وأنه مشكوراً قد استجاب لطلبي، رغم أنه غير مُلزم لإطاعتي.

لكنه تأخر، فلماذا؟ هل دخل إلى الشاليه ليُزيل آثاره؟ أم أنه ذهب إلى شاليهه طوال هذا الوقت ليقوم بشيء آخر؟

ساورني الشك في كريم بيه على الفور، فمماطلته مُثيرة للشك، حقيبتة مُثيرة للشك، طريقة ارتدائه لتلك الملابس مُثيرة للشك!

وكلمات المُستر خالد تآبى الخروج من رأسي!

إنت عشان اتكلّمت معاه شوية بقيت صاحبه خلاص؟ يا ابني فوق لنفسك! الناس دي مش شبهنا! ولا غمرك هتبقى شبههم! إنت غلبان يا سعيد .. غلبان ومش شبههم ولا زيهم عشان يخافوا عليك ويحموك!

ابتلعت ريقى بصعوبة، وقُلت: «هنعمل إيه دلوقتي؟»

أجابني بهمس خافت: «هنستنى نشوف هيعمل إيه الأول، عشان نعرف نتصرف».

لكن قبل أن ينبس أحدنا ببنت شفة، سمعنا صوت سيارة تدخل إلى القرية بسرعة، صرخت إطاراتها وهي تتوقف أمام أحد الشاليهات، قبل أن يفتح بابها ونسمع من يصرخ بهستيريا: «فين المسئول عن القرية دي؟»

هَرَعْنَا أَنَا وَالْمِسْتَر خَالِد بِشْرَعَةٍ إِلَى السَّيَّارَةِ، الَّتِي هَبَطَتْ مِنْهَا سَيِّدَةٌ تَرْتَدِي فُسْتَانًا عَارِي الْأَكْتَافِ، رَغْمَ بَرُودَةِ الْجَوِّ، وَتُغَطِّي كَتْفَيْهَا السَّمَرَاوِينَ بِشَالٍ صُوفِي بِهِ لَوْلُؤَاتٌ صَغِيرَةٌ تَلْمَعُ تَحْتَ أَشْعَةِ الشَّمْسِ الَّتِي تَوْشَّطَتْ كَبِدَ السَّمَاءِ، شَعْرَهَا قَصِيرٌ، بِالْكَادِ يَصِلُ إِلَى كَتْفَيْهَا، يَمِيلُ إِلَى اللَّوْنِ الْبُنِّيِّ، وَتَرْتَدِي نَظَارَةَ شَمْسٍ مِنْ إِحْدَى الْمَارَكَاتِ الشَّهِيرَةِ. ظَلَّلَتْ شَفَتَيْهَا الْمُكَتَنَزَتَيْنِ بِلَوْنٍ زَاهٍ أَقْرَبَ لِلْبُنِّيِّ الْمُحْمَرِّ، وَوَضَعَتْ الْقَلِيلَ مِنَ الزَّيْنَةِ عَلَى وَجْهِهَا، الْمَتَوَشَّطَ الْجَمَالَ نَوْعًا مَا، كَانَتْ جَذَّتِي تَقُولُ مِثْلًا شَعْبِيًّا يَصِفُ تِلْكَ السَّيِّدَةَ بِالضَّبْطِ: «يُعْطِي الْحَلْقَ لِي بَلَا وَدَان». لَكِنَهَا بـ (وَدَان) تُزَيِّنُهَا أَقْرَاطُ مَاسِيَةٍ تَقْرِيْبًا أَوْ شَيْءٍ مِنْ هَذَا الْقَبِيلِ.

بَيْتُ الْقَصِيدِ هُوَ أَنَّهَا تَمْتَلِكُ الْكَثِيرَ مِنَ الْمَالِ، وَفَقًّا لَزِيَّهَا وَزِينَتِهَا، لَكِنَهَا تَفْتَقِرُ لِلْجَمَالِ الرَّبَّانِيِّ الْخَلَّابِ، ذَلِكَ الَّذِي يُمَيِّزُ الْكَثِيرَ مِنَ الْفَقِيرَاتِ أَوْ مَتَوَشَّطَاتِ الْمُسْتَوَى، خَلَعَتْ نَظَارَتَهَا الَّتِي غَطَّتْ عَيْنَيْهَا الْبُنِّيَّتَيْنِ، وَنَظَرَتْ لِلْمِسْتَرِ خَالِدٍ بِاشْمُزَانٍ أَوْ نَظْرَةٍ مِنْ فَوْقٍ لَتَحْتَ كَمَا يَقُولُونَ قَبْلَ أَنْ تَسْأَلَهُ: «إِنَّتِ الْمَسْئُولُ عَنِ الْمَكَانِ دَا؟»

قَالَ بِقَلِيلٍ مِنَ الْعَصْبِيَّةِ، مُحَاوَلًا ضَبْطَ نَفْسِهِ: «خَيْرٌ يَا فَنْدِم؟ مِينِ حَضْرَتِكَ؟»

قَالَتْ لَهُ بِشُخْرِيَّةٍ: «لَا وَإِنَّتُمْ الشَّهَادَةُ لِلَّهِ مُهْتَمِّينَ تَعْرِفُوا مِينِ دَاخِلٍ وَمِينِ خَارِجٍ!»

نَظَرَ لِي بَدَهْشَةً، وَسَأَلَنِي: «هِيَ بِتَكْلُمَنِي كَذَا لِيهِ؟»

قرّرت التدخّل في الحوار، مُحاولًا تهدئة الأجواء قليلًا: «معلش
ممكن حضرتك تهدي شوية عشان نقدر نساعدك؟»

نظرت لي بنفس القرف تقريبًا، قبل أن تسأله بشخريّة: «ودا إيه
البِتاع دا كمان؟»

نزل رجل من المقعد الخلفي للسيارة، وقال لها: «استئي إنت يا
لولا، خّليني أتصرّف أنا».

نظرت له بتحدّ للحظة، ثم أشارت له بإيماءة تعني: وريني
شطارتك!

اقترب من المستر خالد، وقال بهدوء: «أنا ياسر، جوز مدام لولا،
بنت طنط شاهي».

نظر لي المستر وكأنه يستنجد بي، فلم أتردّد لحظة في إنقاذه،
قائلًا: «مدام شاهيناز، القعيدة اللي في الشاليه دا، ومعاها مس مريم
الممرضة».

قالت لولا بشخريّة من خلفه: «قصّدك كانت ..».

لم أفهم قصدها، لكن لا داعي لسؤالها عنه الآن، فأني مُحاولَة
لاستفزازها ستأتي بنتيجة عكسيّة مُهيّنة، لذا ابتلعت فضولي،
ووأدته في مهده، ونظرت للأستاذ ياسر، الذي تابع حديثه قائلًا:
«طنط شاهي كلّمنا من تليفون غريب، Video Call عشانها مش
بتكلّم زي ما إنتم عارفين، و ..».

قاطعته بمزيد من الشخريّة: «والله دول نايمين على ودانهم، ولا
عارفين حاجة عن أي حاجة».

أشار لها أن تهدأ قليلاً، وعاد يُحاول تفسير سبب ثورتها العارمة:
«الفهم، اللي فهمناه إن الفمضة بتاعتها مشيت وسابتها لوحدها!»

انعقد حاجباي، أين ذهبت مس مريم؟ لم أرها اليوم فعلاً! هل قتلها
كريم بيه؟

أفقت من أفكاري على صوت الرجل، ياسر زوج مدام لولا، وهو
يتابع حديثه: «طبعا بسبب ظروف طنط شاهي، مفهمناش منها أوي،
عشان كدا كلّمنا الفمضة، اللي قالت إنها أخذت أجازة عشان أختها
بتولد».

صاحت لولا بعورة عارمة: «ما طبعا، ما أنا قلت لك بلاش تاخذ
مرتب الـ ٣ شهور كلهم، بس إنت مبتسمعش كلامي يا ياسر، وبتعمل
بس اللي في دماغك، قُلتك الصنف دا نمرود .. ومينفعش يتدلّعوا».

قال مُحاولاً تهدئتها: «استني بس يا لولا».

لوحت بيدها بإيماءة غاضبة، وقالت: «بلا استني يلا بتاع بقى،
أهو برودك دا اللي جايبنا ورا، واحدة زي دي تديها المبلغ كله مُقدّم،
أهي سابتها ومشيت، إنما لو فلوسها بتوصل متأخر .. أو حتى بعد ما
تخلص، هتفضل تحت طوعنا».

أغمض عينيّ للحظة، ثم أمسك بكتفيها، ونظر في عينيها وقال:
«ممكن تهدي شوية؟»

نظرت له للحظة، قبل أن تنقلب سحنتها وهي تقول: «اعمل اللي
تعمله بقى، إنت مفيش فايده فيك يا ياسر!»

سأله مستر خالد: «يعني مريم المُمرضة مشت وسابتها لوحدها؟ وهي أصلاً قعيدة؟ مُمكن حضرتك تفهمني بالراحة شوية».

أجابه ياسر: «طنط شاهي قعيدة، ومش بتتكلم، وعشان كذا حركتها صعبة شويتين، آخر مرة تعبت .. التعب كان شديد شوية، والدكتور طلب منا إننا نوّديها مكان مُختلف تغيّر فيه جو شوية. فطلبنا من المُمرضة تيجي بيها هنا، وتقعد معاها ٣ شهور، شهر الشّتا لوحدهم، وبعدين هنيجي إحنا شهرين الصيف نبقى معاهم».

شعر المُستر بضرورة الحديث هنا، فقال: «حلو».

ضحكت مدام لولا بشخريّة وقالت: «حلو؟ اتفضل .. بيقولك حلو». نظر له زوجها بلوم للحظة، ثم عاد يستكمل حديثه: «لا مش حلو يا فنّدم، لأن المُمرضة سابتها وهربت، بعد ما أخذت فلوسها مُقدّم».

كانت قد استندت إلى السيّارة، لكنها نهضت بسرعة، وكان ثعباناً قد قرصها وقالت: «المُمرضة الحيوانة دي! أنا هعرف إزاي أربيها». ثم أمسكت خُصلة من شعرها وقالت: «مبيقاش على ست لو مخليتهاش تحلف باسمي!» ثم قالت بدهشة: «أنا لولا العتباني .. تعمل معايا كذا؟ أنا؟»

أمسكها من كتفها مرة أخرى، وقال بلوم: «مُمكن تهدي عشان ضغطك؟ وأنا أوعدك كل اللي عايزاه هيكون».

نظرت له بشخريّة وقالت: «إنت مش فالِح غير في الكلام إنت كمان». وتركته وعادت لتستند إلى السيّارة، مدّت يدها إلى حقيبة صغيرة، وأخرجت منها ما يُشبه الفلاشة، وضعت طرفه في فمها،

وفجأة .. خرجت من بين شفّتيها سحابة كثيفة من الدخان، نفتتها
عاليًا كالقطارا!

عاد أستاذ ياسر زوج مدام لولا لاستكمال حديثه قائلاً: «لما كلمناها
قالت إنها اضطرتّ تسافر عشان أختها بتولد، ودا طبعا كلام فاضي ..
لإنها ببساطة مش هتوافق تسيب أختها لو عارفة إنها حامل
وهتولد».

نهضت مدام لولا عن السيّارة مرّة أخرى، هذه المرّة نفتت سحابة
دخانها في وجهينا وهي تقول: «وانتم إزاي بقي يا حضرات تبقى
السّت لوحدها وانتم متبلغوناش؟»

كيف؟ لقد رأيت مس مريم بالأمس؟ متى غادرت القرية؟ صحيح
أنني لم أرها اليوم! لكن هذا لا يعني أبداً أنها رحلت؟

هل يُمكن أن تكون قد رحلت أثناء الليل؟ واتخذت من ظلامه ستاراً
يُخفيها عن أعيننا؟

هذا مُستحيل!

أم ثراه مُمكن!

تركنا مدام لولا وتحركت نحو الباب، فتحتة بمفتاحٍ أخرجته من
حقيبتها الصغيرة، وما إن فتحتة حتى وجدنا مدام شاهي على
كرسيها المُتحرك تقف خلفه، وكأنها تنتظر أن يفتحها أحدهم ليحررها
من سجنها الذي تركتها فيه مس مريم ورحلت خلف شقيقتها.

جلست مدام لولا القرفصاء أمام والدتها، تحسست وجهها بحنوٍ
غير مُناسب لثورتها التي مسحت كل أخضر ويابس من كرامتنا،

وكرامة أستاذ ياسر، وسألتها برفق: «إنتِ كويّسة يا حبيبتي؟»

هزّت العجوز القعيدة رأسها بالإيجاب، ودموعها تفرّ هاربة من مقلّتيها، مسحت مدام لولا دموعها بإبهاميهما وقالت: «متقلقيش .. مش هسيبك تاني والله».

ثم نظرت لي وقالت: «إنت .. ادخل هات لنا كوباية مئة إجري».

رفعت مدام شاهي وجهها نحوي، زبما لترى وجه ذلك الـ (إنت) الذي خاطبته ابنتها، قبل أن تستقر على وجهي للحظة، تبدّل فيها خزنها بزعب عارم، بدأت تصرخ بصوت مكتوم، وتخرج أصواتًا عشوائية، وهي ثومئ برأسها نحوي، وتنظر لي بفزع.

يبدو أنها لم تنس موقف الأستاذ حسام كامل بعد، وتشعر بالخوف مني لأنني وقفت بجواره يومئذ، والآن تعتقد أنني زبما قد أتهجم عليها مرّة أخرى.

نظرت لي مدام لولا بدهشة وسألتنى: «مالها؟ إنت عملت فيها إيه؟»

نظر لي المستر خالد وسألني: «عملت إيه يا سعيد؟»

التفت إليه وقلت مُدافِعًا عن نفسي: «والله ما عملت حاجة!» ثم إلى مدام لولا وقلت: «والله ما عملت حاجة!»

سألتنى بعدائيّة: «أمال فيه إيه؟»

أجبتها بقليل من التردد: «دا الأستاذ .. قصدي واحد من الملاك كان بينه وبين مس مريم المُمرضة مشاكل، وجه اتخانيق معاها هنا أول

إمبارح، وكنت حاضر الخناقة وخذته ومشيت، وبعدين هي شافتني
ماشي معاه، فغالبا افكرتني في صفه ولا حاجة».

جذبني المستر من دراعي وسألني: «وانت مش بتحكي الكلام دا
ليه يا سعيد؟»

بلعت ريقى بصعوبة وقلت: «موضوع بسيط، وقلت بلاش أزعج
حضرتك بيه يعني».

ابتسمت بشخيرة وقالت: «واضح إنك نايم على ودانك».

احمرّ وجهه وهو يقول: «لأ طبعا يا فندم». ثم نظر لي وقال هامسا:
«أنا هطلع عين أهلك، اصبر عليّا».

استمرت ثورة مدام شاهي المصبوغة بالخوف، مسحت ابنتها،
مدام لولا دموعها، وقالت: «إنت هتفضل واقف ترغي معانا؟ مش
قلتك هات كوباية مية من جوا؟»

تجاوزت مدام شاهي التي صرخت في خوف مكتوم، وأسرع
إلى الداخل، وقفت في الصالة للحظات، أبحث عن المطبخ، حتى
وجدته، أمسكت كوبا فارغا، تأكدت من نظافته، وفتحت الصنبور
لأملأ الكوب، قبل أن أتذكر أنهم لا يشربون ماء الصنبور مثلنا، وأنهم
إما يشربون مياه معدنية، أو يستعينون بفلتر من سبع مراحل تقريبا
ليكرر لهم مياههم.

وهكذا غيرت رأيي، وأغلقت الصنبور وفتحت الحلاجة، ووقفت
لحظة لأستوعب ما أراه، فأمام عيني .. امتلأت الحلاجة بأكياس
الثلج، متراصة فوق بعضها، وبداخلها تقبع مكعبات الثلج الشفاف،

مرّت لحظة طويلة، وأنا أقف أمام العِلاجَة بلا حراك تقريبًا.

أفقت من ذهولي المؤقت على صوت مدام لولا تصيح: «إنت هتفضّل واقِف زي البجم كدا كثير؟ ما تتحرّك!»

تمتلك هذه السيّدة موهبة فطرية في إهانة كلّ سيئ حظ يتقاطع طريقه مع طريقها، مُستخدمة قاموسًا من الألفاظ المُهينة التي تبرع في اختيارها واستخدامها بفنّتهى السهولة.

خطفت زُجاجة مياه معدنية من رفّ باب العِلاجَة وأغلقتها بشرعة، صببت الماء كيفما اتفق في الكوب، وأغلقت الزُجاجة، حملت الكوب وسرّت به إلى مدام شاهي، التي خطفته من يدي بعدائيّة وقالت: «بتقول إنها خايفة منك عشان كانت بتشوفك معاها».

شعرت بضرورة الدّفاع عن نفسي قائلاً: «أنا؟»

نظرت في عينيّ بتحدٍّ وسألتني: «إنت كنت مرافقها يلا؟ دا أنا هخرب بيتك!»

دافعت عن نفسي قائلاً: «والله لأ، مس مريم كانت مُحترمة والله».

لماذا دافعت عنها بصفتها مُحترمة، ولم أدافع عن نفسي بصفتي مُحترم أولًا؟

انتظرت ريثما سقت مدام شاهي كوب الماء، قبل أن أسألها: «هو حضرتك معاكي بطاقة المُمرّضة؟ مس مريم يعني!»

أجابتنني وهي تُعطيني الكوب الفارغ: «هعمل إيه ببطاقتها يا بني آدم».

سألتها بسذاجة: «ولا حتى صورة يعني؟»

أجابتنى: «معايا صورة بطاقتها أكيد على الموبايل، بس ليه؟»

بلعت ريقى بصعوبة، وسألتها: «طيب، لو مش هيضايق حضرتك،
ممكن أشوفها؟»

سألتني بتحدّ: «ليه؟»

أجبتها: «هفهم حضرتك .. بس أشوفها لو سمحتي».

أخرجت هاتفها من حقيبتها، التي قبعت بجوارها أرضًا بلا حراك
منذ تركتها هناك، بحثت بصعوبة بعض الشيء، بسبب أظافرها
الطويلة، حتى وجدتها، وعرضتها عليّ.

«مريم إبراهيم حسين عامر».

لكن الصورة كانت مُختلفة بعض الشيء!

فقد كانت صورة سيدة سمراء، عجوز، ترتبط طرحة بيضاء كيفما
اتفق حول رأسها، وتنظر إلى الكاميرا التي التقطت لها صورة البطاقة
ببلاهة تُحسد عليها.

بلعث ريقى بصعوبة وأنا أعيد الهاتف إليها، ثم ناولتها الكوب
الفارغ مرّة أخرى، وتحركت.

نظروا لي جميعًا بدهشة، قبل أن يسألني المستر خالد: «رايح
فين؟»

لكنني لم أجبه، فلم أكن قادرًا على الحديث .. قط!

وانطلقتُ إلى وجهتي، التي ربما تكون الأخيرة، دون أن أنبس
ببنت شفة!

والعالم يدور من حولي!

كتمت أنفاسي بفجؤد اقترابي من الشاليه، حرفيًا ومجازًا، بسبب
الرائحة الكريهة المُنْبِعِثَة منه، وبسبب خوفي الزائد مما ينتظرني بين
جدرانه، أو بمعنى أصح مَن ينتظرني بين جدرانه!

قاومت خوفي وترددي، وابتلعت ريقِي بصعوبة، وأنا أقطع الممرَ
الفاصل بين بوابة الحديقة المفتوحة، وبوابة الشاليه نفسه، سرث
وأنا عالق في صراع مُحْتَدِمٍ بين أفكارِي ومشاعري.

تجاهلت كل الأصوات التي تصرخ بي لأهرب، وكذلك حدسي الذي
جنّ جنونه وهو يُحاول إقناعي بالرحيل من هنا، ووقفت أمام الباب
الموارب للحظة، قبل أن أحسم أمري وأدفعه.

هاجمتني الرائحة على الفور، تسَلَّت من أنفي وتغلغلت في روحي،
وسرّت في نفسي حتى لوّثتها. وقفت مكاني للحظة .. رائحة الموت
تدفعني دفعًا لأرحل، لكنني تمالكث نفسي، واستجمعت شتات قوّتي
وشجاعتي، ورفعت كوفيّتي الحمراء لشغطي أنفي المُتَجَعِّد.

هذه المرّة لم أتقدّم أكثر من خطوَّين أو ثلاثًا، قبل أن أقف في
مكاني مرّة أخرى، ثابتًا كتمثالٍ إغريقي نحتوه ليعرف مَن بعدهم
معنى الخوف وتعريفه، فربما لم يكن العالم ليجد تعريفًا أقوى
للخوف والرعب مما ارتسم على قسَمات وجهي.

فأمام عيني، قبع جسدٌ على الأرض، لكنه لم يكن جسد أنثى هذه
المرّة، بل جسد رجل .. رجل أعرفه جيدًا، وأثق فيه كثيرًا.

استلقى جسد كريم بيه بلا حراك على الأرض، مُلقًى على ظهره،

ورغم بركة الدماء القانية التي اتسعت حول رأسه في هالة حمراء مخيفة، إلا أنه كان لا يزال حيًا، فصدره يعلو ويهبط بفعدل ثابت، وإن كان ببطء شديد.

اقترب منه بخطوات بطيئة وتأملت رأسه، الذي شجَّ بعنف من الخلف، والتمثال الرخامي الفاتح الملقى أرضًا الذي لوَّته الدماء، ولم أكن بحاجة لخبير ليشرح لي تفاصيل ما حدث هنا، فالموجودات تقص القصة بأكملها، دون أن تخفي شيئًا.

أما جثة السيدة، فقد اختفت! لم تكن في مكانها، لكنني أعتقد أنني أعرف أين هي الآن!

قطعت صالة الشاليه بخطوات سريعة، حتى وصلت لباب مغلق، كنت أعلم جيدًا ما يخفيه خلفه، فتصميم هذه الشاليهات متشابه إلى حد التطابق، ووقفت خلف الباب وأنا أحاول التنفُّس، باذلاً قصارى جهدي للهدوء.

علمت جيدًا ما ينتظرني بالداخل، فلم تكن مفاجأة، بالطبع خدعتني المظاهر، وسقطت أسيرًا لخداعها..

كان يجب عليّ ملاحظة شعرها المصْفَف بعناية فائقة، وأظافرِها المنمَّقة الإكليريكي، المطلية بلون زاهٍ لا يشبه أظافر من مارست الطب يومًا، ناهيك عن عطرها الذي علّق عليه كريم بيه وقال إنه من أشهر العطور وأبهظها ثمنًا.

كل هذه أشياء فوَّثها بغبائي، ولم أنتبه لها. فمن المعروف أن الممرضات لا يُطلقنَّ عنان أظافرهنَّ سواء الطبيعية أو الإكليريكي،

لأنهنَّ يحتجنَّ لاستخدام أيديهنَّ بحرية في الكثير من الأشياء التي تحتاج ليدٍ طبيعية تمامًا.

ناهيك طبعا عن عطرها النفاذ الذي تفوح رائحته بدرجة كافية لإيذاء المرضى الذين يعانون من ضيق التنفس أو أي شيء له علاقة بالصدر.

وهنا بدأت أتذكر المزيد من الأشياء، مثل نظرة الفرع المهولة التي احتلت عيني مدام شاهيناز يوم مُشكلة الأستاذ حُسام، رأيتها تهزُّ رأسها نفيا وعيناها مُتسعَتان ومليئتان بالخوف الشديد، يبدو أنها يومها حاولت الاستنجاد بي، لكنني ظننتها فِرعة من صراخ الأستاذ حُسام ومحاولته الخرقاء لاقتحام المنزل.

كم أنا غبي!

أخذت نفسًا عميقًا، وأطلقتَه بعمق، ثم فتحت باب الحمام بهدوء، وبالداخل رأيتها، مُنهمكة في مُحاولة حمل جُثة السيِّدة، لتضعها في حوض الاستحمام، الذي لم يكن فارغا، بل احتضن بين جنباته جُثة أخرى، جُثة رأيتها من قبل، وبدأ معها كل شيء، والكثير والكثير من العُلق!

جُثة الدكتور النفسي التي رأيثها من قبل فوق ظهر الحوت، والتي اختفت بعدها بساعات قليلة، الآن أعرف أين اختفت، وأين ذهبَت! يبدو أنها اكتشفت أننا رأيناها، وقَررت نقلها إلى هنا في مُحاولة بائسة لتبديد مخاوفنا تجاه جريمة القتل.

لكن كيف لفتاة بنحالتها أن تنقل جُثة رجل ثقيلة من وإلى ظهر

الحوث؟ بينما تُعاني هُنا لرفع جُثّة سيّدة أصغر حجماً وأخف وزناً؟
هل لديها شريك آخر؟ هل كريم بيه هو شريكها؟ واختلفا حول شيء
ما فضربته على رأسه؟

لكن لا، ضربتني صاعقة الفهم، فسرت كهرباء المعرفة في خلايا
مُخي، لثضيء ظلام جهلي.

وفهمت .. فُهمت كل شيء.

أخذت نفساً عميقاً آخر، مُتجاهلاً رائحة الموت، وناديتهَا: «أميرة!»
التفتت فجأة، بعدما انتبهت لوجودي للمرة الأولى، ثم ظهرت
أمارات الغضب على وجهها وهي تقول: «كيف عرفت؟»

لم أخبرها بالطبع عن اللحظة التي استغلثها بعد دخول المُستر
خالد لدورة المياه المُلحقة بمكتبه الصغير، وبحث في دفاتر القرية
بحثاً عن هويّة مالك الشاليه الذي رأيت الجُثّة فيه، وعرفت أنها
سيّدة تُدعى أميرة.

وعندما عرفت أن المُمرضة، مس مريم الحقيقيّة، ليست هي الشابة
الحسنة التي عرفتني بنفسها بصفتها مُمرّضتها، اكتملت القطعة
الأخيرة من الأحجية!

وفهمت كل شيء!

سألتهَا: «أنا عرفت كل حاجة، وقبل ما تفكّري تقتليني زي ما
قتلتهم». وأومأت برأسي إلى الجُثتين، قبل أن أضيف: «لازم
تعرفي إن مُستر خالد عارف كل حاجة، وبيُتصل بالشرطة من مكتبه
دلوقتي».

بالطبع لم يكن هذا صحيحًا، لكنها لم تعرف تلك المعلومة، وأعتقد أنه لا داعي لأن تعرفها في الوقت الحالي.

نظرت للجفتين، وهزت رأسها قائلة: «لا .. لا .. دول كان لازم يموتوا».

أجبتها: «مش إحنا اللي بنحدد مين لازم يموت ومين لازم يعيش!»
صرخت وعيناها تغرورقان بالدموع: «لا .. فيه ناس لازم تموت! فيه ناس لازم تقتل!»

هزئت رأسي نفياً وقلت: «مفيش مبررات للقتل».

«لا فيه .. قتل كلاب زي دول له مبررات».

«متحاوليش تقنعيني!»

«اسمعي بس، ولو أقنعتك .. نتكلم!»

«بقولك متحاوليش .. مفيش مبررات للقتل!»

«مين اللي قال؟ إنت! تعرف إيه إنت عن القتل؟ تعرف إيه عن مبررات القتل؟ تعرف إيه عن الدوافع اللي خلتنى أقتلهم؟»

صمت للحظة، ثم قالت من بين دموعها: «إنت حتى مش عايز تسمعني .. مش عايز تديني فرصة أفهمك!»

نظرت إلى شاشة هاتفي للحظة، وقلت: «تمام، معاكي عشر دقائق تحكي لي فيهم الموضوع، بس بشرط .. تقولي الحقيقة وبس! أي كلمة كدا ولا كدا! هتصل بالمسترييجي بنفسه لحد ما البوليس يوصل».

نظرت لي ودموعها تخونها وتسقط على وجنتيها، وقالت بصوت
مُخْتِنِق: «طيب .. هقولك كل حاجة». أخذت نفساً عميقاً وأضافت:
«كل حاجة بدأت سنة ٢٠٢٠ .. وتحديداً .. في شهر أكتوبر!»

(٢٦)

أكتوبر ٢٠٢٠

انتهى الفطرب الشهير بأغانيه الذائعة الصيت ونكاته السخيفة من تصوير فيديو كليب أغنيته الأخيرة، بدا جليًا لكل الموجودين في موقع التصوير مدى انسجامه مع بطله أغنيته الفصورة الجديدة، خصوصًا أن هناك شائعة بوجود علاقة تجمع بينهما. رغم أنها مُجَرَّد إشاعة، إلا أن الجميع كانوا مؤمنين تمامًا بأنه لا يوجد دخان بدون نار!

عاد الجميع إلى أماكنهم، انتهى التصوير لذلك اليوم، وبدأ الجميع يُلملمون أشياءهم استعدادًا للرحيل، وعاد الجميع إلى الأماكن المُخصصة لهم، وهكذا عاد مُطربنا إلى الـ (كارافان) الخاص به، وهو يُمطر مُساعدَه بوابل من الثُكَّت السخيفة، ولم يملك المُساعد المسكين سوى الضحك كيلا يُطرَد من وظيفته.

دخل النجم إلى الـ (كارافان) وأغلق الباب خلفه، خلع ملابسه بمُساعدة مُساعدَه، ودخل للاستحمام، وبمُجَرَّد أن كاد ينتهي، صاح مُناديًا مُساعدَه: «بقولك إيه يا مُصطفى .. روح نادي لمرمر تيجي توُسنِي شويّة».

تردَّد مُصطفى للحظة، وكاد يُخبره بأشياء كثيرة، أهمها أنه لا ينبغي أن يعرف أي أحد في موقع التصوير بعلاقته بها، لكنه آثر الصمت مُبتليًا كلماته، وذهب ليأتي بها، وحتى عندما أخبرته: «طيب روح أنت وأنا جايّة وراك».

نظر في الأرض وأجابها بخجل مُهذَّب: «مينفعش والله يا ست هانم، النجم قال رجلي على رجلك».

وهكذا انصاعت له، وطلبت منه انتظارها بالخارج قليلًا، وبالفعل خرجت له بعد عِدة دقائق، وهي ترتدي فُستانًا مفتوحًا وتضع زينة كاملة. نظر لها مُصطفى بدهشة، وهو يسأل نفسه: هي عملت كل دا إمتى؟

لكنه لم ينبس ببنت شفة، وما إن وَصلا إلى الباب، وطرقه استعدادًا للدخول، حتى فَتَح له النجم وهو يرتدي روبًا أحمر، وقال مُرحبًا: «أهلاً أهلاً يا مرمر .. تعالي .. اتفضلي يا قمر». ثم أشار لمُصطفى بطرف خفي، وهي الإشارة التي فَهَمها مُصطفى فقال: «طيب يا نجم، هروح أنا أجيب لكم حاجة ساقعة من ..». تلقت حوله بحثًا عن أي شيء، لكنه لم يجد، فأشار إلى اتجاه عشوائي وقال: «من هناك».

دخلت مرمر وتأملت المكان بدهشة، ثم قالت: «إنت قاعد في الكارافان دا كله لوحداك؟»

قهقه النجم وقال: «لا تُحدي بالك أنا مش بحب الحسد .. بس بحب النمر».

حاول أن يحتضنها من الخلف، لكنها تملّصت من بين يديه بصنعة لطافة وقالت وهي تدفعه بعيدًا: «بلدي أوي الطريقة اللي مَشِيت بيها مُصطفى».

قال وهو يبتسم: «غبي». ثم نظر في عينيها وحاول احتضانها مرة

أخرى: «وحشتيني أوي».

قالت له وهي تدفعه بعيدًا برفق: «وانت أوي».

تظاهر بالغضب وقال: «طيب بتبعديني ليه؟ إنت مش عارفة إني بحبك؟»

قالت له بلين: «وأنا كمان بحبك، بس أنا سبق وقُلت لك إن سكتي الحلال».

قال بغضب، حقيقي هذه المرة، وهو يبتعد عنها: «بس إنت عارفة إني مينفعش أعمل أي حاجة في الحلال دلوقتي». استدار بتشئج ونظر لها قائلاً: «وعارفة دا كويس أوي كمان».

قالت: «ماشي، عارفة .. بس مش فاهمة ليه يعني!»

قال: «عشان مراتي اللي معايا دلوقتي صعبة أوي، وشرسة، وهتعمل أي حاجة عشان تحافظ عليا. دا طبقًا غير مشاكل مع الزفتة اللي قبلها، اللي دايرة في كل حته تقول إني سرقت كليتها!»

قالت له بصرامة: «مفيش مُشكلة، خلينا نستنى لحد ما توفّق أوضاعك».

حاول احتضانها مرة أخرى وهو يقول: «طيب ما نوفّق أوضاعنا دلوقتي، وأوعدك هنتجوز بعدين».

دفعته بعيدًا، بغضب هذه المرة، وهي تقول: «أنا عايزة أمشي».

جرحت الدفعة كبرياءه، فصفعها بقوة وهو يقول: «إنت فاكرة نفسك مين يا بت؟ انت مجرّد كومبارس يا حبيبتني؟ موديل

رخيصة! الألف منك بجزمة نجم زبي!»

شعرت بالإهانة فقالت: «ولمّا أنا مُجَرَّد موديل رخيصة .. بتجري ورايا زي الكلب ليه؟» دفعته مرّة أخرى وقالت: «سيبني أمشي، وإلا قسمًا بالله ..». انحنت وأمسكت بحذائها في يدها وقالت: «ما هضربك غير بالجزمة على وشك، وهخلي فضيحتك على كل لسان». دفعته بعيدًا عن الباب، وخرجت، لكن قبل أن تغلق الباب سمعته يقول: «تمام .. تمام أوي. هنشوف مين فينا اللي فضيحته هتكون على كل لسان».

أغلقت الباب بغنف ورحلت وهي تُتمتم ببضع كلمات على غرار رجال آخر زمن، وشيء له علاقة بالكلاب أو أبنائها!

استيقظت من نومها في الصباح التالي على رؤية هاتفها المحمول، اللعين يرن بلا توقّف، أمسكته وبكسل تأملت شاشته قبل أن تعتدل على فراشها، سبعة وسبعون مكالمة فائتة من أرقام غريبة، أربعمائة وعشرون رسالة واتس آب، مائتا رسالة إنستجرام، ناهيك عن بقية التطبيقات.

شعرت بحرارة الهاتف بين يديها، وهو أمر طبيعي نظرًا للظروف التي مرّ بها، رنّ الهاتف مرّة أخرى، أجابت ووضعت الهاتف على أذنها، سمعت رجلًا يسأل: «مرمر؟»

قالت بتردد: «أيوه! مين؟»

قال: «باسل من إي تي بالعربي، بثصل بيكي عشان أعرف رأيك في

الإشاعة المنتشرة!»

سألته بحيرة: «إشاعة إيه؟»

صمت للحظة قبل أن يقول: «إنتِ لسه معرفتيش؟»

قالت بدهشة حقيقية: «لا». ثم سألته بنفاد صبر: «فيه إيه؟»

قال: «الناس كلها بتقول إنك راجل متحوّل، مش ست، وإنك لسه .. لسه عندك الأعضاء الذكرية زي ما انتِ! إيه تعليقك على الكلام دا؟»

أنهت المكالمة وهي تشغّر بالخوف، دارت بها الدنيا، ابتلعت ريقها بصعوبة، ويدها ترتجف، وبدأت تتفحص الإنترنت.

وأدركت الأمر..

يقول الجميع إنها رجل متحوّل، وليست أنثى كاملة، وأنها لا تزال تمتلك الأعضاء الذكرية، وأنها تحرّشت/ تحرّش بالنجم الشهير أثناء تصوير الأغنية.

فكّرت في نفي الأمر، لكن من ذا الذي سيصدقها؟ فكّرت في الخضوع لفحص طبي، لكن هل سيصلح هذا من الأمر؟ فكّرت في التجاهل، لكن هل هذا حل؟

أخيرًا، فتحت الواتس آب بينها وبين المطرب الشهير، ووجدت منه رسالة متنها كلمة واحدة: «بالشفا».

قبل أن يحظرها من كافة مواقع التواصل الاجتماعي، ويتزكها وحيدة في قارب هش في مواجهة محيط غاضب من الشائعات

الْقُدْمَرَةُ!

فهل ستنجو منه؟

(٢٧)

اتَّسَعَ الطريق أمام السيَّارة فانطلقت دون حساب، من الأشياء الجميلة والمُمتعة فيما يتعلق بالقيادة؛ أنها لا تحتاج لكثير من التركيز. وقبل الاعتراض على الجملة السابقة، أريدك أن تتخيل عدد المرات التي استغرقت فيها في التفكير أثناء قيادتك لسيَّارتك، ووجدت نفسك قد وصلت لوجهتك دون أن تدري! أي أنك قدت سيَّارتك، وعبرت من بين -وبجوار- مئات السيَّارات دونما تركيز، وكأن جسدك مُبرمج على القيادة بشكلٍ آلي في حال انشغال عقلك.

وهكذا انطلقت السيَّارة تقطع الطريق إلى شاليهها في الساحل الشمالي، وانطلقت هي وسط أفكارها المُتضاربة، تُحاول ترتيبها قليلًا؛ علَّها تصل لأي شيءٍ منطقي تفهم منه كيف آلت أمور حياتها إلى هذه النقطة.

لم تقدر على مواجهة المُجتمع بعد الإشاعة التي وصمتها بالعار، حتى عندما أجزت التحاليل والفحوص الطبيَّة اللازمة، ادَّعى الجميع أنها تقارير غير صحيحة، وأنها (فنكوش) على حدِّ قول أحد مُقَدِّمي البرامج الشهيرين. كما أن أدوارها في الفترة الأخيرة انحصرت في المُتحوِّلين جنسيًا فقط، حتى إن أحد المُخرجين عَرَض عليها دور (شاب) يشفر بأنه أنثى؛ مُبرِّزًا ذلك بأن ملامحها مُناسبة للدور.

أما المُطرب الشهير؛ فلم يتوقَّف عن العمل، ولم يتوقَّف عن الغناء، ولم يُحاسبه أحد على الإشاعة المُدمِّرة التي وصفها بها.

لم تجد مرمر بُدًا من الانعزال، وترك هذا المُجتمع بأسره. وبمرور الوقت، لم تغد تُحاول تبرير موقفها، أو شرح نفسها، أو حتى التواضل مع أي أحد. وتوقفت عن الرد على اتصالات ورسائل المُخرجين ومكاتب الكاستينج. وحبست نفسها في منزلها؛ ظنًا منها أن الوحدة والبُعد عن البشر هما أفضل شيء مُمكن.

لكنها لم تكن بففردها!

لوث الاكتئاب وحدتها، وأزق مضجعها. سقم أفكارها، ومزّر حلو حياتها. أبى أن يتزكها وحيدة؛ فصبغ كل أفكارها وأحلامها باللون الأسود. شل انطلاقها نحو مُستقبلها، وجثم على صدر آمالها فخنقها. كادت شقّتها الصغيرة أن تكون (زريبة)؛ بل وإن جئنا للحق .. كانت (زريبة).

فالملايس في كل مكان، قذرة كانت أو نظيفة. أما بقايا الطعام فقد تناثرت يمنة ويسرة، فتعفن بعضها، وتحلل بعضها الآخر. وهو ما جاء بالضيوف الجدد، كالذباب، والهاموش، والخنافس، وبالطبع لا مانع من بعض الديدان هنا أو هناك، وفأر أو فأرين في الأركان.

لم تغد تجد أطباقًا نظيفة تأكل فيها؛ فلجأت لتناول الطعام في الأطباق القذرة. وكذلك الأكواب، فأصبحت تشرب الماء في أكواب ملوثة بأشياء لا تعرفها حقًا. حتى انتهى بها الأمر - بطبيعة الحال - مريضة، وهكذا اتّصلت بشقيقتها لتأتي لنقلها للمستشفى!

وعندما دخلت المسكينة إلى شقتها؛ شهقت ووقفت في مكانها تتأمل القذارة من حولها بغير تصديق!

نقلتها شقيقتها إلى المُستشفى، وتأكدت من تلقيها للعلاج اللازم،
ثم تركتها وعادت للشقة، وفي غضون ساعتين - أو يزيد قليلاً -
تحوّلت الشقة من (زريبة) لمكان يصلح للسكنى.

وعندما تماثلت مرمز للشفاء، اقترحت عليها شقيقتها الحصول
على بعض المساعدة الطبيّة. أبّت مرمز، وصفّقت شقيقتها. ولأن
الزّن على الآذان أمر من السحر، انتهى بها الأمر بالترّد على عيادة
الدكتور/ حازم رشاد.

مرّت أول جلسات بشكلٍ طبيعي، وبذل حازم قصارى جهده
ليعيد ثقتها بنفسها، كما أنه حاول مرارًا وتكرارًا إقناعها بأن انعزالها
لن يأتي بأي نتيجة سوى تأكيد الإشاعة اللعينة، وأنه ينبغي عليها
الخروج للعالم ومواجهة المطرب القذر بمدى قذارته.

لكن مرمز لم تكن من محبي المواجهات والباحثين عن الصدمات؛
لذا أثرت الصمت ولم تنو الخروج لمواجهة أي أحد. كما أنها مُصابة
بصدمة من مدى هشاشة مُجتمع الفن؛ وبالتالي لا تريد - ولا تنوي -
التعامل معهم مرّة أخرى.

وبدأت علاقتها بالطبيب تأخذ منحى آخر، فلم تعدّ الجلسات
مُخصّصة للحديث عن حالتها النفسيّة؛ بل أصبحت مُخصّصة
للحديث عن مدى أنوثتها، وعن مدى جمالها الصارخ وفتنتها
الطاغية. وهو الكلام الذي كانت مرمز في حاجة ماسّة لسماعه؛
خصوصًا بعد أن قضت شهرًا تُعامل كشابًا!

سمّعت .. وفهمت. فأدرّكت .. وفكرت. ثم لانت .. وذابت. سلّمت ..
واستسلّمت.

وانتهى بها الأمر بين أحضانه، فهو الرجل الوحيد الذي جعلها تشغُر
بأنوثتها بعد أن ضمرت. ورغم رفضها التام للاستسلام في أحضان
رجلٍ خارج نطاق الحلال في البداية؛ إلا أن الأمر شرعان ما انتهى
بها في أحضان طبيبها. لأنه أطرب مسامعها بكل ما احتاجت سماعه
في تلك الفترة من حياتها، وجعلها تشغُر بكل المشاعر التي تضررت
جوعًا إليها.

هذأت من سرعة السيّارة قليلًا، رأت تجفّعًا لبعض السيّارات على
جانب الطريق، فظنّنت أنها حادثة، اقتربت لشاهد الحادثة كعادتنا
جميعًا في مثل تلك المواقف، لكنّها شرعان ما انتبهت لأنها عملية
النصب الشهيرة المُتعلّقة بالعطور، والتي يعرفها الجميع تقريبًا.
لذا شرعان ما انطلقت بسيّارتها، غير عابئة بنداء البائع/ النصاب
الذي ركض خلف سيّارتها وهو يعدّها بفيلا هدية لو اشترت منه
زجاجة عطر بعشرة جنيّيات، فكما ترى .. إنه عرض لا يُقاوم!
وما إن انطلقت السيّارة على الطريق الخالي المفتوح، حتى غرقت
في أفكارها مرّة أخرى!

هكذا تحوّلت الجلسات من جلسات نفسيّة، لجلسات غرام، ثم
لجلسات جنسيّة!
وبدأ حازم يُخبرها بقصص عن مريضاته اللاتي يقعن في غرامه؛
لكنه تركهنّ جميعًا من أجلها هي. وبدأت تشغُر بأهميتها في حياته،

وتقع في غرامه أكثر فأكثر، وتعددت وتكررت لقاءاتهما، وغرقت في بحر غرامه الحرام دون حساب.

حتى جاءت اللحظة التي غيّرت كل شيء .. للأسوأ .. وللأبد!

خرج حازم من الحمام وهو يُجفف رأسه بمنشفة وردية اللون، بينما استرخت هي في الفراش، عارية، وإن غطت جسدها البض بملاءة خفيفة كشفت عن مفاتيحها أكثر مما سترتها.

جلس على طرف الفراش وهو يُلقي بالمنشفة جانباً ياهمال، وقال: «أنت خطيرة».

ضحكت في خجلٍ أنثوي وهي تقول: «أنت السبب، أنت اللي خلّيتني خطيرة كدا».

تنهد قبل أن يقول: «أنا مش مبسوط مع كيكي يا مرمز».

دفن وجهه بين كفيّيه، وزفر بخزن، اقتربت منه، وربّنت على ظهره برفق ولين، ثم قالت: «عارفة».

رفع وجهه، واغرورقت عيناه بالدموع، قبل أن يقول: «بس مبسوط معاكي أوي .. عشان إنت مش زيّها، وغمرِك ما رفضتي ليّا طلب».

ابتسمت وقالت: «أنا بحبك .. وغمري ما هرفض لك طلب».

سألها بلهفة: «أبدًا؟»

قالت بحنوٍ بالغ وهي تحتضنه من ظهره: «أبدًا».

اعتدل ونظر في عينيها وهو يقول: «طيب أنا عايز حاجة هدية
لعيد ميلادي، بس .. بس أنا عارف إنك هترفضي وهتكسري بخاطري
وبنفسي».

احتضنته مرة أخرى، وقالت: «غمري ما هعمل كدا .. وعد».

نظر في عينيها وقال: «اوعديني الأول إن صورتني مش هتتهز في
نظرك أبدًا مهما حدث».

قالت له بحنو وهي ثقبه في وجنته برفق: «أوعدك يا حبيبي..
أوعدك طبقًا».

نظر في عينيها وقال بفنتهى الجدية: «عايز نجرب نبقى مع
كيكي».

امتلات عيناها بالرعب وقالت بدهشة: «إيه؟ قصدك إيه؟»

قال وهو يقترب منها: «عايز نجرب الموضوع سوا .. إحنا الثلاثة».

ابتعدت عنه وقالت بدهشة: «ابعد عني .. متلمسينش». ثم قالت
وهي ترتعد: «أنا عايزة أمشي .. عايزة أمشي حالًا».

نهضت وبدأت ترتدي ملابسها، قبل أن تسمع صوتها من خلفها،
التفتت بدهشة وشاهدته يمسك هاتفه، الذي يخرج منه صوتها وهي
تأوه وتتغنج بأنوثة، اقتربت منه وعيناها تتسعان بدهشة عندما
شاهدت نفسها معه في الفراش على شاشة الهاتف.

سأله بخوف: «حازم .. إيه دا؟»

أجابها: «دا الفيديو اللي هينزل على التت والناس كلها هتشوفه لو

مسمعتيش كلامي وعملتني اللي بأمرِك بيه!»

ضربته بيديها على ظهره وهي تصرخ: «إنت إيه؟ شيطان! أنا مش مصدقة إنك عملت كدا بعد ما وثقت فيك وسلمتكَ نفسي!»

نهض من مكانه وأمسك شعرها وجذبه بقوة، وهو يقول بوحشية حيوانية: «اسمعيني يا مرمز، أدامك حاجتين مالهمش تالت .. يا الفيديو ينزل على النت والناس كلها تشوفه .. أو تعملني اللي أمرتك بيه!»

سأله بصوت مُرتعد: «وكيكي؟ عارفة؟»

قال وهو يتزك شعرها: «ملكيش دعوة بكيكي دلوقتي .. خليكي في نفسك».

همست لنفسها: «أنا مش مصدقة .. مش مصدقة .. حقيقي مش مصدقة!»

نظر لها وهو يقول: «طيب، إنتي مش قولتيلي إن عندك شاليه في الساحل الشمالي؟ خلاص هنروح نحتفل فيه بعيد ميلادي، وكيكي هتيجي معايا طبقًا بس مش هقولها .. هقولها بس إننا رايعين نحتفل بعيد ميلادي وهناك هنتفاهم معاها». ابتسم بشخيرة وقال: «ابعتيلي لو كيشن على واتس آب». لَوَّح بالهاتف وقال: «ومتفكريش كثير .. أظن إنك بقيتي خلاص عارفة إيه اللي هيحصل».

نظرت لي وعيناها مليئتان بالدموع، وسألتني: «إثنين زي دول .. عايزهم يعيشوا؟ طيب ليه؟ عشان يبتزوا ناس تانية ويهددوهم بالقذارة دي؟» أومات برأسها نحو جُحّة الدكتور حازم وقالت: «إنت عارف أنا لقيت على تليفونه كام فيديو زي دا؟ عارف ابتز كام بنت؟ وابتز كام ست؟ عارف خرب كام بيت؟ وكام عيلة؟ إنت فاهم أد إيه هو شيطان؟»

نظرت إليها دون رد للحظة، ثم حسمت أمري وقلت: «ولو .. مش بإيدينا إحنا اللي بنقول ونحاسب الناس».

نظرت لي بدهشة وقالت: «ناس؟ دول شياطين!»

قلت: «ولو .. دا مش من حقك!»

أجابتنى بصراخ: «ومن حقه هو إنه يعمل كدا؟ إنت عارف .. بعد ما قتلتهم، خرجت أتمشى وأنا خايفة، بحاول أصفي ذهني وأرتب أفكاري، سمعت مدام شاهي بتصرخ صريخ مكتوم من جوا الشاليه بتاعها، بضيت عليها، ولقيتها قاعدة لوحدها، حاولت تشرح لي وفهمت منها إن الفمضة بتاعتها مشّت، في الأول قلت مليش دعوة وهمشي وأسببها، وبعدين قلت لا .. أنا هضرب عصفورين بحجر واحد .. هاخذ الكرسي أنقل بيه الجُتتين أرميهم في المية، وهمثل إني الفمضة بتاعتها كام يوم عشان أراقب الجو وأضمن إني هبقي موجودة وسطكم عشان أقدر أتصرف لو الدنيا باظت».

سألتها في غير فهم: «أنا فهمت الجزء دا، بس اللي مش فاهمه ..

ليه رميتي الجُثة على ظهر الحوت؟»

صرخت: «رميته في الميَّة، في قلب الميَّة، بس هو قذر .. ومن كُتر قذارته .. البحر مقدرش يبلعه، والموج رماه على ظهر الحوت مرَّة ثانية .. وساعتها شُفتوه».

«وليه شلتي الجُثة؟»

«عشان متبَلِّغوش الشرطة .. لو جُم هيكتشفوا كل حاجة».

«ومدام شاهي؟»

«والله كُنت براعيها، بس هي كانت خايفة مني، ومعاها حق، فغالبا كانت هتبوِّظ كل حاجة، نقلت جُثة حازم الشاليه وجبت تلج، وكنت بحط تلج حواليه في البانيو عشان الريحه، بس سبت جُثة كيكي هناك .. لحد ما ريحتها طلعت واكتشفتموها وجودها».

«وليه متصرِّفتيش معاها؟»

«بسببك! قاعد رايح جاي! بتفرك طول الوقت! من هنا لهنّا! ومن شاليه وشاليه! إنت السبب في كل دا .. إنت السبب».

نظرت لها بدهشة، ودون أن أنطق بكلمة، فسألتنى: «ها .. إيه؟»

سألتها بدهشة: «إيه؟»

«اقتنعت بكلامي؟»

«إنت قتلتهم!»

«آه قتلتهم .. بس هُما شياطين! ويستاهلوا الموت! أنا الضحية ..

مش الجاني!»

صرخت فيها: «مفيش مُبْزرات للقتل!»

صرخت من بين دموعها: «لأ فيه .. فيه!»

سألتها: «والغبان اللي كسرتي التمثال على دماغه برة دا؟»

أجابتنى بشراسة: «كان هيفضح كل حاجة! كان هيعرف الحقيقة! مكانش لازم يدخل في وقت زي دا».

انهارت أرضاً على زكبتها، وارتجّ جسدها من البكاء، لم تنطق كلمة أخرى، وعرفت أنه دوري، يجب أن ألعب دور مُحرك الأحداث الآن، لذا أمسكت هاتفى ونظرت إليه، دون أن أغفل النظر إليها، وطفقت أفكر في اختياراتى ..

إما أن أقتنع بمُبرراتها، لأن هذين القذرين يستحقان القتل فعلاً، ويستحقان أن تُنظف الدنيا من شرورهما، وأساعدها في إخفاء الجثتين أو على الأقل في الهروب دون أن يُقبض عليها!

أو أتبع حدسى، الذي يصرخ بأنه لا مُبررات للقتل، وأنا كبشر ليس من حقنا أن نُقرر مصائر غيرنا من البشر!

فكرت للحظة ثم حسمت قرارى.

سألتنى: «هتعمل إيه؟»

أخذت نفساً عميقاً، وقلت: «خلاص .. أنا خدت قرارى، وعرفت هعمل إيه».

تمت بحمد الله

في حال أعجبتك الرواية، يُمكنك مُشاهدة حلقات برنامج «بتاع
الزُعب» على اليوتيوب على «القناة الثانية»، وكذلك بودكاست
«Top Six» مع الكاتِب باسم الخشن على نفس القناة.

وقريبًا جدًّا سيُمكنك الاستماع إلى حلقات بودكاست «بتاع
الزُعب» على سبوتيفاي وأنغامي وأبل بودكاست وغيرها من
المنصّات الصوتيّة المُختلفة.

شكر واجب لكل من ترك أثرًا في حياتي هذا العام

الجميلة / شيمو كساب

الصديقة العزيزة / ولاء رضا

الصديق العزيز / محمد حجازي

والحلوين:

سعاد مصطفى محمد رضا منيعم

محمد راضي محمد علي علي

سارة يونس يويا الشريف

منة خميس ماما / إيناس الخبيري

ماما / فاتن العبودي زينب مرسى

هبة مؤمن إيمان مؤمن

محمد جمال فرانك حلمي مطر

إيلينور سيف ياسمين سيف